

We would like to thank the Acholi team who contributed to this Terminology Bulletin, which is the outcome of a project which started in 2006 and took two years to complete, namely the translation of the Rome Statute into Acholi. Primarily devised as a working tool for junior interpreters, this project was completed with the help of experts who thoroughly revised the document. Given that legal and judicial terminology was non-existent in Acholi when the project started, it is important to stress that this is a groundbreaking work as far as terminology is concerned. This document is not an official version of the Rome Statute of the International Criminal Court.

If you have any comments on the bulletin or any questions on terminology matters, please do not hesitate to contact the Terminology and Reference Unit at: terminology.terminology@icc-cpi.int.

Nous remercions l'équipe acholie qui a travaillé à la réalisation du présent bulletin de terminologie. Ce bulletin est le produit d'un projet, commencé en 2006, dont la réalisation a pris deux ans : la traduction du Statut de Rome en acholi. Conçu d'abord comme un outil de travail destiné aux interprètes débutants, il a été finalisé grâce à l'aide d'experts qui ont révisé le document de manière approfondie. Étant donné qu'aucune terminologie juridique ou judiciaire n'existait en acholi, il y a lieu de souligner l'aspect novateur de ce travail du point de vue terminologique.

Le présent document ne peut être considéré comme une version officielle du Statut de Rome de la Cour pénale internationale.

Pour toute remarque sur le bulletin ou toute question portant sur un point de terminologie, n'hésitez pas à contacter l'Unité de la terminologie et des références en envoyant un courriel à l'adresse suivante : terminology.terminology@icc-cpi.int.

CIK ME ROMA
PA KOT ME WILOBO PI BAL

**Coc ma i Cik me Roma ma gipoko macalo dokumen
A/CONF.183/9 me nino dwee 17 me dwee me abiro mwaka 1998
dok ma gitiro lok ma i iye malube ki lok ma giye i kacokke me nino
dwee 10 me dwee me apar wiye acel mwaka 1998, me nino dwee 12 me
dwee me abiro mwaka 1999, me nino dwee 30 me dwee me apar wiye
acel mwaka 1999, me nino dwee 8 me dwee me abic mwaka 2000, me
nino dwee 17 me dwee me acel mwaka 2001 ki me nino dwee 16 me
dwee me acel mwaka 2002. Cik man ocaoko tic i nino dwee 1 me dwee
me abiro mwaka 2002**

Copyright © STIC 2008

Lacim¹

Acakki	1
CURA 1 KETO KOT	2
Dul 1 Kot	2
Dul 2 Wat i kin Kot ki United Nations	2
Dul 3 Gaŋ Kal pa Kot	2
Dul 4 Cik ma kwako Kot ki twero pa Kot	2
CURA 2 TWERO ME TIC PA KOT, YEE ONYO KWERO ADOT KI CIK MA TIYO	3
Dul 5 Bal ma poto i te twero me tic pa Kot	3
Dul 6 Nek Lumuku	3
Dul 7 Bal i kum dano	4
Dul 8 Bal i kare me mony	6
Dul 9 Cik ma Tito Bal	11
Dul 10	12
Dul 11 Twero me tic pa Kot (<i>ratione temporis</i>)	12
Dul 12 Jami ma mitte wek Kot otii ki twero-ne me tic	12
Dul 13 Tic ki twero me tic	13
Dul 14 Kit ma Lobo ma Lamemba cwalo kwede lok	13
Dul 15 Procekuta	13
Dul 16 Jukko pi tutunu kwedo lok onyo kelo adot	14
Dul 17 Lok me yee pido	14
Dul 18 Ŋolo lok pi tyen mukwoŋo ma kwako yee pido	15
Dul 19 Kwero twero me tic pa Kot onyo kwero yee pido i kum lok moni	16
Dul 20 Bal acel pe gimiyo iye pwod kiryo (<i>Ne bis in idem</i>)	18
Dul 21 Cik ma Tiyo	19

1. Lacim man pe obedo coc me Cik man ma Kacokke me United Nations pa Lucuŋ Dwar ma gitye ki Twero Ducu me keto Kot me Wilobo pi Bal gumoko i nino dwee 12 me dwee me abiro mwaka 1998. Giketo i buk man wek okony cimo jami.

CURA 3 CIK ME BAL MA GITIYO KWEDE KARE DUCU 20

Dul 22	Bal pe ka cik pe (<i>Nullum crimen sine lege</i>)	20
Dul 23	Pwod pe ka cik pe (<i>Nulla poena sine lege</i>)	20
Dul 24	Kot pe tye ki twero i kum bal ma otime ma pud Cik man pe ocako tic (<i>ratione personae</i>)	20
Dul 25	Cuñ pa bal i wii dano moni	20
Dul 26	Kot pe ki twero me tic i kum dano ma mwaka-gi pe oo apar wiye aboro	21
Dul 27	Rwom me tic pe geño kelo adot	22
Dul 28	Twero pa lukomanda ki ludito mukene	22
Dul 29	Cik mo pe geño twero me tic pa Kot	23
Dul 30	Mitti me timo bal	23
Dul 31	Tyen lok ma weko bal pe cuñ i wii dano	23
Dul 32	Arocaroca me lok onyo arocaroca me cik	24
Dul 33	Oda ma aa ki bot ludito ki cik ma giketo	25

CURA 4 LOC PA KOT KI KIT MA KOT OPOKE KWEDE 26

Dul 34	Dul pa Kot	26
Dul 35	Tic pa Luñolkop	26
Dul 36	Rwom me kwan ki me tic, bolo nyiñ ki yero luñolkop	26
Dul 37	Tic pa Luñolkop ma odoñ nono	30
Dul 38	Opici pa Preciden	30
Dul 39	Jang Kot	30
Dul 40	Loc ken pa luñolkop	32
Dul 41	Yee ni luñolkop pe owiny lok ki geño luñolkop me winyo lok	32
Dul 42	Opici pa Procekuta	33
Dul 43	Regictri	34
Dul 44	Lutic	35
Dul 45	Kwoñe	35
Dul 46	Kwanyo dano ki i opici	36
Dul 47	Yoo me miyo pwod	36
Dul 48	Twero ki woro ma gimiyó pi rwom me tic	37
Dul 49	Mucara, lim ma gimiyó pi tic moni ki lim ma gitiyo kwede	38

Dul 50	Leb me tic ma gimoko i te cik ki leb me tic pa Kot me nino ducu	38
Dul 51	Cik me Tic ki me Lanyut	39
Dul 52	Cik pa Kot	39

CURA 5 KWEDO LOK KI KELO ADOT 41

Dul 53	Cako kwedo lok	41
Dul 54	Tic dok twero pa Procekuta malube ki kwedo lok	42
Dul 55	Twero pa dano i kare me kwedo lok	43
Dul 56	Tic pa Jang Kot me Cako Pido ma kwako kwedo lok ma dok pat ki mukene	44
Dul 57	Tic dok twero pa Jang Kot me Cako Pido	45
Dul 58	Kit ma Jang Kot me Cako Pido cwalo waran me mak onyo camon me bino i nyim Kot	46
Dul 59	Yoo me mako dano i Lobo ma en tye iye	48
Dul 60	Winyo lok pi tyen mukwojo i nyim Kot	49
Dul 61	Moko adot ma pido pud pe ocake	50

CURA 6 PIDO 53

Dul 62	Kabedo me pido	53
Dul 63	Pido ma nojo dano ma gikelo adot i kume-ni tye	53
Dul 64	Tic dok twero pa Jang Kot me Pido	53
Dul 65	Winyo lok ka giyee bal	55
Dul 66	Tero dano moni calo pe otimo bal	56
Dul 67	Twero pa dano ma gikelo adot i kume	56
Dul 68	Gwoko joo ma gitimo bal i kum-gi ki lucaden ki bedo tye-gi i pido	58
Dul 69	Lanyut	59
Dul 70	Bal i kum tic me ηol matir	60
Dul 71	Pwod pi tim marac i nyim Kot	61
Dul 72	Gwoko lok ma kwako sekuriti pa lobo	61
Dul 73	Lok onyo dokumen ma aa ki bot joo mukene	63
Dul 74	Jami ma mitte pi moko lok	64
Dul 75	Culu joo ma gitimo bal i kum-gi	64
Dul 76	Miyo pwod	65

CURA 7 PWOD	66
Dul 77 Pwod ma gimiyoy	66
Dul 78 Moko pwod	66
Dul 79 Lim ma gigwoko pi joo ma gitimo bal i kum-gi	67
Dul 80 Woro i kum pwod ma lobo mo miyo ki cik pa lobo mo	67
CURA 8 KOKO APIL KI DIYO ODOCO DOL PA KOT	68
Dul 81 Koko apil i kum mok ma kwanyo onyo ɲolo bal i wii dano onyo i kum miyo pwod	68
Dul 82 Koko Apil i kum mok mukene	69
Dul 83 Winyo lok me Apil	70
Dul 84 Diyo odoco bal ma giɲolo i wii dano onyo pwod ma gimiyoy	71
Dul 85 Culu dano ma gimako onyo giɲolo bal i wiye	72
CURA 9 TIC KACEL I KIN LOBE KI KONY ME TIC CIK	73
Dul 86 Jami ma mitte i kare ducu me tic kacel	73
Dul 87 Kwac me tic kacel: cik ma kwako jami mapatpat	73
Dul 88 Yoo me tic cik ma tye i lobo moni	74
Dul 89 Miyo dano bot Kot	74
Dul 90 Kwac makato acel	76
Dul 91 Jami ma tye i kwac me mak ki me miyo dano	77
Dul 92 Mak pi tutunu	79
Dul 93 Yoo mukene me tic kacel	80
Dul 94 Diro anyim keto i tic kwac malube ki kwedo lok onyo adot ma tye ka time	83
Dul 95 Diro anyim keto i tic kwac malube ki kwero yee pido	83
Dul 96 Lok ma tye i kwac pi kwayi kony mukene i te dul 93	84
Dul 97 Penyo tam	84
Dul 98 Winye ma dok i kum kwero gwok ma gimiyoy pi rwom ki yee me mine	85
Dul 99 Keto i tic kwac i te dul 93 ki 96	85
Dul 100 Wel	86
Dul 101 Cik ma kemo bal ma gimiyoy iye dano bot Kot	87

Dul 102	Gonyo lok ma gitiyo kwede	87
CURA 10 KETO I TIC		88
Dul 103	Tic pa Lobe pi keto i tic pwod me twec i buc	88
Dul 104	Loko Lobo ma gicimo me keto pwod i tic	89
Dul 105	Keto pwod i tic	89
Dul 106	Ñiyo keto pwod i tic ki kit jami ma tye i gañ i buc	89
Dul 107	Kobo dano ñje tyeko pwod	90
Dul 108	Geñ i kum kelo adot onyo miyo pwod i kum bal mukene	90
Dul 109	Keto i tic pwod me culu <i>fine</i> ki yoo me kwanyo jami macalo pwod	91
Dul 110	Kit ma Kot ñiyo odoco lok me jwiko pwod	91
Dul 111	Lwii	92
CURA 11 KACOKKE PA LOBE MA LUMEMBA		93
Dul 112	Kacokke pa Lobe ma Lumemba	93
CURA 12 LOK ME LIM		95
Dul 113	Cik ma kwako tic ki lim	95
Dul 114	Culu pi jami	95
Dul 115	Lim pa Kot ki pa Kacokke pa Lobe ma Lumemba	95
Dul 116	Ajog laboño dic	95
Dul 117	Ñolo ajog	95
Dul 118	Ñiyo buk lim i tum mwaka	96
CURA 13 CIK ME AGIKI		97
Dul 119	Cobo lara	97
Dul 120	Akalakala	97
Dul 121	Alokaloka	97
Dul 122	Alokaloka i kum cik ma kwako kit me tic	98
Dul 123	Ñiyo odoco Cik man	99
Dul 124	Cik pi tutunu	99
Dul 125	Keto ciñ, jolo, yee, cwako onyo donyo i Cik man	99
Dul 126	Cako tic pa Cik	100
Dul 127	Aa ki i Cik man	100
Dul 128	Coc me cik i leb ma akalakala pe iye	101

Copyright © STIC 2008

Acakki

Lobo ma Lumemba me Cik man

Gijeyo ni wat obeno oribo dano, ni tekwaro-gi oribe kacel i te kwaro alaka, dok gitye ki lworu ni tekwaro man ma nep giromo turo-ne cawa mo keken,

Gijeyo ni i mwaka mia man lutino, mon ki coo ma romo milyon ki milyon gulimo can malube ki aranyi maracu ma pe titte ma onyo coyo i kum dano me wilobo,

Gineno ni kit bal magi maracu ni balo kuc, sekuriti ki ber bedo i wilobo,

Gimoko ni bal maracu atika ma kelo lworu bot dano me wilobo ducu omyero pe okat labojo pwod dok ni omyero ginen ni gikelo adot pi bal magi kun nojo lobo moni timo jami ma mitte i lobo-gi dok medo winye pi tic kacel i kin lobe,

Gimito neno ni lutim bal magi omyero gipwod-gi wek okony jwiko kit bal ma kumeno,

Gipoo ni obedo tic pa lobo acel acel me tic ki twero-ne me tic i kum bal, i kum joo ma bal me wilobo ocuj i wii-gi,

Gimoko Gin ma Oweko Giketo ki Cik ma tye i Cik Madit me United Nations, atikane ni lobo ducu pe bitic ki bura onyo gero me nywaro lobo moni, onyo loc ken pa lobo mo keken, onyo i kit yoo mo keken ma pe rwatte ki Tyen Lok pa Dul me United Nations,

Ginwoyo malube ki lok man ni pe tye gin mo i Cik me Roma ma miyo twero bot Lobo ma Lamemba mo keken me donyo i lweny mo onyo i lok ma i lobo mo keken,

Gimito pi tyen lok magi ki pi dano ma i kare ni ki ma i anyim, me keto Kot me Wilobo pi Bal ma loone kene dok ma bibedo matwal kun nojo wat tye i kine ki Dul me United Nations, kun nojo tye ki twero me tic i kum bal maracu atika ma kelo lworu bot dano me wilobo ducu,

Ginwoyo ni Kot me Wilobo pi Bal ma Cik man oketo ni gibitic kwede kacel ki twero-ne me tic i kum bal pa lobo moni,

Gimoko me neno ni giworo dok giketo i tic nol matir i wilobo pi naka.

Doŋ guyee kit man:

CURA 1 KETO KOT

Dul 1 Kot

Kot me Wilobo pi Bal (“Kot”) doŋ gityeko keto-ne. Kot man bibedo matwal dok bibedo ki twero me tic i kum dano ma gutimo bal maracu atika ma wilobo neno ki lworo kit ma gicimo i Cik man, dok Kot man bitic kacel ki twero me tic pa Lobo moni i kum bal. Twero me tic ki kit me tic pa Kot bilube ki cik ma tye i Cik me Roma.

Dul 2 Wat i kin Kot ki United Nations

Wat bibedo tye i kin Kot ki United Nations malube ki winye ma Kacokke pa Lobe ma Lumemba me Cik me Roma bimoko. Iŋeye, Preciden me Kot biketo ciŋe kawaŋ Kot.

Dul 3 Gaŋ Kal pa Kot

1. Gaŋ kal pa Kot bibedo i The Hague i Netherlands (“Lobo ma Kot bedo iye”).
2. Kot man bibedo ki winye ma kwako gaŋ kal pa Kot ki Lobo ma bedo iye. Kacokke pa Lobe ma Lumemba omyero omok winye man ka iŋeye Preciden me Kot biketo ciŋe kawaŋ Kot.
3. Kot man romo winyo pido i kabedo mo keken, ka oneno ni mitte, kit ma gicimo i te Cik man.

Dul 4 Cik ma kwako Kot ki twero pa Kot

1. Kot man bibedo dul me wilobo ma ŋeene i te Cik macalo dano. Kot bibedo bene ki twero i te cik kit ma mitte me ticce dok me cobo tyen lok ma oweko giketo iye.
2. Kot romo tiyo ticce dok romo tic ki twero-ne, kit ma gicimo i Cik man, i ŋom pa Lobo ma Lamemba mo keken ki i ŋom pa Lobo mo mukene ma pe Lamemba teki winye obedo tye.

CURA 2 TWERO ME TIC PA KOT, YEE ONYO KWERO ADOT KI CIK MA TIYO

Dul 5

Bal ma poto i te twero me tic pa Kot

1. Twero me tic pa Kot bibedo i kum bal maracu atika ma kelo lworo bot dano me wilobo ducu. Kot tye ki twero me tic malube ki Cik man i kum bal magi:
 - (a) Bal me nek lumuku;
 - (b) Bal i kum dano;
 - (c) Bal i kare me mony;
 - (d) Bal me nywaro lobo mukene.
2. Kot bicako tic ki twero-ne i kum bal me nywaro lobo mukene ka doŋ gityeko moko cik malube ki dul 121 ki 123 ma tito kit bal meno dok tito kit ma Kot bitic ki twero-ne i kum bal meno. Cik ma kit meno omyero orwatte ki cik ma rwatte ma tye i *Charter* pa United Nations.

Dul 6

Nek Lumuku

I te Cik man, “nek lumuku” en aye tim ma gitimo ki cwiny me tyeko dano ducu onyo but dano pi bedo anywali me lobo moni, kaka, dano me raji moni onyo me dini moni, kit man:

- (a) Neko dano me dul moni;
- (b) Keto awanu maracu me kom onyo me wic i kum dano me dul moni;
- (c) Keto akaka dano me dul moni i kit kwoo ma gitimo wek dano me dul meno onyo bute otum woko;
- (d) Timo jami mogo ki cwiny me geŋo nyodo i dul meno;
- (e) Kobo tektek lutino me dul moni i dul mukene.

Dul 7

Bal i kum dano

- I. I te Cik man, “bal i kum dano” en aye tim mo keken ma noŋo gitimo i kabedo mapol dok kore ki kore, ma gikemo kwede dul reya mo keken dok bene ŋec me monyo reya meno obedo tye. Tim magi aye:
- (a) Nek;
 - (b) Tyeko dano;
 - (c) Keto dano i kwoo me opii;
 - (d) Ryemo dano tektek ki i lobo moni onyo kobo dano tektek i kabedo mukene;
 - (e) Twec onyo diyo dano i kit yoo mukene maracu ma weko dano pe bedo agonya maturo cik me wilobo ma pirgi tek;
 - (f) Wuno dano;
 - (g) Butu ki dano tektek, butu ki dano opii opii, diyo dano me bedo malaya, keto yacu tektek, geŋo nyodo tektek, onyo kit yoo mo keken me gero me butu maracu ma pore ki magi;
 - (h) Keto i kwoo matek dano me dul moni onyo dano ma gucoke kacel ma giromo cimo-gi pi tyen lok me cuŋ i wii bye, bedo dano me raji moni, anywali me lobo moni, me kaka, me tekwaro, me dini, me *gender* kit ma gigonyo kwede i paragraf 3, onyo pi tyen lok mukene ma wilobo ducu ŋeyo ni cik me wilobo pe yee, malube ki tim mo keken ma gicimo i paragraf 3 onyo bal mo keken ma potu i te twero me tic pa Kot;
 - (i) Diyo dano me rweny woko;
 - (j) Bal me *apartheid*;
 - (k) Tim alany mukene i kum dano marom ki ma gicimo ni ma gitimo ki cwiny me kelo can malit onyo awano maracu me kom onyo me wic onyo ma kelo goro i kom dano.

2. Ma kwako paragraf 1:

- (a) “Monyo dul reya” mo keken” en aye tim mo ma ocoko tim mapol mapatpat ma gitimo i kum dul reya mo keken kit ma gicimo i paragraf 1, malube ki onyo me keto i tic yub pa Lobo moni, onyo pa dul moni me monyo dano i yoo ma kit meno;
- (b) “Tyeko dano” tye iye keto dano akaka i yoo me kwoo ma i kine tye iye gejo dano me nojo cam ki yat ki cwiny me tyeko but dano meno;
- (c) “Keto dano i kwoo me opii” en aye tic ki twero mo onyo ki twero ducu me keto dano moni i te twero pa dano mo macalo jami-ne dok ma i kine tye iye tic ki twero meno me cato dano, atikane mon ki lutino;
- (d) “Ryemo dano tektek ki i lobo moni onyo kobo dano tektek i kabedo mukene” en aye diyo dano me kobo i kabedo mukene, ma nojo giryemo-gi aryema ki i kabedo ma gitye i iye i te cik onyo ma nojo gitiyo ki tim me dic mukene labono tyen lok ma cik me wilobo yee;
- (e) “Wuno dano” en aye ” keto akaka arem malit onyo can marac, kadi bed me kom onyo me wic i kom dano ma tye i te loc onyo twero pa dano ma gikelo adot i kume-ni; ento arem onyo can ma aa keken ki i, ma tye i, onyo obedo adwogi me pwod ma gimio i te cik pe bibedo wuno dano;
- (f) “Kelo yacu tektek” en aye tweyo dako ma giweko oyac tektek ma pe lube ki cik, ki cwiny me nyweno kaka moni onyo me timo jami mukene maturo cik me wilobo i yoo marac. Kit ma gigonyo lok man pe bibedo ki adwogi mo keken i kum cik me lobo moni ma kwako yacu;
- (g) “Keto dano i kwoo matek” en aye gejo dano akaka dok i yoo marac me bedo ki twero ma pirgi tek ma pe rwatte ki cik me wilobo pi tyen lok ni gubedo dano me dul moni onyo me kabedo moni;
- (h) “Bal me *apartheid*” en aye tim alany ma pore ki ma gicimo i paragraf 1, ma kaka moni timo kore ki kore me diyo dano dok me loyo kaka mukene onyo kaka mapol dok ma nojo gitimo ki cwiny ni wek kaka meno obed i loc;

- (i) “Diyo dano me rweny woko” en aye mak, twec onyo mako dano tektek, ma noŋo lobo onyo dul me cuŋ i wii bye moni aye timo onyo ma noŋo Lobo onyo dul me cuŋ i wii bye moni miyo twero, cwako onyo yee, ci iŋeye gikwero yee ni gikwanyo bedo agonya meno onyo me miyo ŋec i kum gin ma obitime onyo kabedo ma joo meno gitye iye ki cwiny me kwanyo-gi ki i twero me gwok me cik pi kare malac;
3. I te Cik man, giniaŋ ni nyig lok ‘*gender*’ cimo kit dano aryo, coo ki mon, kit ma ŋeene kwede i kin dano. Nyig lok me ‘*gender*’ pe pat ki gin ma gitito malo kany.

Dul 8

Bal i kare me mony

1. Kot bibedo ki twero me tic i kum bal i kare me mony, atikane ka gitimo i te yub onyo cik onyo gitimo kit bal magi i kabedo mapol.
2. I te Cik man “bal i kare me mony” en aye:
 - (a) Turo i yoo marac Cik me Geneva me nino dwee 12 me dwee me aboro mwaka 1949, ma man aye, ka gitimo kit tic mo i kin tic magi i kum dano onyo jami ma Cik me Geneva, ma rwatte gwoko;
 - (i) Nek akaka;
 - (ii) Wuno dano onyo tim alany, ma i kine tye iye temo jami ma tye *biological* i kum dano;
 - (iii) Kelo akaka can malit, onyo awano marac i kom dano onyo i yot kum;
 - (iv) Balo jami mapol ki kwanyo jami, ma noŋo pe gitimo ki mitti me mony ma noŋo gitimo ataa dok laboŋo lubu cik;
 - (v) Diyo mabuc ma gimako i dog lweny onyo dano mukene ma Cik me Geneva gwoko me tic i mony pa lamone;
 - (vi) Geŋo akaka lamabuc ma gimako i dog lweny onyo dano mukene ma Cik me Geneva gwoko me bedo ki twero me noŋo pido laboŋo apokapoka dok kare ki kare kit ma mitte;

- (vii) Ryemo dano ki i kabedo moni onyo kobo onyo tweyo dano laboŋo lubu cik;
- (viii) Mako dano tektek ki cwiny me yenyo kok.
- (b) Kit yoo mukene maturo i yoo marac cik ki kit me timo jami ma tiyo i lweny ma kwako wilobo, kit ma tye kwede i cik me wilobo, ma man aye, tim mo keken i kin magi:
 - (i) Monyo akaka dul pa reya onyo dano mo ma tye reya ma pe gitye i dog lweny;
 - (ii) Monyo akaka jami pa reya, man aye, jami ma mony pe tye ki mitti i iye;
 - (iii) Monyo akaka lutic, jami ma giketo, jami me tic, dul onyo motoka ma tye ka tic me miyo kony bot dano onyo lugwok kuc malube ki *Charter* me United Nations, teki gitye ki twero me gwok ma gimiyobot reya onyo jami pa reya i te cik me wilobo ma kwako lweny;
 - (iv) Monyo akaka ki ŋec ni kit mony meno biweco kwoo pa reya rweny onyo kelo awano i kum reya onyo balo jami pa reya onyo bal maracu ma rii pi kare malac dok i kabedo mapol i piny ma orumu dano ma nen kamaleŋ ni kato mitti pa mony ma onoŋo gimito cobo;
 - (v) Monyo onyo bolo bom i kit yo mo keken, i boma, caro, kabedo onyo odi ma pe gigwoko dok ma mony pe tye ki mitti i iye;
 - (vi) Neko onyo keto awano i kom lalweny ma noŋo oketo jami lweny piny onyo ma noŋo pe tye ki yoo mo me gwoke, ma doŋ oilo ciŋe malo ki cwinye;
 - (vii) Tic i yoo marac ki bendera me jukko lweny, onyo bendera onyo alama me mony ki uniform pa lamone onyo Dul me United Nations, kacel ki alama ma ŋeene me Cik me Geneva, ma adwogine bedo too onyo awano marac me kom;
 - (viii) Ka lobo ma tye kaloyo kabedo moni okobo but reya ma meg i atyer onyo i yoo ma pe atir, i kabedo ma gitye ka loyo-ne ni onyo oryemo tektek onyo okobo dul dano weŋ onyo but dano ma tye i kabedo ma gitye ka loyo-ne i kabedo meno onyo kamukene;

- (ix) Monyo akaka odi ma gidyero me dini, kwan, tic ciŋ, *science* onyo tic me miyo kony, jami me nipoo kare mukato aŋec, ot yat, ki kabedo kama lutwo ki luret giguro-gi iye, teki magi pe tye jami ma mony tye ki mitti i iye;
- (x) Timo jami maracu i kom dano ma tye i te loc pa lamone-ne macalo ŋolo dul kum onyo temo yat onyo jami mukene maracu ma noŋo pe rwatte ki yoo me caŋo twoo kom, lak onyo kit ma ot yat tiyo kwede i kom dano ma noŋo pe gitimo i mitti-ne, dok kelo too onyo balo i yoo marac kom dano meno onyo dano mapol;
- (xi) Neko onyo keto awano i yoo me roro i kum dano ma aa ki i lobo onyo mony ma lamone;
- (xii) Waco kamaleŋ ni pe gibiweko dano mo makwo;
- (xiii) Balo onyo kwanyo jami pa lumone nikwanyo ka balo onyo kwanyo jami magi mitte atika pi lweny;
- (xiv) Waco kamaleŋ i kot me cik ni gikwanyo, gigiko pi tutunu onyo gikwero yee twero ki kit me timo jami pa anywali pa lobo ma lamone;
- (xv) Diyo anywali me lobo ma lamone me tic i lweny ma giciko i kum lobo-gi, kadi bed ni gin onoŋo gitye ka tic i lobo ma lamone ma onoŋo lweny pud pe ocake;
- (xvi) Yako boma onyo kabedo mo, kadi bed ni gikwanyo iŋe monyo-ne;
- (xvii) Tic ki kwir onyo jami lweny ma tye ki kwir;
- (xviii) Tic ki yamo ma tuŋu dano, ma tye ki kwir onyo yamo mukene maracu, ki jami ma pige jami onyo jami tic mukene ma obedo kit meno;
- (xix) Tic ki rirac ma kwot onyo pade oyot i kom dano, macalo ricac ma tye ki baaca matek ma pe wumo kume weŋ onyo ma giŋolo kume ci otuc;

- (xx) Tic ki jami lweny, jami ma giromo cello-ne i lweny, dok ki kit yoo me lweny ma kelo awano ma okaro ka kare onyo can ma pe mitte onyo ma gitimo ataa maturo cik me wilobo ma kwako lweny, teki kit jami lweny, jami lweny ma giromo cello ki jami dok kit yoo me lweny gigejo-gi dok gitye i lamed me Cik man, ma gibiloko-ne malube ki cik ma rwatte ma tye i dul 121 ki 123;
- (xxi) Timo jami maracu ma lanyo dano atikane, timo jami ma kelo lewic dok dwoko rwom pa dano piny;
- (xxii) Butu ki dano tektek, butu ki dano opii-opii, diyo dano me bedo malaya, kelo yacu tektek kit ma gigonyo kwede i dul 7, paragrap 2 (f), gejo nyodo tektek onyo i kit yoo mo keken me gero me butu maturo Cik me Geneva i yoo marac;
- (xxiii) Tic ki bedo tye pa reya onyo dano mukene ma Cik me Geneva gwoko-gi me gejo tic pa mony kamo, i kabedo mogo onyo i kum dul pa mony;
- (xxiv) Monyo akaka odi, jami tic, dul me yot kom, lutic ot yat ki giwot, ki lutic ma nojo gitye ki alama me Cik me Geneva malube ki cik me wilobo;
- (xxv) Weko reya rii kec akaka macalo yoo me lweny ma nojo gitwono-gi ki jami ma pire tek me kwoo-gi, ma i kine tye iye jukko akaka jami ma gimiyoy me konyo dano malube ki Cik me Geneva;
- (xxvi) Coyo tektek onyo yee lutino ma mwaka-gi pud pe oo apar wiye abic me coone dok me tic i mony me lobo onyo tic kwedi-gi i dog lweny;
- (c) Pi lweny ma pe kwako wilobo, turo i yoo marac dul 3 ma noje i Cik me Geneva anwen ducu me nino dwee 12 dwee me aboro mwaka 1949, ma man aye, tim mo keken i kin magi ma gitimo i kum dano ma pe gitye i dog lweny, ma i kine tye iye lumony ma guketo jami lweny-gi piny ki lumony ma pe twero lweny macalo adwogi me twoo, ret, twec onyo pi tyen lok mo keken:
- (i) Tim gero i kum kwoo ki i kom dano, atikane kit nek mo keken, nojo dul kum, tero dano i yoo marac ki wuno dano;

- (ii) Timo jami marac ma lanyo dano, atikane timo jami ma kelo lewic dok dwoko rwom pa dano piny;
- (iii) Mako dano tektek ki cwiny me yenyo kok;
- (iv) Miyo pwod ki neko dano ma noŋo kot ma ŋeene pe oŋolo kop, kun noŋo tiyo i yoo me pido matir ma pire tek ma omyero gilub.
- (d) Paragraf 2 (c) tiyo i kare me lweny ma pe kwako wilobo; doŋ pi meno pe kwako ayelayela ki guŋ cwiny ma time i lobo moni macalo jemo pa lwak, tim me gero ma time kamo keken dok cawa mo keken onyo tim mukene marom ki magi.
- (e) Kit yoo mukene maturo i yoo marac cik ki kit me timo jami ma gitiyo kwede i lweny ma pe kwako wilobo, kit ma tye kwede i cik me wilobo, ma tye tim mo keken i kin magi:
- (i) Monyo akaka dul pa reya onyo dano mo ma tye reya ma pe gitye i dog lweny;
- (ii) Monyo akaka odi, jami tic, dul me yot kom, lutic ot yat ki giwot, ki lutic ma noŋo gitye ki alama me Cik me Geneva malube ki cik me wilobo;
- (iii) Monyo akaka lutic, jami me tic, jami, dul onyo motoka ma tye ka tic me miyo kony bot dano onyo lugwok kuc malube ki *Charter* me United Nations, teki gitye ki twero me gwok ma gimiyi bot reya onyo jami pa reya i te cik me wilobo ma kwako lweny;
- (iv) Monyo akaka odi ma gidjero me dini, kwan, tic ciŋ, *science* onyo tic me miyo kony, jami me nipoo kare mukato aŋec, ot yat, ki kabedo kama lutwo ki luret giguro-gi iye, teki magi pe tye jami ma mony tye ki mitti i iye;
- (v) Yako boma onyo kabedo mo, kadi bed gikwanyo iŋe monyo-ne;
- (vi) Butu ki dano tektek, butu ki dano opii-opii, diyo dano me bedo malaya, kelo yacu tektek kit ma gigonyo kwede i Dul 7 paragraf 2(f), geŋo nyodo tektek onyo i kit yoo mo keken me gero me butu maturo Cik me Geneva aŋwen ducu i yoo marac;
- (vii) Coyo tektek onyo yee lutino ma mwaka-gi pud pe oo apar wiye abic me coone dok me tic i mony me lobo onyo tic kwedi-gi i dog lweny;

- (viii) Golo oda bot dul pa reya me kobo kabedo-gi pi tyen lok ma rwatte ki kukukuku meno, nikwanyo ka sekuriti pa reya ma lok man kwako-gi onyo ka mitte pi tyen lok ma pire tek bot mony;
 - (ix) Neko onyo wano i yoo me roro lamony ma lamone;
 - (x) Waco kamalenj ni pe gibiweko dano mo makwo;
 - (xi) Timo jami maracu i kom dano ma tye i te loc pa lamone-ne macalo ŋolo dul kum onyo temo yat onyo jami mukene maracu ma noŋo pe rwatte ki yoo me caŋo twoo kom, lak onyo kit ma ot yat tiyo kwede i kom dano ma noŋo pe gitimo i mitti-ne, dok kelo too onyo balo i yoo marac yot kom pa dano meno onyo dano mapol;
 - (xii) Balo onyo kwanyo jami pa lumone nikwanyo ka balo onyo kwanyo jami magi mitte atika pi kukukuku meno;
 - (f) Paragrap 2(e) tiyo i kare me lweny ma pe kwako wilobo; doŋ pi meno pe kwako ayelayela ki guŋ cwiny ma time i lobo moni macalo jemo pa lwak, tim me marom ki magi. Paragrap man tiyo i kare me lweny ma time i lobo moni ma noŋo tero kare malac i kin dul pa gamente ki dul pa lulweny onyo i kin dul magi.
3. Pe tye gin mo i paragrap 2 (c) ki (e) ma biloko twero pa gamente me gwoko onyo keto odoco cik ki kit me lubu-ne i lobo-ne onyo me gwoko ribe ki waŋ cor me lobo-ne i yoo ducu ma opore ki cik.

Dul 9

Cik ma Tito Bal

- 1. Cik ma Tito Bal bikonyo Kot me gonyo dok keto i tic dul 6, 7 ki 8. Kacokke pa Lobe ma Lumemba makato aryo i kum adek bimoko-gi.
- 2. Joo magi twero kelo tam me loko Cik ma Tito Bal;
 - (a) Lobo ma Lamemba mo keken;
 - (b) Luŋolkop makato nucu;
 - (c) Procekuta.

Kacokke pa Lobe ma Lumemba makato aryo i kum adek bimoko kit alokaloka magi.

3. Cik ma Tito Bal ki alokaloka i kum nyig bal birwatte ki Cik man.

Dul 10

Pe tye gin mo i Cura man ma gitwero gonyo-ne ni jwiko onyo dwoko piny i yoo mo keken rwom pa cik me wilobo ma doŋ tye onyo ma gibiketo-ne pi tyen lok mo mapat ki Cik man.

Dul 11

Twero me tic pa Kot (*ratione temporis*)

1. Kot tye ki twero me tic i kum bal ma gitimo ije cako tic pa Cik man.
2. Ka Lobo mo odoko Lamemba me Cik man ije cako tic pa Cik man, Kot romo tic ki twero-ne me tic i kum bal ma gitimo ije cako tic pa Cik man i Lobo meno keken, nikwanyo ka lobo meno owaco kamalerj ni giyee twero me tic pa Kot malube ki dul 12, paragraf 3.

Dul 12

Jami ma mitte wek Kot oti ki twero-ne me tic

1. Lobo ma odoko Lamemba me Cik man doŋ oyee twero me tic pa Kot malube ki bal ma gicimo i Dul 5.
2. I te dul 13, paragraf (a) onyo (c), Kot romo tic ki twero-ne me tic ka lobo acel onyo makato i kin magi gitye Lobe ma Lumemba me Cik man onyo giyee twero me tic pa Kot malube ki paragraf 3:
 - (a) Lobo ma bal ma gitye ka lok i kume-ni gitimo i ŋom-ne onyo ka bal otime i meli onyo i dege ci Lobo ma ginjolo iye lancic pa meli onyo dege meno;
 - (b) Lobo ma dano ma gikelo adot i kume pi bal meno obedo anywali-ne.
3. Ka mitte ni Lobo mo ma pe tye Lamemba me Cik man onyut yeyo-ne malube ki paragraf 2, Lobo meno romo cwalo lok bot Regictra me yee twero me tic pa Kot i kum bal ma gitimo ni. Lobo ma oyee twero me tic pa Kot, bitic kacel ki Kot laboŋo gale onyo weyo lok mo malube ki Cura 9.

Dul 13

Tic ki twero me tic

Kot romo tic ki twero-ne me tic i kum bal ma gicimo i dul 5 malube ki cik ma tye in Cik man kace:

- (a) Lobo ma Lamemba ocwalo lok bot Procekuta malube ki dul 14, ma kwako bal acel onyo makato ma nen calo gitimo;
- (b) Security Council ma noŋo tye ka tic malube ki Cura VII me *Charter* pa United Nations ocwalo lok bot Procekuta ma kwako bal acel onyo makato ma nen calo gitimo; onyo
- (c) Procekuta ocako kwedo lok ma kwako bal meno malube ki dul 15.

Dul 14

Kit ma Lobo ma Lamemba cwalo kwede lok

1. Lobo ma Lamemba romo cwalo lok bot Procekuta kace bal acel onyo makato meno ma potu i te twero me tic pa Kot nen calo gitimo, ma kwayo Procekuta me kwedo lok meno wek ginen kace dano acel onyo makato giromo kelo adot i kum-gi pi timo bal meno.
2. Kace twere, lok ma gicwalo ni omyero otit atir jami ma otime dok omyero gicwal ki dokumen ma cwako lok meno, ma Lobo ma tye ka cwalo lok-ki tye kwede.

Dul 15

Procekuta

1. Procekuta romo cako kwedo lok pire kene malube ki ŋec ma en tye kwede ma kwako bal ma potu i te twero me tic pa Kot.
2. Procekuta biŋiyo kit ma lok ma en onoŋo ni pek-ke tye kwede. Pi man, en bipenyu lok me ameda i kum lok meno ki bot Lobe, dul pa United Nations, dul ma kubu kin gamente mapatpat onyo dul ma pe jeje i kum gamente, onyo ki kamukene ma genne, ma en noŋo ni tye kakare, dok romo noŋo caden ma gicoyo onyo ma gimiyu ki dog i Gaŋ Kal pa Kot.
3. Ka Procekuta onoŋo ni tyen lok tye madii wek gicak kwedo lok, en bicwalo kwac-ne kacel ki jami weŋ ma gicoko ma cwako lok man

bot Jang Kot me Cako Pido pi nonjo twero me cako kwedo lok. Joo ma gitimo bal i kum-gi giromo cwalo lok bot Jang Kot me Cako Pido, malube ki Cik me Tic ki me Lanyut.

4. Ka Jang Kot me Cako Pido, ije njiyo kwac man ki jami wej ma cwako lok meno, onono ni tyen lok tye madii wek gicak kwedo lok, dok lok man nen calo poto i te twero me tic pa Kot, en bimiyo twero me cako kwedo lok, labono dwoko piny rwom pa lok ma Kot bimoko ma kwako twero pa Kot me tic ki yee lok meno.
5. Ka Jang Kot me Cako Pido okwero miyo twero me kwedo lok, meno pe bigeno Procekuta me cwalo kwac mukene kace lok onyo lanyut manyen onone ma kwako en lok acel-li.
6. Ka ije njiyo lok pi tyen mukwono kit ma gicimo i dul 15, paragraf 1 ki 2, Procekuta onono ni lok ma gikelo ni pe nyutto ni tyen lok tye madii ma weko gikwedo lok, en biniano joo ma omiyo lok man. Man pe bigeno Procekuta me neno lok mukene ma gicwalo bote ma kwako en lok acel-li kace lok onyo lanyut manyen onone.

Dul 16

Jukko pi tutunu kwedo lok onyo kelo adot

Malube ki Cik man, kwedo lok onyo kelo adot pe romo cake onyo mede ma romo dwee 12 kace Security Council, malube ki mok ma gimoko i te Cura VII me *Charter* pa United Nations, ocwalo kwac ma kumeno bot Kot. Security Council romo nwoyo kwac meno kun nonjo timo jami ducu i yoo acel-li.

Dul 17

Lok me yee pido

1. Malube ki paragraf 10 me Acakki pa Cik man ki dul 1, Kot bimoko ni pe gibiyee pido kace:
 - (a) Lobo ma tye ki twero me tic i kum lok moni tye ka kwedo lok onyo kelo adot malube ki bal meno, nikwano ka Lobo meno pe tye ki cwiny onyo pe twero kwedo lok onyo kelo adot i yoo matir;
 - (b) Lobo ma tye ki twero me tic i kum lok moni donj otyeko kwedo lok ci donj omoko ni pe gikel adot i kum dano ma lok tye i kume-ni, nikwano kace mok man otime pien Lobo meno onono pe tye ki cwiny onyo pe twero kelo adot i yoo matir;

- (c) Dano ma lok tye i kume-ni doŋ gityeko pido i kume pi tim ma gikelo koko i iye-ni, dok Kot pe twero pido i kume malube ki dul 20, paragrap 3;
 - (d) Lok meno pe rac tutwal ma romo weko Kot tiyo i iye.
2. Me moko ni pe gitye ki cwiny me tic i kum lok moni, Kot bineno, kun noŋo lubu yoo me ŋol matir kit ma omyero gilub i te cik me wilobo, kace jami acel onyo makato ma gicimo kany ni tye kit ma rwatte:
- (a) Pido ocake onyo tye ka cake onyo lobo moni omoko lok ki tyen lok me geŋo kor dano ma lok tye i kume-ni wek bal ma poto i te twero me tic pa Kot kit ma gicimo kwede i dul 5 pe ocuŋ i wii dano meno;
 - (b) Pido ogale laboŋo tyen lok mo matir, ma noŋo, pi gin mo ma pe rwatte ki tam me kelo dano meno i nyim kot;
 - (c) Pido onoŋo pe obedo ka time onyo pe tye ka time pire kene onyo laboŋo apokapoka, dok onoŋo gibedo ka pido onyo gitye ka timo pido meno i yoo ma noŋo, pi gin mo pe rwatte ki tam me kelo dano meno i nyim kot.
3. Me moko ni Lobo moni pe twero tic i kum lok moni, Kot bineno kace, Lobo meno pe romo noŋo dano ma gikelo adot i kume-ni onyo lanyut ma mitte ki lok dog lucaden ma mitte onyo ka pe romo pido pien jami me tic cik me lobo meno doŋ otyeko bale woko liweŋ onyo obale marac tutwal onyo ka Lobo meno pe tye ki jami me tic cik.

Dul 18

Dolo lok pi tyen mukwoŋo ma kwako yee pido

1. Ka gityeko cwalo lok bot Kot malube ki dul 13 (a) dok ka Procekuta onoŋo ni tyen lok tye me cako kwedo lok onyo ka Procekuta ocako kwedo lok malube ki dul 13(c) ki 15, Procekuta bimiyo ŋec bot Lobe ma Lumemba ducu ki bot Lobo mukene ma iŋe neno lok ma tye, giromo tic ki twero-gi i kum bal magi. Procekuta romo miyo ŋec bot Lobe magi i yoo me muŋ dok ka Procekuta tamo ni mitte me gwoko dano, jukko balo lanyut onyo geŋo riŋŋo pa dano, romo ŋoyo lok ma gimiyu bot Lobe.

2. I kine ka dwee acel ijee nojo nec meno, Lobo moni romo niajo Kot ni en tye ka kwedo lok onyo etyeko kwedo lok i kum anywaline onyo dano mukene ma poto i te twero-ne me tic ma kwako bal ma romo poto i kin bal ma gicimo i dul 5 dok malube ki lok ma gimio i nec bot Lobe. Ka lobo meno okwayo, Procekuta biwoko Lobo meno kwedo lok i kum joo meno nikwanyo ka Jang Kot me Cako Pido, ije kwac pa Procekuta, omoko me miyo twero me kwedo lok meno.
3. Procekuta bijiyo odoco twero ma gimio ki lobo moni me kwedo lok ije dwee abicel nicake i nino dwee ma nojo gimio kwede twero bot lobo moni me kwedo lok onyo i kare mo keken ma nojo alokaloka madit otime ma nojo lobo meno pe tye ki cwiny onyo pe twero kwedo lok i yoo matir.
4. Lobo meno onyo Procekuta romo koko apil bot Jang Kot me Apil i kum nol pa Jang Kot me Cako Pido malube ki dul 82. Apil man giromo winyo-ne oyot oyot.
5. Ka Procekuta oweko ni Lobo moni okwed lok malube ki paragraf 2, Procekuta romo kwayo ni Lobo meno omyero oniaje kare ki kare kit ma kwedo lok tye ka wot kwede ki i kum adot mo keken ma gikelo. Lobe ma Lumemba omyero gugam kwac man labojo gale ma tere peke.
6. I kare ma gitye ka kurro nol pa Jang Kot me Cako Pido, onyo i kare mo keken ma nojo Procekuta oweko ni Lobo moni okwed lok malube ki dul man, Procekuta romo, pi tyen lok ma pire tek adaada, penyo twero ki bot Jang Kot me Cako Pido me mede ki yoo me kwedo lok kit ma mitte wek gigwok lanyut ka tye gin mo mapat ma otime ma weko ginono lanyut ma pire tek onyo gitye ki lworo madit ni lanyut man bibedo peke i anyim.
7. Lobo ma okwero nol pa Jang Kot me Cako Pido i te dul man romo kwero yee pido i kum lok moni i te dul 19 pi tyen lok ni lok mukene ma pire tek omede onyo ka alokaloka mo ma pire tek onen.

Dul 19

Kwero twero me tic pa Kot onyo kwero yee pido i kum lok moni

1. Kot bineno ka etye ki twero me tic i kum lok mo keken ma gikelo i nyime. Kot romo, pire kene, moko me yee pido i kum lok ma gikelo i nyime malube ki dul 17.

2. Joo magi twero kwero yee pido i kum lok moni pi tyen lok ma gicimo i dul 17 onyo kwero twero me tic pa Kot:
 - (a) Dano ma gikelo adot i kume-ni onyo dano ma gicwalo waran me mak pire onyo camon me bino i nyim Kot malube ki dul 58;
 - (b) Lobo ma tye ki twero me tic i kum lok moni, pi tyen lok ni doŋ etye ka kwedo lok onyo kelo adot onyo ni kwedo lok onyo kelo adot doŋ otum; onyo
 - (c) Lobo ma noŋo omyero koŋ oyee twero me tic pa Kot malube ki dul 12.
3. Procekuta romo penyo Kot me ŋolo lok ma kwako twero me tic pa Kot onyo yee pido. I kare me pido malube ki twero me tic pa Kot onyo yee pido, joo ma gucwalo lok i kum gin ma tye ka time malube ki dul 13, kacel ki joo ma gitimo bal i kum-gi, giromo bene cwalo tam-gi bot Kot.
4. Dano mo onyo lobo mo ma gicimo i paragraf 2, giromo kwero yee pido i kum lok moni onyo twero me tic pa Kot tyen acel keken. Kwero yee pido onyo twero me tic pa Kot bitime ma noŋo pido pud pe ocake onyo i acaki me pido. Kot romo miyo twero ma weko gikwero lok makato tyen acel onyo iŋe cake pa pido ka onyo tyen lok mo tye ma pire tek. Kwero yee pido i kum lok moni, i acaki me pido, onyo iŋe noŋo twero ki bot kot, twero time malube ki dul 17, paragraf 1(c) keken.
5. Lobo ma gicimo i paragraf 2(b) ki (c) bicwalo lok-ke con kit ma noŋo twere kwede me kwero yee pido onyo twero me tic pa Kot.
6. Ma pud pe gimoko adot, gibicwalo kwero yee pido i kum lok moni onyo kwero twero me tic pa Kot bot Jang Kot me Cako Pido. Iŋe moko adot, gibicwalo-ne bot Jang Kot me Pido. Lok ducu ma gimoko ma kwako twero me tic pa kot onyo yee pido i kum lok moni giromo koko iye apil i nyim Jang Kot me Apil malube ki dul 82.
7. Kace lobo ma gicimo i paragraf 2(b) onyo (c) aye tye ka kwero lok, Procekuta bijukko kwedo lok waŋ ma Kot okati ki mok malube ki dul 17.

8. Ka pud gitye ka kurro ɲol pa kot, Procekuta romo penyo twero ki bot Kot:
 - (a) Me mede ki yub ma mitte me kwedo lok kit ma gicimo kwede i dul 18, paragrap 6;
 - (b) Me coyo lok dog onyo winyo caden ki bot lacaden onyo me tyeko coco ki ɲiyo lanyut ma onoɲo gicako tic iye ma pud pe gicwalo lok me kwero lok man; ki
 - (c) Me geɲɲo, kun noɲo tiyo kacel ki lobo ma lok man mako kum-gi, riɲɲo pa dano ma Procekuta doɲ openyo waran me mako-gi malube ki dul 58.
9. Kwero lok i kum twero me tic pa Kot onyo kwero yee pido pe bibalo tic mo keken ma Procekuta doɲ otimo onyo oda mo keken onyo waran ma Kot ocwalo woko ma pud pe gikwero lok man.
10. Ka Kot omoko ni pe giromo pido i kum lok moni malube ki dul 17, Procekuta romo cwalo kwac wek giɲii odoco lok ma gimoko ni ka en oniaɲ atir ni lok manyen dok okati ma ɲolo lok ma onoɲo oweko gimoko ni Kot pe romo pido i kum lok meno malube ki dul 17.
11. Ka Procekuta, kun tiyo ki lok ma gicimo i dul 17, ojukko kwedo lok pi tutunu, Procekuta romo kwayo lobo moni me miyo bot Procekuta lok ma kwako pido meno. Gibigwoko lok meno i muɲ kace Lobo meno okwayo. Ka Procekuta otamo ni omyero emede ki kwedo lok, Procekuta biniaɲo lobo moni ma onoɲo en oyee ni otii i kum lok meno.

Dul 20

Bal acel pe gimiyo iye pwod kiryo (*Ne bis in idem*)

1. Nikwanyo kit ma gicimo kwede i te Cik man, pe gibipido i kum dano mo i nyim Kot malube ki tim ma oweko bal otime ma Kot doɲ oɲolo ni bal tye i wii dano meno onyo oɲolo ni dano meno peke ki bal.
2. Kot mukene pe bipido i kum dano mo pi bal ma gicimo i dul 5 kace Kot onoɲo doɲ otyeko ɲolo ni bal tye i wii dano meno onyo oɲolo ni dano meno peke ki bal.

3. Dano ma doŋ kot mukene opido i kume pi tim ma gicimo bene i dul 6, 7 onyo 8, Kot pe dok bipido i kume pi tim meno nikwanyo kace pido ma gitimo i kot mukene-ni:
 - (a) Onoŋo obedo me geŋo ŋee dano meno wek bal ma poto i te twero me tic pa Kot pe ocuŋ i wiye; onyo
 - (b) Onoŋo pe obedo, ka time pire kene onyo laboŋo apokapoka malube ki yoo me ŋol matir kit ma omyero gitim i te cik me wilobo; dok gitimo i yoo ma onoŋo, pi gin mo pe rwatte ki mitti me kelo dano meno i te ŋol matir.

Dul 21

Cik ma Tiyo

1. Kot bitic:
 - (a) Mukwoŋo ki Cik man, Cik ma Tito Bal ki Cik me Tic ki me Lanyut;
 - (b) Me aryoo, ka rwatte, gicikke matiyo, ki tam me aluba ki cik me wilobo; ma i kine tye iye cik me wilobo ma doŋ tye ma kwako lweny;
 - (c) Ka meno pe twere, cik ma tye ma gitiyo kwede kare ducu ma Kot onoŋo ki i cik pa lobe ma aa ki i dul cik mapatpat me wilobo ma i kine tye iye, kit ma rwatte, cik pa Lobe, ma noŋo lobo moni tiyo kwede i te twero-ne me tic i kum bal moni, teki cik magi rwatte ki Cik man ki cik me wilobo ki yoo ki rwom me tic ma wilobo ducu ŋeyo.
2. Kot romo tic ki tam me aluba ki kit me tic ki cik kit ma gionyo kwede i mok-ke ma otime wii atii.
3. Keto i tic ki gonyo cik malube ki dul man omyero orwatte ki twero pa dano me wilobo ma ŋeene, dok obed laboŋo apokapoka mo marac ma tye pi tyen lok calo *gender* kit ma gicimo kwede in dul 7 paragraf 3, mwaka, kit dano, raŋi, leb, dini onyo niyee, cuŋ i wii bye onyo tam mukene, bedo anywali me lobo moni, kaka onyo kama lwak oo aa ki iye, lonyo, nywal onyo pi rwom mukene.

CURA 3 CIK ME BAL MA GITIYO KWEDE KARE DUCU

Dul 22

Bal pe ka cik pe (*Nullum crimen sine lege*)

1. Bal pe bicuŋ i wii dano mo i te Cik man nikwanyo ka tim ma gitye ka lok i kume-ni obedo, i kare ma otime, bal ma poto i te twero me tic pa Kot.
2. Gonyo te lok bal bitime kun noŋo gigonyo kit meno kikume dok pe gibigonyo-ne ma noŋo giporo ki gin mukene. Kace akalakala tye, ci gibigonyo-ne kun noŋo gicwako dano ma gitye ka kwedo lok onyo kelo adot i kume-ni onyo giŋolo bal i wiye-ni.
3. Dul man pe bigeŋŋo waco ni tim moni obedo bal malube ki cik me wilobo ma pe jeŋŋe i kum Cik man.

Dul 23

Pwod pe ka cik pe (*Nulla poena sine lege*)

Giromo miyo pwod ki dano ma Kot oŋolo bal i wiye malube ki Cik man keken.

Dul 24

Kot pe tye ki twero i kum bal ma otime ma pud Cik man pe ocako tic (*ratione personae*)

1. Bal pe bicuŋ i wii dano mo pi tim ma otimo ma Cik man pud pe ocako tic.
2. Ka cik ma omyero gitii kwede i lok moni oloke ma pud pe ŋol me agiki otime, gibitic ki cik ma cwako dano ma gitye ka kwedo lok onyo kelo adot i kume-ni onyo giŋolo bal i wiye-ni.

Dul 25

Cuŋ pa bal i wii dano moni

1. Kot bibedo ki twero me tic i kum dano kikume malube ki Cik man.
2. Bal bicuŋ i wii dano ma otimo bal ma poto i te twero me tic pa Kot dok dano meno binoŋo pwod malube ki Cik man.

3. Malube ki Cik man, bal bicuŋ i wii dano dok dano meno binonjo pwod pi bal ma potu i te twero me tic pa Kot ka dano meno:
- (a) Otime bal ma kit man, kadi ka otime kene, kacel ki dano mukene onyo oweko dano moni aye otime bal meno, kadi bed ni dano mukene ni bal ocuŋ i wiye onyo pe ocuŋ i wiye;
 - (b) Golo oda, kwayo onyo piyo ni gitim kit bal meno ma noŋo time adaa onyo gitimo timo-ne;
 - (c) Me konyo wek bal ma kit man otime, konyo, piyo, onyo konyo i yoo mukene timo bal onyo temo timo bal ma i kine tye iye miyo jami me timo bal;
 - (d) Timo gin mo i yoo mo mukene ma konyo dul moni ma gitye ki tam acel i kin-gi me timo onyo temo timo bal ma kit meno. Kit konyo meno bibedo tim akaka dok noŋo:
 - (i) Gitimo ki mitti ni wek bal otime onyo me weko dul meno otim bal, ma noŋo kit tim onyo gin meno kwako timo bal ma potu i te twero me tic pa Kot; onyo
 - (ii) Gitimo kun noŋo gitye ki ŋec i kum mitti pa dul man me timo bal meno;
 - (e) Ma kwako bal me nek lumuku, piyo joo mukene atyer dok kamalen me neko dano lumuku;
 - (f) Temo timo bal ma kit man kun noŋo timo gin mo ma weko bal meno cako time, ma noŋo timo i yoo madit ento bal man pe time pi gin malube ki mitti pa dano meno. Ento, dano ma weko temo timo bal onyo ma i yoo mukene geŋo tyeko time pa bal man pe gibimiyo ki en pwod i te Cik man pi temo timo bal meno ka dano meno oweko i yoo ducu dok pire kene tam me timo bal.
4. Pe tye cik mo i Cik man ma kwako cuŋ pa bal i wii dano ma bigeŋo tic pa Lobe i te cik me wilobo.

Dul 26

Kot pe ki twero me tic i kum dano ma mwaka-gi pe oo apar wiye aboro

Kot pe bibedo ki twero me tic i kum dano mo keken ma mwaka-ne pe oo 18 i kare ma gibyeke ni bal otime ni.

Dul 27

Rwom me tic pe geŋo kelo adot

1. Cik man bitic marom pi dano ducu laboŋo apokapoka me rwom me tic. Tutwale, rwom me tic calo Ladit Lobo onyo Lawi Gamente, lamemba me Gamente onyo ot keto Cik, lacuŋ ma giyero ayera onyo latic pa gamente pe bigeŋo i yoo mo keken bal me cuŋ i wii dano meno i te Cik man, dok bene, pire kene, pe bibedo yoo me jwiko pwod ma giŋolo.
2. Jami ma geŋo kelo adot onyo yoo me tic ma dok pat malube ki dog tic pa dano moni, kadi tye i te cik me lobo onyo me wilobo, pe bigeŋo Kot me tic ki twero-ne me tic i kum dano meno.

Dul 28

Twero pa lukomanda ki ludito mukene

Me medo i kum lok mukene ma weko bal cuŋ i wii dano moni i te Cik man pi bal ma pototo i te twero me tic pa Kot:

- (a) Komanda me mony onyo dano ma tye ka tic macalo komanda me mony bal bicuŋ i wiye pi bal ma pototo i te twero me tic pa Kot ma lumony ma en doro-gi onyo gitye i te loc-ne onyo i te twero ki loc-ne, kit ma noŋo tye kwede, gutimo pien en pe otiyo ki twero-ne maber me loyo lumony meno, kace:
 - (i) Komanda mony meno onyo dano meno onoŋo oniaŋ onyo, malube ki gin ma onoŋo tye ka time i kare meno, omyero onoŋo oŋee ni lumony meno gubedo ka timo onyo onoŋo gicok timo bal magi; dok
 - (ii) Komanda me mony meno onyo dano meno pe okwanyo yoo ma mitte dok madii ma tye i te twero-ne me geŋo onyo jwiko tim-gi onyo me cwalo lok man bot luloc ma tye ki twero wek gikwed lok-ke dok gikel adot iye.
- (b) Ma dok i kum wat i kin ludito ki dano ma tye i te loc-gi ma pe gitito i paragrap (a), bal bicuŋ i wii ladit pi bal ma pototo i te twero me tic pa Kot ma dano ma gitye i te twero-ne onyo i te loc-ne gutimo pien en pe otiyo ki twero-ne maber i kum dano magi, kace;
 - (i) Ladit meno obedo ki ŋec, onyo ocayo, kun onoŋo ŋeyo lok ma nyutu atir, ni dano ma gitye i te loc-ne onoŋo gitye ka timo onyo gicok timo bal magi;

- (ii) Bal magi kwako tic ma onoŋo tye i te twero ki loc pa ladit meno; dok
- (iii) Ladit meno pe okwanyo yoo ducu ma mitte dok madii ma tye i te twero-ne me geŋo onyo jwiko tim-gi onyo me cwalo lok man bot luloc ma tye ki twero wek gikwed lok-ke dok gikel adot iye.

Dul 29

Cik mo pe geŋo twero me tic pa Kot

Pe tye cik mo ma bigeŋo twero me tic pa Kot i kum bal ma poto i te twero me tic pa Kot.

Dul 30

Mitti me timo bal

1. Nikwanyo ka gwok gitito mapat, bal bicuŋ i wii dano moni dok gibimiyo ki en pwod pi bal ma poto i te twero me tic pa Kot kace gutimo jami ma kwako bal magi ki mitti dok ki ŋec.
2. Pi dul man, dano bedo ki mitti ka;
 - (a) Ma dok i kum tim moni, dano meno tye ki mitti me timo tim meno;
 - (b) Ma dok i kum adwogi moni, dano meno tye ki mitti me kelo adwogi meno onyo tye ki ŋec ni jami man obitime i kit me time pa jami me nino ducu.
3. Pi dul man, 'ŋec'en aye ŋeyo ni gin moni tye onyo adwogi me tim-ne bibedo tye i kit me time pa jami me nino ducu. 'Deyo' ki 'ki ŋec' gibigonyo-ne kit ma rwatte kwede.

Dul 31

Tyen lok ma weko bal pe cuŋ i wii dano

1. Me medo i kum tyen lok ma weko bal pe cuŋ i wii dano kit ma gicimo kwede i Cik man, bal pe bicuŋ i wii dano kace i kare me tim pa dano meno:
 - (a) Dano meno tye ki twoo me wic onyo bal mo i wiye ma weko dano meno pe bedo ki kero me niaŋ ni tim-ne pe lube ki cik, onyo pe niaŋ kit tim ma en timo, onyo pe tye ki kero me neno ni tim ma en timo omyero orwatte ki cik;

- (b) Wii dano meno pe tye ka tic maber malube ki mero ma weko dano meno pe bedo ki kero me niaŋ ni tim-ne pe lube ki cik onyo pe tye ki kero me neno ni tim-ne omyero orwatte ki cik, nikwanyo ka dano meno omee pire kene ma onoŋo ŋeyo onyo ocayo peko ma romo time macalo adwogi me mero, en romo timo tim ma doko bal ma potu i te twero me tic pa Kot;
- (c) Dano meno timo jami i yoo mupore me gwoko kume onyo dano mukene; onyo, kace obedo bal i kare me mony, me gwoko jami ma pire tek pi kwoo pa dano meno onyo dano mukene onyo jami ma pire tek me tyeko tic me mony moni; me gwoke ki tic macok time dok ki tic ki teko i yoo ma cik pe yee i yoo mapore ki dit pa peko ma okemo dano meno onyo dano mukene onyo jami ma gigwoko. Kadi bed ni dano meno onoŋo tye i kin dul mony ma tye i lweny me gwoko kum-gi, lok man keken, pe bibedo tyen lok ma geŋo bal me cuŋ i wii dano meno i te paragraf matidi man;
- (d) Tim ma gibyeke ni obedo bal ma potu i te twero me tic pa Kot otime pi dic ma oaa ki i bura ni too obitime onyo ni gibimede ki wano onyo gicok wano i yoo marac kum dano meno onyo dano mukene dok dano meno timo jami i yoo ma mitte dok mupore me geŋo bura man, teki dano meno pe tye ki cwiny me keto awanu madit makato awanu ma onoŋo en mito geŋo-ne. Kit bura meno romo bedo ni:
- (i) Oaa ki bot dano mukene; onyo
- (ii) Otime pi jami mukene ma dano meno onoŋo pe romo geŋo.
2. Kot bineno, ka gikelo lok i nyime, kit me tic ki tyen lok ma weko bal pe cuŋ i wii dano, kit ma gicimo i Cik man.
3. I kare me pido, Kot romo neno tyen lok ma geŋo bal me cuŋ i wii dano mapat ki lok ma gicimo in paragraf 1; meno romo time kace kit tyen lok meno oaa ki i kum cik ma tiyo ma gicimo i dul 21. Yoo me tic ma kwako neno kit tyen lok meno binoŋe i Cik me Tic ki me Lanyut.

Dul 32

Arocaroca me lok onyo arocaroca me cik

1. Arocaroca me lok bibedo tyen lok ma geŋo bal me cuŋ i wii dano moni kace kwanyo mitti me timo bal ma mitte wek bal meno otime.

2. Arocaroca me cik ma nyutu ka kit tim moni obedo bal ma poto i te twero me tic pa Kot pe bibedo tyen lok ma geŋo bal me cuŋ i wii dano. Ento arocaroca me cik romo bedo tyen lok ma geŋo bal me cuŋ i wii dano kace kwanyo mitti me timo bal ma mitte wek bal meno otime onyo kit ma gicimo i dul 33.

Dul 33

Oda ma aa ki bot ludito ki cik ma giketo

1. Kadi ka dano ma otimo bal ma poto i te twero me tic pa Kot otimo bal meno ki oda ma en onoŋo ki bot gamente onyo ki bot ladit, kadi ka ma lamony onyo reya, meno pe bikwanyo bal ma cuŋ i wii dano meno nikwanyo kace:
 - (a) Dano meno onoŋo tye i te cik me lubu oda pa gamente onyo pa ladit meno;
 - (b) Dano meno onoŋo pe ŋeyo ni oda meno pe lube ki cik; dok
 - (c) Oda meno onoŋo pe nen kamaleŋ ni pe lube ki cik.
2. Pi dul man, oda me neko dano lumuku onyo me timo bal i kum dano nen kamaleŋ ni pe lube ki cik.

CURA 4 LOC PA KOT KI KIT MA KOT OPOKE KWEDE

Dul 34

Dul pa Kot

Kot bibedo ki dul magi:

- (a) Opici pa Preciden;
- (b) Divijon me Apil, Divijon me Pido ki Divijon me Cako Kot;
- (c) Opici pa Procekuta;
- (d) Regictri.

Dul 35

Tic pa Luŋolkop

1. Gibiyero luŋolkop ducu me bedo lumemba me Kot pi kare ducu dok gibibedo atera me tic i yoo ma kit meno nicake i nino ma tic-gi ocake.
2. Luŋolkop ma tye i Opici pa Preciden gibitic pi kare ducu cutcut iŋe yero-gi.
3. Opici pa Preciden romo, kace mitte malube ki tic ma tye i Kot dok iŋe noŋo tam ki bot lumemba-ne, moko kare ki kare kit ma luŋolkop ma odoŋ ni bitic pi kare ducu. Yub ma kumeno pe bibedo ki adwogi ma dwoko piny rwom me cik ma gicimo i dul 40.
4. Yub me culu luŋolkop ma pe gitiyo pi kare ducu bitime malube ki dul 49.

Dul 36

Rwom me kwan ki me tic, bolo nyiŋ ki yero luŋolkop

1. Ka alokaloka obedo pe malube ki cik ma gicimo paragraf 2, Kot bibedo ki luŋolkop apar wiye aboro.
2. (a) Opici pa Preciden, ma noŋo tye ka tic kawan Kot, romo miyo tam ni gimed wel luŋolkop ma gicimo i paragraf 1 kun tito tyen lok ma oweko gitamo ni man mitte dok rwatte. Regictra bicwalo tam man laboŋo gale bot Lobe ma Lumemba ducu.

- (b) Gibinjiyo kit tam meno i kacokke pa Kacokke pa Lobe ma Lumemba ma gibilwoŋo-ne malube ki dul 112. Gibitero tam meno calo doŋ gimoko ka i kacokke meno Lobe ma Lumemba ma romo aro i kum adek oyee tam meno, dok gibiketo-ne i tic kit ma Kacokke pa Lobe ma Lumemba omoko.
- (c)(i) Teki tam me medo wel luŋolkop doŋ gimoko malube ki paragraf matidi (b), yero luŋolkop mukene ni bitime i kacokke ma i anyim pa Kacokke pa Lobe ma Lumemba, malube ki paragraf 3 nioo wa i 8 ki dul 37, paragraf 2;
- (ii) Teki tam me medo wel luŋolkop doŋ gimoko dok giketo i tic malube ki paragraf matidi (b) ki (c) (i), Opici pa Preciden bibedo ki twero i kare mo keken iŋe meno, kace mitte malube ki tic ma tye i Kot, me miyo tam me dwoko wel luŋolkop teki pe gibidwoko wel luŋolkop piny makato wel ma gicimo paragraf 1. Gibitic i kum tam man malube ki yoo me tic ma gicimo i paragraf matidi (a) ki (b). Ka gimoko tam man, gibidwoko wel luŋolkop motmot malube ki kit ma noŋo kare me tic pa luŋolkop ma tye i dog tic tum kwede, waŋ ma gi oo i wel ma mitte.
- 3.(a) Gibiyero luŋolkop magi ki i kin dano ma gigenne pi kwoo matir, tic laboŋo apokapoka dok ma giwore ken-gi dok gitye ki rwom me kwan ki me tic ma mitte pi tic i dog tic me cik ma malo maloyo i lobo-gi.
- (b) Dano ducu ma giromo yero-ne me bedo luŋolkop i Kot bibedo:
- (i) Dano ma noŋo onyutu ni en tye ki ŋec me tic ma kwako cik me bal ki yoo me tic pa cik me bal, dok tye ki ŋec ma onoŋo i dog tic macalo luŋolkop, Procekuta, lapilida onyo tic mukene ma kit meno, i pido i kum bal; onyo
- (ii) Dano ma noŋo onyutu ni en tye ki ŋec i kum lok ma kwako cik me wilobo macalo cik me wilobo ma kwako kwoo pa dano ki cik me twero pa dano, dok otiyo pi kare malac i dog tic cik ma lamal ma rwatte ki tic cik me Kot;
- (c) Dano ducu ma giromo yero-ne me bedo luŋolkop i Kot bibedo ki ŋec matut i kum oloo leb me tic acel pa Kot, dok noŋo giloko dok giwinyo leb meno maber.

4.(a) Lobo mo keken ma Lamemba me Cik man romo bolo nyiŋ dano me ayera i Kot, dok man giromo timo-ne ma noŋo gitiyo:

- (i) Ki yoo me bolo nyiŋ dano kit ma gitiyo kwede i lobo meno me cimo dano i opici me tic cik ma malo maloyo; onyo
- (ii) Ki yoo me bolo nyiŋ dano pa Kot me Wilobo pi Dol Matir kit ma gicimo kwede i Cik pa Kot meno.

Bolo nyiŋ omyero owot kacel ki lok ma gicoyo matut ma nyutu atir kit ma dano ma gibolo nyiŋe ni cobo jami ma mitte i paragraf 3.

- (b) Lobo acel acel ma Lamemba romo bolo nyiŋ dano acel pi yer mo keken dok bene pe mitte ni dano man omyero obed anywali pa Lobo ma Lamemba meno ento kadi ni ŋoo omyero obed anywali pa Lobo ma Lamemba.
- (c) Kacokke pa Lobe ma Lumemba romo moko me keto, ka rwatte, Komitti ma Miyo Tam i kum bolo nyiŋ dano. Ka man otime, Kacokke pa Lobe ma Lumemba biketo lumemba dok bicimo twero me tic pa Komitti man.

5. Pi lok me yer, gibiketo nyiŋ joo ma cuŋ i dul aryo:

Dul A noŋo giryeyo iye nyiŋ joo ma cuŋ ma gitye ki rwom me kwan ki me tic kit ma gicimo i paragraf 3 (b)(i); ki

Dul B noŋo giryeyo iye nyiŋ joo ma cuŋ ma gitye ki rwom me kwan ki me tic ma gicimo i paragraf 3(b)(ii). Dano ma cuŋ ma tye ki rwom me kwan ki me tic muromo pi dul aryo weŋ romo yero dul ma en mito bedo i iye. I yer mukwoŋo pa Kot, gibiyero oloo luŋolkop abuŋwen ki dul A ki oloo luŋolkop abic ki i dul B. Yer malubu gibitimo-ne i yoo ma weko wel luŋolkop pa Kot bedo marom ki rwom me kwan ki me tic-gi malube ki dul aryo-ni.

- 6. (a) Gibiyero luŋolkop ki kwir ma gibolo i muŋ i kacokke pa Kacokke pa Lobe ma Lumemba ma noŋo gioto pi lok meno i te Dul 112. Ka alokaloka obedo pe kit ma gicimo kwede i paragraf 7, joo ma giyero i Kot bibedo joo ma cuŋ apar wiye aboro ma gunoŋo wel kwir ma malo maloyo ki wel kwir ma gibolo aryo i kum adek pa Lobe ma Lumemba ma gitye dok bene gubolo kwir.

- (b) Kace pe giyero wel luṅolkop muromo i bolo kwir mukwoṅo, gibibolo kwir mukene malube ki yoo me tic ma tye i paragraf matidi (a) waṅ ma gipoṅo kabedo ma odoṅ.
7. Anywali aryo me lobo acel pe giromo bedo luṅolkop. Dano ma, pi bedo lamemba me Kot, giromo tero-ne calo anywali me lobo makato acel, gibitero-ne calo anywali pa lobo ma dano meno tiyo i iye ki twero-ne macalo anywali ki me wii bye.
8. (a) I yero luṅolkop, Lobo ma Lumemba biketo i tam-gi jami magi ma kwako bedo lamemba me Kot, pi neno ni:
- (i) Kwayi cik madoṅṅo me wilobo obedo tye;
- (ii) Pok marom pi but piny mapatpat me wilobo; ki
- (iii) Wel pa luṅolkop ma mon ki ma coo tye mupore.
- (b) Lobe ma Lumemba bene biketo i tam-gi ni pire tek me bedo ki luṅolkop ma gitye ki diro me cik i kum jami mogo ma pirgi tek, ma i kine tye i iye, lok ma kwako ento pe gik ki gero i kum mon ki lutino keken.
9. (a) Ka alokaloka obedo pe kit ma gicimo kwede i paragraf matidi (b), luṅolkop bitic pi mwaka abuṅwen dok, ka alokaloka obedo pe kit ma gicimo kwede i paragraf matidi (c), ki dul 37, paragraf 2, pe gibiyero-gi odoco.
- (b) I yer mukwoṅo, luṅolkop acel i kum adek ma giyero ni, gibiyero-gi ki kwir pi tic pi mwaka adek; luṅolkop acel i kum adek ma giyero ni, gibiyero-gi ki kwir me tic pi mwaka abicel; ki ma gudoṅ ni gibitic pi mwaka abuṅwen.
- (c) Luṅolkop ma giyero me tic pi mwaka adek i te paragraf matidi b giromo yero-ne odoco me tic waṅ ma kare-ne me tic otum.
10. Kadi bed ni paragraf 9 cimo mapat, luṅolkop ma gicimo me tic i Jang Kot me Pido onyo me Apil malube ki dul 39 bimedede ki ticce me tyeko winyo pido onyo apil mo keken ma onoṅo doṅ ocake woko i nyim Jang Kot meno.

Dul 37

Tic pa Laŋolkop ma odoŋ nono

1. Kace tic pa Laŋolkop mo odoŋ nono, yer bitime malube ki dul 36 me poŋŋo kabedo meno.
2. Laŋolkop ma giyero me poŋŋo kabedo ma odoŋ nono ni bitic waŋ ma kare me tic pa Laŋolkop ma en oleyo kakare ni otum, dok ka kare meno tye mwaka adek onyo pe oo, ci en biromo cuŋ pi yer odoco dok me bedo laŋolkop waŋ ma kare-ne me tic otum malube ki dul 36.

Dul 38

Opici pa Preciden

1. Luŋolkop me Kot makato nucu gibiyero Preciden kacel ki Lulub kor Preciden me Acel ki me Aryo. Gin weŋ gibitic pi mwaka adek onyo waŋ ma kare-gi me tic macalo luŋolkop otum, lubu mene ma kwoŋŋo tum. Giromo cuŋ pi yer odoco me tic kicel.
2. Lalub kor Preciden me Acel bitic kawaŋ Preciden kace Preciden peke onyo gigeŋo ticce. Lalub kor Preciden me Aryo bitic kawaŋ Preciden kace Preciden kacel ki Lalub Kore me Acel gipeke onyo gigeŋo tic-gi.
3. Preciden, kacel ki Lulub Kor Preciden me Acel ki me Aryo, gibibedo Opici pa Preciden, ma bitiyo tic magi:
 - (a) Neno ni tic me Kot owoto maber, nikwanyo tic me Opici pa Procekuta; ki
 - (b) Tic mukene ma omyero otim malube ki Cik man.
4. I tiyo ticce ma tye i te paragraf 3 (a), Opici pa Preciden bitic kacel ki Procekuta dok omyero onoŋ cwak pa Procekuta i kum lok ma kwako dul magi aryo weŋ.

Dul 39

Jang Kot

1. Cutcut iŋe yero luŋolkop, Kot bipoke i divijon kit ma gicimo i dul 34, paragraf (b). Divijon me Apil bibedo ki Preciden ki luŋolkop aŋwen mukene, Divijon me Pido bibedo ki luŋolkop ma oloo oo 6 ki Divijon me Jang Kot me Cako Pido bibedo ki wel luŋolkop ma

oloo oo 6. Poko luŋolkop me tic i divijon magi bilube ki kit tic ma tye ma omyero gitim i divijon acel acel ki rwom me kwan ki me tic pa luŋolkop ma giyero-gi me tic i Kot, kun noŋo time i yoo ma weko divijon acel acel bedo ki luŋolkop ma tye ki diro i cik me bal ki yoo me tic ki cik me wilobo. Divijon me Pido ki Cako Pido bibedo atikane ki luŋolkop ma tye ki ŋec i cik me pido i kum bal.

- 2.(a) Jang Kot bitiyu tic pa Kot ma kwako ŋol matir i divijon acel acel.
- (b)(i) Jang Kot me Apil bibedo ki luŋolkop ducu me Divijon me Apil;
- (ii) Luŋolkop adek me Divijon me Pido bitiyu tic pa Jang Kot me Pido;
- (iii) Luŋolkop adek me Divijon me Cako Pido onyo luŋolkop acel me divijon meno bitiyu tic pa Jang Kot me Cako Pido malube ki Cik man ki Cik me Tic ki me Lanyut;
- (c) Pe tye gin mo i paragraf man ma bigeŋo keto Jang Kot me Pido onyo Jang Kot me Cako Pido makato acel, lawan acel, kace man mitte malube ki tic ma tye i Kot wek tic otime maber.
- 3(a) Luŋolkop ma gicimo-gi me tic i Divijon me Pido ki me Cako Pido bitic i divijon magi pi mwaka adek, dok iyoŋe meno gibimede ki tic waŋ ma lok ma onoŋo doŋ gucako winyo-ne i divijon meno ni otum.
- (b) Luŋolkop ma gicimo-gi me tic i Divijon me Apil bitic i Divijon meno waŋ ma kare-gi me tic otum.
4. Luŋolkop ma gicimo i Divijon me Apil gibitic i Divijon meno keken. Pe tye gin mo keken i dul man, ma bigeŋo keto pi tutunu luŋolkop ma tye i Divijon me Pido ka tic i Divijon me Cako Pido onyo luŋolkop ma tye i Divijon me Cako Pido ka tic i Divijon me Pido, kace Opici pa Preciden otamo ni man mitte malube ki tic ma tye i Kot wek tic otime maber, ento luŋolkop ma owinyo lok i kare me cako pido doŋ pe biwinyo lok meno i nyim Jang Kot me Pido.

Dul 40

Loc ken pa luŋolkop

1. Luŋolkop bi loone ken-gi i dog tic-gi.
2. Luŋolkop pe gubitimo gin mo ma romo nyweno tic cik ma megí onyo rwenyo gen i kum loone-gi ken-gi.
3. Luŋolkop ma omyero gutii i gaŋ kal pa Kot i kare ducu pe gibitiyo tic mukene me diro.
4. Lok mo keken ma kwako keto i tic paragrap 2 ki 3 gibimoko-ne kace luŋolkop makato nucu ocwako. Ka lok ma kit meno mako luŋolkop mo acel ci luŋolkop meno pe bibedo tye i moko lok meno.

Dul 41

Yee ni luŋolkop pe owiny lok ki geŋo luŋolkop me winyo lok

1. Opici pa Preciden romo, iŋe kwac pa luŋolkop mo, yee ni luŋolkop meno pe otim tic moni i te Cik man, malube ki Cik me Tic ki me Lanyut.
- 2.(a) Luŋolkop mo pe omyero obed i winyo lok mo keken kace, pi tyen lok mo, giromo tamo ni en romo bedo ki apokapoka i ticce. Gibigeŋo luŋolkop mo pe me bedo i winyo lok moni malube ki paragrap man ka, i kin jami mukene, luŋolkop meno i kare ma okato aŋec otiyo i yoo mo keken i lok meno i nyim Kot onyo i pido i kum bal ma rom ki man i lobo-ne ma kwako dano meno ma gitye ka kwedo lok onyo kelo adot i kume-ni. Gibigeŋo bene luŋolkop pe me tic pi tyen lok mukene kit ma noŋo gicimo kwede i Cik me Tic ki me Lanyut.
- (b) Procekuta onyo dano ma gitye ka kwedo lok onyo ka kelo adot i kume-ni romo lego ni gigeŋ luŋolkop moni me bedo i winyo lok i te paragrap man.
- (c) Luŋolkop makato nucu aye bimoko lok mo keken ma kwako geŋo luŋolkop mo me bedo i winyo lok. Luŋolkop ma lok tye i kume-ni bibedo ki twero me miyo tam-ne i kum lok man, ento pe bibedo i moko lok man.

Dul 42

Opici pa Procekuta

1. Opici pa Procekuta biloone kene i ticce macalo dul me Kot ma tye pire kene. Opici man bibedo ki twero me gamo lok ki ñec ma gicwalo ma nyutu bal ma poto i te twero me tic pa Kot, me ñiyo-ne dok me kwedo lok ki kelo adot i nyim Kot. Dano mo keken ma tiyo i Opici man pe biyenyonyo pe bitic i kum oda mo keken ma oaa ki woko.
2. Procekuta bibedo latela me Opici man. Procekuta bibedo ki twero ducu me loyo ki me neno ni tic owoto maber i Opici man, ma i kine tye iye lutic, jami me tic ki jami mukene ma tye iye. Lulub kor Procekuta acel onyo makato bikonyo Procekuta ki tic ma gibibedo ki twero me timo jami ma Procekuta tye ki twero me timo-ne i te Cik man. Procekuta ki Lulub kor Procekuta gibibedo anywali me lobe mapatpat. Gibitic pi kare ducu.
3. Procekuta ki Lulub kor Procekuta gibibedo dano ma gigenne pi kwoo matir, ma gitye ki rwom ma lamal me tic dok ñec matut ma pire tek ma gunojo i dog tic malube ki kelo adot ki pido i lok kum bal. Gibiñeyo maber oloo leb acel me tic pa Kot dok noño giloko dok giwinyo leb man maber.
4. Lumemba pa Kacokke pa Lobe ma Lumemba makato nucu bibolo kwir i muñ me yero Procekuta. Gibiyero Lulub Kor Procekuta i yoo acel-li ki i kin dano ma noño Procekuta omiyo nyiñ-gi. Procekuta bibolo nyiñ dano adek pi kabedo acel acel pa Lulub kor Procekuta ma omyero gipoñ-ni. Nikwanyo ka gimoko pi kare me tic ma cek i kare me gitye ka yero-gi, Procekuta ki Lulub Kor Procekuta bitic pi mwaka abunwen dok pe gibiyero-gi odoco.
5. Procekuta ki Lulub Kor Procekuta pe omyero gutim gin mo keken ma romo balo tic-gi me kelo adot onyo ma rwenyo gen i kum loone-gi ken-gi. Pe gibitimo tic mo mukene me diro.
6. Inje noño kwac pa Procekuta onyo Lalub Kor Procekuta, Opici pa Preciden romo yee ni pe otii i kum lok moni.
7. Procekuta ki Lulub Kor Procekuta pe omyero gutii i kum lok mo keken kace, pi tyen lok mo, giromo tamo ni giromo bedo ki apokapoka i tic-gi. Gibigeno-gi me tic i kum lok moni malube ki paragraf man ka, i kin jami mukene, i kare ma okato añec gutiyo i

yoo mo keken i lok meno i nyim Kot onyo i pido i kum bal ma rom ki man i lobo-ne kun nojo kwako dano meno ma gitye ka kwedo lok onyo kelo adot i kume-ni.

8. Jang Kot me Apil en aye bimoko lok mo keken ma kwako gejo Procekuta onyo Lalub kor Procekuta me tic i kum lok moni.
 - (a) Dano ma gitye ka kwedo lok onyo ka kelo adot i kume-ni romo lego i cawa mo keken ni gigej Procekuta onyo Lalub kor Procekuta me tic i kum lok moni malube ki tyen lok ma gicimo i Dul man.
 - (b) Procekuta onyo Lalub kor Procekuta, kit ma rwatte, bibedo ki twero me miyo tam-ne i kum lok man;
9. Procekuta bicimo lumii tam ma gitye ki diro i kum cik ma kwako lok mogo ma i kine tye iye, ento pe gik ki, gero me butu ki me *gender* ki gero i kum lutino.

Dul 43 Regictri

1. Regictri bibedo ki twero i kum tic ma pe kwako cik pa Kot dok bimiyo kony me tic, labojo dwoko piny rwom me tic ki twero pa Procekuta malube ki dul 42.
2. Regictra, ma bibedo latic madit maloyo tic me Kot, aye bitelo Regictri. Regictra bitic ki twero-ne i te loc pa Preciden me Kot.
3. Regictra ki Lalub kor Regictra gibibedo dano ma gigenne pi kwoo matir, ma gitye ki diro me tic ma lamal dok ginoyo maber oloo leb acel me tic pa Kot dok nojo giloko dok giwinyo leb meno maber.
4. Luŋolkop biyero Regictra ki kwir makato nucu ma gibolo i muŋ, kun nojo gitiyo ki tam mo keken ma Kacokke pa Lobe ma Lumemba omiyo. Ka mitte dok ka Regictra omiyo tam, luŋolkop biyero, i kit yoo acel-li, Lalub kor Regictra.
5. Regictra bibedo i opici pi mwaka abic, romo cuŋ pi yer odoco kicel dok en bitic pi cawa ducu. Lalub kor Regictra bibedo i opici pi mwaka abic onyo pi kare macek maloyo meno kit ma luŋolkop makato nucu gumoko kwede, dok giromo yero-ne ki tyen lok ni Lalub kor Regictra gibilwoŋo-ne ka tic kit ma mitte.

6. Regictra biketo i Regictri Unit pa Joo ma Gitimo Bal i kum-gi ki Lucaden. Unit man, kun noŋo tiyo kacel ki Opici pa Procekuta, bineno kit yoo me gwok ki sekuriti, kweyo cwiny ki kony mukene ma mitte pi lucaden, joo ma gitimo bal i kum-gi ma gubino i nyim Kot ki joo mukene ma gitye ka buru-gi pi lok ma lucaden meno gutito. Unit man bibedo ki lutic ma gitye ki diro i kit jami ma balo wii dano ma tye i iye bale pa wic malube ki bal me gero me butu.

Dul 44

Lutic

1. Procekuta ki Regictra bicimo lutic ma gitye ki ŋec kit ma noŋo mitte pi opici-gi. Pi Procekuta, man bibedo i iye cimo lukwed lok.
2. I kare me coyo lutic, Procekuta ki Regictra gibineno ni rwom me tic, diro tic ki gen obedo ma malo dok gibineno kit alokaloka ma mitte (*mutatis mutandis*), malube ki jami ma gicoyo i dul 36, paragraf 8.
3. Regictra, ki cwak pa Opici pa Preciden ki pa Procekuta, bimiyo tam i kum Cik me tic pa Lutic ma i kine tye i iye kit me tic ki kit me tic pa lutic me Kot ma gibicoyo-gi, culu-gi ki ryemo-gi ki i tic. Kacokke pa Lobe ma Lumemba bimoko Cik me tic pa Lutic.
4. Ka mitte tutwal, Kot romo tic ki ludiro ma gitiyo nono ma Lobe ma Lumemba, dul ma kubu kin gamente mapatpat onyo dul ma pe jenne i kum gamente gumiyo me konyo tic i dul mapatpat pa Kot. Procekuta romo jolo kit kony ma kumeno me kawaŋ Opici pa Procekuta. Kit lutic ma gitiyo nono ni gibicoyo-gi malube ki kit ma Kacokke pa Lobe ma Lumemba bimoko.

Dul 45

Kwoŋe

Ma pud pe gucako tic-gi i te Cik man, Luŋolkop, Procekuta, Lulub kor Procekuta, Regictra ki Lalub kor Regictra gibikwoŋo-gi ki acel acel i Kot ma giyabo bot lwak me tiyo tic-gi laboŋo apokapoka dok ki cwiny-gi ducu.

Dul 46

Kwanyo dano ki i opici

1. Laŋolkop, Procekuta, Lalub kor Procekuta, Regictra onyo Lalub kor Regictra gibikwanyo-gi ki i opici ka lok man gimoko malube ki paragrap 2, kace dano meno:
 - (a) Ginogo ni otimo tim marac tutwal onyo pe otiyo ticce i yoo marwatte i te Cik man, kit ma gicimo kwede i Cik me Tic ki me Lanyut; onyo
 - (b) Pe twero tiyo ticce kit ma mitte i te Cik man.
2. Kacokke pa Lobe ma Lumemba aye bimoko lok me kwanyo Laŋolkop, Procekuta onyo Lalub kor Procekuta ki i opici i te paragrap 1 ma noŋo gibolo kwir i muŋ:
 - (a) Pi Laŋolkop, bimitte ni aryo i kum adek pa Lobe ma Lumemba gucwak kun noŋo gitiyo ki tam ma aryo i kum adek pa laŋolkop mukene ni gumoko;
 - (b) Pi Procekuta, Lobe ma Lumemba makato nucu;
 - (c) Pi Lalub kor Procekuta, Lobe ma Lumemba makato nucu kun noŋo gitiyo ki tam pa Procekuta.
3. Laŋolkop makato nucu bimoko lok me kwanyo Regictra onyo Lalub kor Regictra ki i opici.
4. Laŋolkop, Procekuta, Lalub kor Procekuta, Regictra onyo Lalub kor Regictra ma time onyo kero-ne me tiyo tic me opici kit ma gicimo i Cik man gitamo ni pe tye maber i te dul man, bibedo ki kare me kelo dok noŋo lanyut dok me tito lok malube ki Cik me Tic ki me Lanyut. Dano ma lok tye i kume-ni pe bibedo tye i winyo lok meno.

Dul 47

Yoo me miyo pwod

Laŋolkop, Procekuta, Lalub kor Procekuta, Regictra onyo Lalub kor Regictra ma noŋo otimo bal ma pe dit calo ma gicimo i dul 46, paragrap 1, gibimiyo ki en pwod kit ma gicimo i Cik me Tic ki me Lanyut.

Dul 48

Twero ki woro ma gimiyo pi rwom me tic

1. Kot binogo, i nom pa Lobo ma Lamemba acel acel, kit twero ki woro ma gimiyo pi rwom ma mitte me cobo gin ma oweko giketo iye Kot.
2. Luḡolkop, Procekuta, Lulub kor Procekuta ki Regictra binogo, i kare me tic-gi ma kwako Kot onyo malube ki lok me tic pa Kot, twero ki woro ma gimiyo pi rwom marom kit ma gimiyo bot lucuḡ dwar pa lobo. Kadi ka kare-gi me tic otum, woro ma gimiyo pi rwom man bimedede wek pe gikel adot i kit yoo mo keken i kum-gi malube ki lok ma yam guwaco onyo gucoyo ki tim ma gutimo i dog tic-gi.
3. Lalub kor Regictra, lutic me Opici pa Procekuta ki me Regictri gibibedo ki twero ki woro ma gimiyo pi rwom ki jami tic ma mitte me timo tic-gi, malube ki winye ma kwako twero ki woro ma gimiyo pi rwom pa Kot.
4. Gibimiyo bot lupilida, ludiyo, lucaden onyo dano mo keken ma gimito ni kume obed tye i gaḡ kal pa Kot kit gwok kit ma mitte me tic maber pa Kot, malube ki winye ma kwako twero ki woro ma gimiyo pi rwom pa Kot.
5. Twero ki woro ma gimiyo pi rwom pa:
 - (a) Luḡolkop onyo Procekuta giromo kwanyo-ne kace luḡolkop makato nucu guyee;
 - (b) Regictra giromo kwanyo-ne kace Opici pa Preciden oyee;
 - (c) Lulub kor Procekuta ki lutic me Opici pa Procekuta giromo kwanyo-ne ka Procekuta oyee;
 - (d) Lalub kor Regictra ki lutic me Regictri giromo kwanyo-ne kace Regictra oyee.

Dul 49

Mucara, lim ma gimiyu pi tic moni ki lim ma gitiyo kwede

Lunolkop, Procekuta, Lulub kor Procekuta, Regictra ki Lalub kor Regictra gibinojo mucara, lim ma gimiyu pi tic moni ki lim ma gitiyo kwede kit ma Kacokke pa Lobe ma Lumemba romo moko-ne. Pe gibidwoko piny wel mucara ki lim ma gimiyu pi tic moni i kare me bedo-gi i opici.

Dul 50

Leb me tic ma gimoko i te cik ki leb me tic pa Kot me nino ducu

1. Leb me tic pa Kot ma gimoko i te cik bibedo leb Arabic, leb Chinese, leb munu, leb French, leb Russian ki leb Spanish. Gibicoyo lok ma giŋolo i Kot kacel ki mok mukene ma cobo lok ma pirgi tek ma gikelo i nyim Kot i leb magi. Malube ki kit ma gicimo kwede i Cik me Tic ki me Lanyut, Opici pa Preciden bineno kit mok ma giromo keto ni cobo lok ma pirgi tek pi paragrap man.
2. Leb me tic pa Kot me nino ducu bibedo leb munu ki leb French. Cik me Tic ki me Lanyut bimoko lok ma giromo tic i iye ki leb mukene me tic ma gimoko i te cik ma giromo tic kwede calo leb me tic pa Kot me nino ducu.
3. Malube ki kwac pa lukel adot ki lupyem adot onyo pa lobo mo ma giyee ni odony i pido mo, Kot bimiyo twero ni kit dul meno onyo lobo meno otii ki leb mo mapat ki leb munu onyo leb French teki Kot nojo ni miyo twero meno mitte pi tyen lok muromo.

Dul 51

Cik me Tic ki me Lanyut

1. Cik me Tic ki me Lanyut bicako tic teki aryo i kum adek pa lumemba me Kacokke pa Lobe ma Lumemba gumoko.
2. Joo magi romo miyo tam me loko Cik me Tic ki me Lanyut:
 - (a) Lobo Lamemba mo keken;
 - (b) Luŋolkop makato nucu; onyo
 - (c) Procekuta.

Kit alokaloka magi bicako tic kace aryo i kum adek pa lumemba me Kacokke pa Lobe ma Lumemba gumoko.

3. Iŋe moko Cik me Tic ki me Lanyut, kace lok mo ma mitte pi oyoto onen, ma Cik magi pe twero tic i kum lok meno ma tye i nyim Kot, aryo i kum adek pa luŋolkop romo coyo Cik mogo pi tutunu ma giromo tic kwede nioo waŋ ma gimoko, giloko kamogo onyo gikwero cik eguni i kacokke pa Kacokke pa Lobe ma Lumemba ma obibino kit ma jwii onyo ma gilwongo atura.
4. Cik me Tic ki me Lanyut, alokaloka ma gikelo i kum cik meno ki Cik mo keken ma giketo pi tutunu bilube ki Cik man. Alokaloka i kum Cik me Tic ki me Lanyut kacel ki Cik ma giketo pi tutunu pe gibitic kwede i kum jami ma okato aŋec kace man bikelo adwogi marac i kum dano ma gitye ka kwedo lok onyo kelo adot i kume-ni onyo ma gityeko ŋolo bal i wiye-ni.
5. Ka Cik man ki Cik me Tic ki me Lanyut pe rwatte ci Cik man en aye bitic.

Dul 52

Cik pa Kot

1. Malube ki Cik man ki Cik me Tic ki me Lanyut, luŋolkop makato nucu bimoko Cik pa Kot ma mitte pi ticce me nino ducu.
2. Gibinoŋo tam ki bot Procekuta ki Regictra ka gimito medo gin mo ki kelo alokaloka mo keken i kum Cik pa Kot.

3. Cik pa Kot kacel ki alokaloka ducu ma gikelo i kum cik meno bicako tic ka gimoko-gi nikwanyo ka luŋolkop gumoko mapat. Cutcut iŋe moko Cik man, gibicwalo-ne bot Lobe ma Lumemba wek gumii tam-gi. Cik man bimedede ki tic kace i kine ka dwee abicel pol pa Lobe ma Lumemba pe gunyutu tam-gi me kwero-ne.

Copyright © STIC 2008

CURA 5 KWEDO LOK KI KELO ADOT

Dul 53

Cako kwedo lok

1. Procekuta, ije njiyo lok ma gimiyo bote, bicako kwedo lok nikwanyo ka en omoko ni pe tye tyen lok madii i te Cik man me mede. I moko kace gicak kwedo lok, Procekuta bineno kace:
 - (a) Lok ma tye bot Procekuta nyutu tyen lok madii ma weko gitamo ni bal ma poto i te twero me tic pa Kot otime onyo tye ka time.
 - (b) Lok man giyee onyo giromo yee pido i kume i te dul 17; ki
 - (c) Tyen lok matir tye ma weko gitamo ni kwedo lok pe bicobo mitti me n̄ol matir kun noŋo gineno rac pa bal meno ki mitti pa joo ma gitimo bal i kum-gi.

Ka Procekuta omoko ni pe tye tyen lok madii me mede dok mok-ke ocuj i kum paragraf matidi c, ma malo ni keken, en biniaŋo Jang Kot me Cako Pido.
2. Ka, ije kwedo lok, Procekuta omoko ni pe tye tyen lok muromo pi kelo adot pien:
 - (a) Pe tye lok muromo malube ki cik onyo lok ma tye me kwayo pi waran onyo camon i te dul 58;
 - (b) Pe giromo yee pido man i te dul 17; onyo
 - (c) Kelo adot pe tye i mitti me n̄ol matir, kun noŋo giketo i tam jami ducu ma otime, ma i kine tye i iye rac pa bal meno, mitti pa joo ma gitimo bal i kum-gi ki mwaka onyo goro pa dano ma gibyeko ni otimo bal ki gin ma en otimo i bal ma gibyeko ni otime; Procekuta biniaŋo Jang Kot me Cako Pido ki Lobo ma tye ka cwalo lok i nyim Kot i te dul 14 onyo Security Council i lok ma poto i te dul 13, paragraf (b), i kum mok-ke ki tyen lok ma oweko en omoko kumeno.
3. (a) Malube ki kwac pa Lobo ma ocwalo lok i te dul 14 onyo Security Council i te dul 13, paragraf (b), Jang Kot me Cako Pido romo njiyo

odoco mok pa Procekuta pe me mede i te paragraf 1 onyo 2 dok romo kwayo Procekuta me ŋiyo odoco mok man.

- (b) Me medo i kum meno, Jang Kot me Cako Pido romo tic ki twerone, me ŋiyo mok pa Procekuta pe me mede ki mok-ke ka ocuŋ i kum paragraf 1 (c) onyo (2)(c) keken. Ka man otime, mok pa Procekuta bitic keken ka Jang Kot me Cako Pido omoko.
4. Procekuta romo, i kare mo keken, ŋiyo odoco lok ma gimoko kace omyero gicak kwedo lok onyo kelo adot malube ki lok onyo ŋec manyen ma ginonjo.

Dul 54

Tic dok twero pa Procekuta malube ki kwedo lok

1. Procekuta:

- (a) Me nonjo lok adaa, bimedo kwedo lok wek omak lok ducu ki lanyut ma rwatte pi ŋiyo kace bal ma cuŋ i wii dano tye i te Cik man, dok i timo man, bikwedo lok ma cimo bal ki ma pe cimo bal i yoo marom;
- (b) Bikwanyo yoo mupore me neno ni kwedo lok ki kelo adot i kum bal ma poto i te twero me tic pa Kot owoto maber, dok i timo man, biworo mitti ki jami ma otime i kwoo pa joo ma gitimo bal i kum-gi ki lucaden, ma i kine tye i iye mwaka, *gender* kit ma gionyo kwede i dul 7, paragraf 3 , ki yot kom, dok biketo i tam kit bal meno, tutwale ka tye i iye gero me butu, gero me *gender* onyo gero i kum lutino; ki
- (c) Biworo i yoo ducu twero pa dano ma tye i te Cik man.

2. Procekuta romo kwedo lok i ŋom pa Lobo moni:

- (a) Malube ki cik ma tye i Cura 9; onyo
- (b) Kit ma nonjo Jang Kot me Cako Pido omiyo twero kwede i te dul 57, paragraf 3(d).

3. Procekuta romo:

- (a) Coko ki ŋiyo lanyut;

- (b) Kwayo bedo tye dok penyo dano ma gitye ka kwedo lok i kum-gi, joo ma gitimo bal i kum-gi ki lucaden;
- (c) Yenyo cwak pa Lobo mo keken onyo dul ma kubu kin gamente mapatpat onyo yub malube ki gin ma en romo timo-ne ki / onyo twero-ne;
- (d) Keto ciņe i yub onyo winye, malube ki Cik man, kit ma mitte me konyo winye ki Lobo mo, dul ma kubu kin gamente mapatpat onyo dano;
- (e) Yee pe me nyutu, i kare mo keken me winyo lok, dokumen onyo lok ma Procekuta onoņo iņe cikke me tic kwede i muņ dok pi noņo lanyut manyen keken, nikwanyo ka lamii lok meno oyee; dok
- (f) Kwanyo yoo ma mitte, onyo kwayo ni gikwany yoo ma mitte me neno ni gigwoko lok i muņ, gigwoko dano mo keken onyo gigwoko lanyut.

Dul 55

Twero pa dano i kare me kwedo lok

1. Malube ki kwedo lok i te Cik man:
 - (a) Pe gibidiyo dano mo me tito lok ma nyutu ni en labal onyo me yee bal;
 - (b) Pe gibiketo dano mo i kit yoo mo keken me dic, diyo en me timo gin mo tektek onyo bura, awun onyo tero en i kit yoo mo keken marac, tim alany onyo dwoko rwom me piny onyo pwod.
 - (c) Ka gipenyo dano mo i leb mapat ki leb ma en niaņ dok loko maber, en binoņo kony ki bot lagony leb matiyo maber, dok kit gonyo lok acoya ducu ma mitte laboņo cul wek orwatte ki jami ma mitte me tic laboņo apokapoka; ki
 - (d) Pe gibimako onyo tweyo dano meno laboņo lubu cik, dok pe gibikwanyo twero-ne me bedo agonya nikwanyo ka otime pi tyen lok ma tye dok malube ki yoo me tic ma giketo i Cik man.
2. Ka tye tyen lok ma weko gitamo ni dano moni otimo bal ma potu i te twero me tic pa Kot dok Procekuta onyo luloc me lobo cok penyo dano meno malube ki kwac ma gimioy i Cura 9, dano meno

bene bibedo ki twero magi ma omyero giniaŋ en pire ma noŋo pud pe gipenyo en:

- (a) Omyero giniaŋ en, ma pud pe gipenyo en, ni tyen lok tye ma weko gitamo ni en otimo bal ma poto i te twero me tic pa Kot;
- (b) Me liŋ, laboŋo tic ki liŋ meno me moko ni en otimo onyo pe otimo bal.
- (c) Me bedo ki kony me cik ma en oyero, onyo, ka dano meno peke ki kony me cik, omyero gimii ki en kony me cik, i lok mo keken ka mitte pi ŋol matir, dok laboŋo dano meno culu pire i kit yoo mo keken ka dano meno pe tye ki yoo muromo me culu pire; dok
- (d) Me penyo en i nyim lapilida nikwanyo ka dano meno okwero ki cwinye tic ki twero-ne me bedo ki lapilida.

Dul 56

Tic pa Jang Kot me Cako Pido ma kwako kwedo lok ma dok pat ki mukene

- 1.(a) Ka Procekuta otamo ni kwedo lok moni pire tek pien noŋo romo miyo ki gin kare me noŋo caden ki lok dog ki bot lacaden onyo me ŋiyo, koko onyo temo lanyut, ma romo bedo pe i anyim pi pido, Procekuta biniaŋo Jang Kot me Cako Pido i kum lok man.
 - (b) Ka man otime, Jang Kot me Cako Pido romo, iŋe kwac pa Procekuta, kwanyo yoo kit ma mitte me neno ni winyo lok owoto maber dok ki gen, tutwale, me gwoko twero pa dano ma tye ka pyem adot ni.
 - (c) Nikwanyo ka Jang Kot me Cako Pido ogolo oda mukene, Procekuta bimiyo lok ma rwatte bot dano ma gimako onyo obino i nyim Kot malube ki camon ma gicwalo ma kwako lok ma gitye ka kwedo-ne ma gicimo i paragrap matidi (a), wek giwiny lok pa dano ni malube ki lok meno.
2. Yoo ma omyero gikwany ma gicimo i paragrap 1 (b) romo bedo iye:
- (a) Miyo tam onyo golo oda ma kwako yoo me tic ma omyero gilub;
 - (b) Ciko ni omyero rekod me winyo lok obed tye;

- (c) Cimo ladiro me miyo kony;
 - (d) Miyo twero ki lapilida pa dano ma gimako, onyo dano ma obino i nyim Kot malube ki camon, me bedo tye, onyo ka kit mak man onyo bino pa dano meno i nyim Kot pud pe otime onyo lapilida pud pe gicimo, cimo lapilida mukene me bedo tye dok me cuṅ pi mitti pa dano ma tye ka pyem adot;
 - (e) Cimo lamemba-gi acel onyo, ka mitte, laṅolkop mukene ma tye me Divijon me Cako Kot onyo Divijon me Pido me neno dok me miyo tam onyo golo oda ma kwako koko ki gwoko lanyut ki penyo dano;
 - (f) Kwanyo kit yoo mukene kit ma mitte me koko onyo gwoko lanyut.
- 3.(a) Ka Procekuta pe olubu yoo me timo jami malube ki dul man ento Jang Kot me Cako Pido tamo ni kit yoo me timo jami man mitte me gwoko lanyut ma Jang Kot me Cako Pido tamo ni pire bibedo tek pi pyem adot i kare me pido, bipenyo tam pa Procekuta kace tye tyen lok maber ma oweko Procekuta pe openyo yoo me timo jami man. Ka iṅe penyo tam pa Procekuta, Jang Kot me Cako Pido omoko ni gin ma oweko Procekuta pe openyo yoo me timo jami man obedo pi tyen lok ma tere peke, Jang Kot me Cako Pido romo kwanyo yoo me timo man kun noṅo tiyo ki twero-ne.
- (b) Procekuta romo koko apil i kum mok pa Jang Kot me Cako Pido me tic ki twero-ne i te paragrap man. Apil man gibiwinyo-ne laboṅo gale.
4. Yee lanyut ma gigwoko onyo gicoko pi pido malube ki dul man, onyo rekod me lanyut man, bitime i kare me pido malube ki dul 69, dok Jang Kot me Pido aye bimoko kit ma lanyut man pire tek kwede.

Dul 57

Tic dok twero pa Jang Kot me Cako Pido

- 1. Nikwanyo ka gitito mapat i Cik man, Jang Kot me Cako Pido bitiyo ticce malube ki cik ma gicimo i dul man.
- 2. (a) Luṅolkop makato nucu omyero gucwak oda onyo ḡol ma Jang Kot me Cako Pido okati kwede malube ki dul 15, 18, 19, 54, paragrap 2, 61, paragrap 7 ki 72.

- (b) Pi lok mukene wen, laŋolkop acel me Jang Kot me Cako Pido romo timo jami ma gicimo i Cik man, nikwanyo ka gitito mapat i Cik me Tic ki me Lanyut onyo ka luŋolkop me Jang Kot me Cako Pido makato nucu gutito mapat.
3. Me medo i kum ticce mukene i te Cik man, Jang Kot me Cako Pido romo:
- (a) Iŋe noŋo kwac pa Procekuta, golo kit oda dok cwalo waran kit ma noŋo romo mitte kwede me kwedo lok;
- (b) Iŋe noŋo kwac pa dano ma gimako ni onyo ma obino i nyim Kot malube ki camon i te dul 58, golo kit oda, ma i kine tye i iye yoo me timo jami kit ma gitito i dul 56; onyo yenyo kit me tic kacel malube ki Cura 9 kit ma noŋo romo mitte kwede me konyo dano meno me yube pi pyem adot;
- (c) Ka mitte, neno ni gigwoko dok giworo muŋ me kwoo pa joo ma gitimo bal i kum-gi ki lucaden, gigwoko lanyut, gigwoko dano ma gimako-gi onyo ma obino i nyim Kot malube ki camon ki gwoko lok ma kwako gwoko sekuriti pa lobo;
- (d) Miyo twero bot Procekuta me kwanyo yoo mo me cako kwedo lok i ŋom pa Lobo ma Lamemba laboŋo noŋo winye me tic kacel ki bot lobo meno i te Cura 9, ka Jang Kot me Cako Pido, kun winyo tam pa lobo moni ni kit ma twere, omoko i lok meno ni lobo meno adaa pe romo keto i tic kwac me tic kacel pien lobo meno pe tye ki loc mo keken onyo ki kit dul mo keken me tic cik ma romo keto i tic kwac me tic kacel kit ma gicimo i Cura 9.
- (e) Ka gicwalo waran me mak onyo camon i te dul 58, dok iŋe ŋiyo pek pa lanyut ki twero pa dul ma lok man mako-gi, kit ma gicimo kwede i Cik man ki Cik me Tic ki me Lanyut, yenyo cwak pa Lobe me kwanyo yoo me gwoko jami, macalo pwod, malube ki paragrap 93,1(k) tutwale ka adwogi-ne tye pi konyo joo ma gitimo bal i kum-gi.

Dul 58

Kit ma Jang Kot me Cako Pido cwalo waran me mak onyo camon me bino i nyim Kot

1. I cawa mo keken iŋe cako kwedo lok, Jang Kot me Cako Pido, ka Procekuta okwayo, bicwalo waran me mak pi dano mo kace, iŋe

ŋiyo kwac ki lanyut onyo lok mukene ma Procekuta omiyo, Jang Kot me Cako Pido onogo ni:

- (a) Tyen lok madii tye ma weko gitamo ni dano meno otimo bal ma poto i te twero me tic pa Kot; ki
- (b) Mako dano meno nen ni mitte:
 - (i) Me neno ni dano meno obedo tye i kare me pido,
 - (ii) Me neno ni dano meno pe ogeŋo onyo obalo kwedo lok onyo winyo lok pa Kot, onyo
 - (iii) Kace rwatte, me geŋo dano meno me mede ki timo bal meno onyo bal mukene marom ki bal meno ma poto i te twero me tic pa Kot dok ma aa ki i kum lok acel-li.

2. Kwac pa Procekuta bibedo ki:

- (a) Nyiŋ dano meno ki ŋec mukene ma rwatte ma cimo dano meno;
- (b) Gin ma tito atir bal ma poto i te twero me tic pa Kot ma gibyeke ni dano meno otimo;
- (c) Lok macek i kum lok ma gibyeke ni cimo kit bal magi;
- (d) Lanyut ki lok mukene ma gicoyo macego ma nyutu ni tyen lok madii tye ma weko gitamo ni dano meno otimo bal magi; ki
- (e) Tyen lok ma weko Procekuta tamo ni mako dano meno mitte.

3. Waran me mak bibedo ki:

- (a) Nyiŋ dano meno ki ŋec mukene ma rwatte ma cimo dano meno;
- (b) Gin ma tito atir bal ma poto i te twero me tic pa Kot ma gimito mako iye dano meno; ki
- (c) Lok macek i kum lok ma gibyeke ni cimo kit bal magi;

4. Waran me mak pe gibikwanyo-ne nikwanyo ka Kot ogolo oda mapat.

5. Malube ki waran me mak, Kot romo kwayo ni gimak pi tutunu onyo ni gimak dok gimii dano meno bot Kot i te Cura 9.
6. Procekuta romo kwayo Jang Kot me Cako Pido me loko waran me mak, kun noŋo giloko onyo gimedo bal ma onoŋo gicimo i waran meno. Jang Kot me Cako Pido biloko waran meno kace onoŋo ni tyen lok madii tye ma weko gitamo ni dano meno otimo bal ma giloko onyo ma gimedo ni.
7. Mapat ki penyo pi waran me mak, Procekuta romo cwalo kwac ma lego Jang Kot me Cako Pido me cwalo camon bot dano meno me bino i nyim Kot. Ka Jang Kot me Cako Pido onoŋo ni tyen lok madii tye ma weko gitamo ni dano meno otimo bal ma gibyeke ni dok camon romo tic me neno ni dano meno obino i nyim Kot, ci Jang Kot me Cako Pido bimiyo camon ma noŋo tye i iye onyo pe tye i iye gin mo ma geŋo bedo agonya pa dano meno (mapat ki bedo i gaŋ twec) ka man tye i cik me lobo moni ni dano meno omyero obin i nyim Kot. Camon bibedo ki:
 - (a) Nyij dano meno ki ŋec mukene ma rwatte ma cimo dano meno;
 - (b) Nino dwee ma gicimo ma dano meno omyero obin kwede i nyim Kot;
 - (c) Gin ma tito atir bal ma poto i te twero me tic pa Kot ma gibyeke ni dano meno otimo; ki
 - (d) Lok macek i kum lok ma gibyeke ni cimo kit bal meno. Gibimiyo camon meno ki dano meno.

Dul 59

Yoo me mako dano i Lobo ma en tye i iye

1. Lobo ma Lamemba ma onoŋo kwac pi mako pi tutunu onyo pi mako dok miyo dano meno bot Kot bitimo jami ducu ma mitte oyot oyot me mako dano meno malube ki cik me lobo meno ki cik ma tye i Cura 9.
2. Gibikelo dano ma gimako ni cutcut i nyim dul ma tye ki twero me tic cik ma i Lobo ma en tye i iye ni, ma bineno, malube ki cik pa Lobo meno, ni:
 - (a) Waran me mak meno obedo pa dano meno;

- (b) Gimako dano meno kun gilubo yoo mupore; dok
- (c) Giworo twero pa dano meno.
3. Dano ma gimako ni bibedo ki twero me kwayo dul ma tye ki twero ma i Lobo ma en tye i iye ni me gonyo en pi tutunu kun noŋo gikurro miyo en bot Kot.
4. I moko lok i kum kwac ma kit man, dul ma tye ki twero ma i Lobo ma dano meno tye i iye ni bineno kace, malube ki kit rac pa bal ma gibyeko ni otime, tye gin mo ma mitte pi oyot oyot dok ma pire tek ma weko gigonyo dano meno pi tutunu dok ka yub kit ma mitte ni tye ma weko Lobo ma dano meno tye i iye ni twero cobo ticce me miyo dano meno bot Kot. Dul ma tye ki twero ma i Lobo ma dano meno tye i iye ni pe bibedo ki twero me penyo ka waran me mak gicwalo woko i yoo maber malube ki dul 58, paragraf 1 (a) ki (b).
5. Gibiniaŋo Jang Kot me Cako Pido pi kwac mo keken me gonyo dano pi tutunu dok Jang Kot me Cako Pido bimiyo tam bot dul ma tye ki twero ma i Lobo ma dano meno tye i iye ni. Dul ma tye ki twero ma i Lobo ma dano meno tye i iye ni biŋiyo matut kit tam meno, ma i kine tye i iye tam mo keken i kum yoo me geŋo lwii pa dano meno, ma pud pe gumoko lok.
6. Ka gigonyo dano meno pi tutunu, Jang Kot me Cako Pido romo kwayo ni gicwal ripot kare ki kare me tito kit ma gony pi tutunu tye kwede.
7. Teki gigolo oda bot Lobo ma dano meno tye i iye ni me miyo dano meno, Lobo meno bimiyo dano meno bot Kot oyot oyot kit ma twere kwede.

Dul 60

Winyo lok pi tyen mukwoŋo i nyim Kot

1. Iŋe miyo dano meno bot Kot, onyo iŋe bino pa dano meno i nyim Kot ki cwinye kene onyo malube ki camon, Jang Kot me Cako Pido bineno ni giniaŋo dano meno pi bal ma gibyeko ni en otimo ki pi twero-ne i te Cik man, ma i kine tye i iye twero me penyo ni gigony en pi tutunu kun kurro pido.
2. Dano ma gicwalo waran me mak pire romo kwayo ni gigony en pi tutunu kun kurro pido. Ka Jang Kot me Cako Pido oneno ni gitimo

jami ma gicimo i dul 58, paragraf 1, dano meno bimedede ki bedo i gaŋ twec. Ka oneno ni pe gilubu jami magi, Jang Kot me Cako Pido bigonyo dano meno kun noŋo keto onyo pe keto jami ma omyero gilub.

3. Jang Kot me Cako Pido biŋjiyo kare ki kare lok ma en oŋolo me gonyo onyo gwoko dano meno i gaŋ twec, dok romo timo meno i kare mo keken ka Procekuta onyo dano meno okwayo. Ije ŋiyo lok man, Jang Kot me Cako Pido romo loko lok ma oŋolo i kum gwoko dano meno i gaŋ twec, gonyo onyo keto jami ma omyero dano meno olub ka gigonyo en, ka oneno ni alokaloka ni mitte pi jami ma oloke.
4. Jang Kot me Cako Pido bineno ni pe gigwoko dano mo i gaŋ twec pi kare ma pe rwatte ma pud pe gicako pido pi gale pa Procekuta ma tere peke. Ka kit gale meno obedo tye, Kot bineno kit me gonyo dano meno kun noŋo keto onyo pe keto jami ma omyero gilub.
5. Ka mitte, Jang Kot me Cako Pido romo cwalo waran me mak wek dano ma gigonyo ni obed tye i Kot.

Dul 61

Moko adot ma pido pud pe ocake

1. Ka alokaloka obedo pe malube ki cik ma tye i paragraf 2, ma pud pe kare mapol okato ije miyo dano meno onyo ije bino pa dano meno ki cwinye kene i nyim Kot, Jang Kot me Cako Pido biwinyo lok me moko adot ma Procekuta mito ni gipid iye ni. Winyo lok man bitime ma noŋo Procekuta ki dano ma gikelo adot i kume-ni kacel ki lapilida-ne gitye.
2. Jang Kot me Cako Pido romo, malube ki kwac pa Procekuta onyo pire kene, winyo lok ma noŋo dano ma gikelo adot i kume-ni pe tye me moko adot ma Procekuta mito ni gipid iye ka dano meno:
 - (a) Okwero tic ki twero-ne me bedo tye; onyo
 - (b) Oriŋo woko onyo pe gitwero noŋo en dok gitimo yoo ducu ma twere wek en obed tye i nyim Kot dok me niaŋo dano meno pi adot dok ni winyo lok me moko adot meno obitime.

Ka meno otime, lapilida bicuŋ pi dano meno ka Jang Kot me Cako Pido omoko ni tye i mitti me ŋol matir.

3. Ma pud pe kare mapol okato ma noŋo pud pe giwinyo lok, dano man:

- (a) Gibimiyo ki en kopi me dokumen ma tye i iye adot ma Procekuta mito pido iye i kum dano meno; dok
- (b) Gibiniaŋo en i kum lanyut ma Procekuta mito tic kwede i kare me winyo lok.

Jang Kot me Cako Pido romo golo oda ma kwako nyutu lok pi tyen lok me winyo lok.

4. Ma noŋo winyo lok pud pe ocake, Procekuta romo mede ki kwedo lok dok romo loko onyo kwanyo adot mo keken. Gibimiyo ŋec pi kare muromo bot dano meno ma pud pe giwinyo lok i kum adot mo keken ma giloko onyo gikwanyo. Ka gikwanyo adot, Procekuta biniaŋo Jang Kot me Cako Pido ki tyen lok ma oweko gikwanyo adot.

5. I kare me winyo lok, Procekuta bimeddo kor adot acel acel ki lanyut muromo ma nyutu ni tyen lok matir tye ma weko gitamo ni dano meno otimo bal ma gikelo iye adot i kume-ni. Procekuta romo tic ki dokumen onyo lanyut ma gicoyo wiye wiye dok pe mitte ni olwoŋ lucaden ma gitamo ni gubimiyo caden i kare me pido.

6. I kare me winyo lok, dano meno romo:

- (a) Kwero adot;
- (b) Kwero lanyut ma Procekuta okelo; ki
- (c) Kelo lanyut.

7. Jang Kot me Cako Pido, malube ki winyo lok, bimoko kace tye lanyut muromo ma nyutu ni tyen lok matir tye ma weko gitamo ni dano meno otimo bal acel acel ma gikelo iye adot i kume-ni. Malube ki mok-ke, Jang Kot me Cako Pido:

- (a) Bimoko adot ma noŋo gunoŋo ni tye ki lanyut muromo, dok bicwalo dano meno i Jang Kot me Pido wek gipid i kume pi adot kit ma gimoko;
- (b) Bikwero moko adot ma noŋo gunoŋo ni pe tye ki lanyut muromo;

- (c) Bijukko winyo lok pi tutunu dok bikwayo Procekuta me neno kit me:
- (i) Kelo lanyut mukene onyo mede ki kwedo lok ma dok i kum adot moni; onyo
- (ii) Loko adot pien lanyut ma gikelo nen calo cimo bal mapat ma potu i te twero me tic pa Kot.
8. Ka Jang Kot me Cako Pido okwero moko adot mo, pe bigeŋo Procekuta me kwayo pi moko adot meno laca ka kwac meno gimedo kore ki lanyut mukene.
9. Iŋe moko adot dok ma pido pud pe ocake, Procekuta romo, ki twero pa Jang Kot me Cako Pido dok iŋe niaŋo dano ma gikelo adot i kume-ni, loko adot. Ka Procekuta okwayo me medo adot mukene onyo me loko adot marac maloyo adot macon, onyero giwiny lok i te dul man me moko adot meno. Iŋe cako pido, Procekuta romo kwanyo adot ki twero pa Jang Kot me Pido.
10. Waran me mak mo keken ma onoŋo gicwalo con pe bitic pi adot mo keken ma Jang Kot me Cako Pido pe omoko onyo ma doŋ Procekuta okwanyo woko.
11. Ka doŋ gimoko adot malube ki dul man, Opici pa Preciden biketo Jang Kot me Pido ma, ka alokaloka obedo pe malube ki paragraf 9 ki dul 64 paragraf 4, ticce bibedo me winyo lok ma bibino i anyim dok romo tiyo tic mo keken pa Jang Kot me Cako Pido ma rwatte dok ma gitwero tic kwede i winyo lok meno.

CURA 6 PIDO

Dul 62

Kabedo me pido

Nikwanyo ka gimoko mapat, pido bibedo i ganj kal pa Kot.

Dul 63

Pido ma noŋo dano ma gikelo adot i kume-ni tye

1. Dano ma gikelo adot i kume-ni bibedo tye i kare me pido.
2. Ka dano ma gikelo adot i kume-ni, ma tye i nyim Kot, omede ki balo pido, Jang Kot me Pido romo kwanyo dano ma gikelo adot i kume-ni ki i ot kot dok bitimo jami ma mitte wek en olub pido dok olok ki lupilida ki woko, ma noŋo gitiyo ki teknoloji me kubu lok ka mitte. Gibikwanyo kit yoo me tic man pi lok ma pirgi tek atika, ma noŋo yoo mukene mupore ma giromo tic kwed-gi pe gutiyo; dok pi kit kare moni keken kit ma noŋo mitte kikume.

Dul 64

Tic dok twero pa Jang Kot me Pido

1. Tic dok twero pa Jang Kot me Pido ma gicimo i dul man gibiketo i tic malube ki Cik man ki Cik me Tic ki me Lanyut.
2. Jang Kot me Pido bineno ni pido otime laboŋo apokapoka dok oyot oyot, dok gitimo noŋo giworo i yoo ducu twero pa dano ma gikelo adot i kume-ni dok noŋo gitamo pi gwoko joo ma gitimo bal i kum-gi ki lucaden.
3. Inje cwalo lok pi pido bot Jang Kot me Pido malube ki Cik man, Jang Kot me Pido ma gicimo me tic i kum lok meno:
 - (a) Bileyo tam ki dul ma tye i pido ka bimoko kit yoo me tic kit ma mitte wek pido otime laboŋo apokapoka dok oyot oyot;
 - (b) Bimoko leb onyo leb adii ma omyero gitii kwede i pido; dok
 - (c) Ka alokaloka obedo pe malube ki cik mo mukene ma rwatte i Cik man, bineno ni ginyutu dokumen onyo lok ma onoŋo pe ginyutu con, ma omyero otime con ma pud pido pe ocake wek omii kare muromo me yube pi pido.

4. Jang Kot me Pido, kace man mitte, romo cwalo lok ma omyero gimok ma pud pe gicako pido, wek ticce owot mapwot dok laboŋo apokapoka, bot Jang Kot me Cako Pido onyo, ka mitte, bot laŋolkop mukene ma tye me Divijon me Cako Pido.
5. Iŋe miyo ŋec bot dul ma tye i pido, Jang Kot me Pido romo, kit ma rwatte, ciko ni omyero girib onyo gipok adot malube ki adot ma gikelo i kum dano ma gikelo adot i kum-gi.
6. I tiyo ticce ma noŋo pido pud pe ocake onyo i kare me pido, Jang Kot me Pido romo, kit ma noŋo mitte:
 - (a) Tiyo tic mo keken pa Jang Kot me Cako Pido ma gicimo i dul 61, paragrap 11;
 - (b) Mito ni lucaden gubed tye i pido dok gumii caden-gi; dok ni gimii dokumen ki lanyut mukene kun noŋo, ka mitte, ginoŋo kony pa Lobe kit ma gicimo i Cik man;
 - (c) Timo jami ma mitte me gwoko lok muŋ;
 - (d) Golo oda ni gimii lanyut mukene me medo i kum lanyut ma doŋo onyo gicoko ma pud pido pe ocake onyo ma dul ma tye i pido gukelo i kare me pido;
 - (e) Timo jami ma mitte me gwoko dano ma gikelo adot i kume-ni, lucaden ki joo ma gitimo bal i kum-gi; ki
 - (f) Dolo lok i kum lok mo mukene ma rwatte.
7. Pido bitime i Kot ma giyabo bot lwak. Kadi bed kumeno, Jang Kot me Pido romo moko ni pi lok mo ma pire tek mitte ni gigeŋ lwak me bedo tye i pido mogo pi tyen lok ma giryeyo i dul 68, onyo pi gwoko lok ma tye i muŋ onyo ma pire tek, ma omyero gimii macalo lanyut.
- 8.(a) I acakki me pido, Jang Kot me Pido biweko gikwano bot dano ma gikelo adot i kume-ni adot ma Jang Kot me Cako Pido omoko i kare mukato aŋec. Jang Kot me Pido bineno ni dano ma gikelo adot i kume-ni niaŋ kit adot ma gikelo i kume. Jang Kot me Pido bimiyo ki dano meno kare me yee bal malube ki dul 65 onyo me kwero ni pe etimo bal.

- (b) I kare me pido, laŋolkop ma doro pido romo cimo kit ma pido omyero owot kwede, ma i kine tye i iye neno ni pido otime maber dok laboŋo apokapoka. Ka alokoloka obedo pe malube ki kit ma laŋolkop ma doro pido ocimo, dul ma tye i pido romo miyo lanyut malube ki cik ma tye i Cik man.
9. Jang Kot me Pido, i kin jami mukene, bibedo ki twero, iŋe noŋo kwac pa dul mo ma tye i pido onyo pire kene, me:
- (a) Dolo lok i kum yee lanyut onyo ka lanyut rwatte; ki
- (b) Kwanyo yoo ma mitte wek jami owot maber i kare me winyo lok.
10. Jang Kot me Pido bineno ni rekod ducu me pido ma nyutu jami ducu ma otime i pido giyubu dok ni Regictra ogwoko dok okano rekod man maber.

Dul 65

Winyo lok ka giyee bal

1. Ka dano ma gikelo adot i kume-ni oyee bal malube ki dul 64, paragraf (8) (a), Jang Kot me Pido bimoko kace:
- (a) Dano ma gikelo adot i kume-ni niaŋ kit lok me yee bal ki adwogine;
- (b) Dano ma gikelo adot i kume-ni oyee bal ki cwinye kene iŋe leyo tam muromo ki lapilida-ne; dok
- (c) Yee bal rwatte ki lok ma tye i lok ma gikelo, ma tye i:
- (i) Adot ma Procekuta okelo dok ma dano ma gikelo adot i kume-ni oyee;
- (ii) Jami mo keken ma Procekuta okelo, ma medo kor adot dok ma dano ma gikelo adot i kume-ni yee; ki
- (iii) Lanyut mo keken, macalo caden pa lucaden, ma Procekuta onyo dano ma gikelo adot i kume-ni okelo.
2. Ka Jang Kot me Pido onoŋo ni lok ma gicimo i paragraf 1 doŋ gimoko, Jang Kot meno bineno yee bal meno, kacel ki lanyut mukene ma gikelo, macalo moko lok ducu ma mitte me nyutu bal

ma rwatte ki yee bal meno, dok romo ṅolo bal i wii dano ma gikelo adot i kume-ni pi bal meno.

3. Ka Jang Kot me Pido onoṅo ni lok ma gicimo i paragraf 1 pud pe gimoko, Jang Kot meno bineno yee bal meno calo gin ma pe otime, pi meno bigolo oda ni pido omede malube ki yoo pido kit me nino ducu kit ma gicimo i Cik man dok romo cwalo lok meno i nyim Jang Kot me Pido mukene.
4. Ka Jang Kot me Pido tamo ni mitte ni gimed lok ma tye i kum lok ma gikelo, pi mitti me ṅol matir, atikane pi mitti pa joo ma gitimo bal i kum-gi, Jang Kot me Pido romo:
 - (a) Kwayo Procekuta me kelo lanyut mukene, ma i kine tye i iye caden pa lucaden; onyo
 - (b) Golo oda ni pido omede malube ki yoo me pido kit me nino ducu kit ma gicimo i Cik man; ci doṅ Jang Kot me Pido bitero yee bal meno calo gin ma pe otime dok romo cwalo lok meno i nyim Jang Kot me Pido mukene.
5. Leyo tam mo keken ma otime i kin Procekuta ki lupyem adot, ma kwako kelo alokaloka i kum adot, yee bal onyo pwod ma gibimiyo pe bibedo gin ma Kot omyero olub.

Dul 66

Tero dano moni calo pe otimo bal

1. Gibitero dano ducu calo pe gutimo bal waṅ ma gimoko i nyim Kot ni en otimo bal malube ki cik ma tiyo.
2. Obedo tic pa Procekuta me nyutu ni dano ma gikelo adot i kume-ni otimo bal.
3. Me ṅolo ni bal tye i wii dano ma gikelo adot i kume-ni, Kot omyero oyee laboṅo akalakala ni dano meno otimo bal.

Dul 67

Twero pa dano ma gikelo adot i kume

1. I moko adot mo keken, dano ma gikelo adot i kume-ni bibedo ki twero ni giwiny lok-ke i Kot ma giyabo bot lwak, ma noṅo gilubu cik ma tye i Cik man, ni giwiny lok laboṅo apokapoka ma noṅo gitero dano ducu marom, dok ni gilub cikke magi, i yoo marom:

- (a) Me niaŋo dano ma gikelo adot i kume-ni laboŋo gale dok i yoo matut i kum kit adot ma tye, gin ma oweko gikelo adot ki gin ma tye i adot i leb ma dano meno niaŋ dok loko maber;
- (b) Me bedo ki kare ki jami tic muromo me yube pi pyem adot dok me nywako lok i muŋ laboŋo ayela ki lapilida ma en oyeru;
- (c) Me pido i kume laboŋo gale ma tere peke;
- (d) Ka alokaloka obedo pe malube ki dul 63 paragraf 2, me bedo tye i kare me pido, me pyem adot en kikume onyo ki kony pa lapilida ma noŋo en oyeru, me niaŋo dano ma gikelo adot i kume-ni pi twero-ne me bedo ki lapilida ka en peke ki lapilida dok me bedo ki lapilida ma Kot ocimo i kare mo keken ka mitte pi mitti me ŋol matir, dok laboŋo culu pire ka dano ma gikelo adot i kume-ni pe tye ki yoo muromo me culu pire.
- (e) Me penyo, onyo me weko ni gipeny, lucaden ma cwako adot ki me weko lucaden ma mege me bedo tye dok penyo-gi i yoo marom ki kit ma gipeny lucaden ma cwako adot. Dano ma gikelo adot i kume-ni bene bibedo ki twero me pyem adot dok me miyo lanyut mukene ma giye i te Cik man;
- (f) Me bedo ki kony pa lagony leb ma tiyo maber dok me gonyo lok acoya laboŋo cul mo keken kit ma mitte wek orwate ki tic laboŋo apokapoka, ka winyo lok mo keken onyo dokumen ma gimiyu bot Kot tye i leb ma dano ma gikelo adot i kume-ni pe niaŋ onyo pe loko maber;
- (g) Pe me diyo dano ma gikelo adot i kume-ni me miyo caden onyo me yee bal, dok me liŋ, laboŋo tic ki liŋ meno me moko ni en otimo onyo pe otimo bal;
- (h) Me tito onyo coyo lok doge ma pe okwoŋo i pyem adot-ne, ki
- (i) Pe me diyo en me nyutu ni pe etimo bal onyo me miyo ki en peko me gamo lok ma kwero adot.
2. Me medo i kum jami mukene ma omyero ginyut kit ma gicimo kwede i Cik man, Procekuta binyutu bot lupyem adot, oyot oyot kit ma twere, lanyut ma Procekuta tye kwede onyo tye ki twero i iye, ma en ŋeyo ni nyutu onyo nen calo nyutu ni dano ma gikelo adot i kume-ni pe otimo bal, onyo ma weko bal pa dano man doko tidi,

onyo ma romo kwanyo gen ki i kum lanyut pa lukel adot. Ka akalakala tye i kit me tic ki paragraf man, Kot aye bimoko-ne.

Dul 68

Gwoko joo ma gitimo bal i kum-gi ki lucaden ki bedo tye-gi i pido

1. Kot bikwanyo yoo mupore me gwoko kwoo, ber bedo me kum ki me wic, woro ki muᅇ pa joo ma gitimo bal i kum-gi ki lucaden. I timo man, Kot biketo i tam jami ducu ma rwatte, ma i kine tye i iye mwaka, *gender* kit ma gionyonyo kwede i dul 7 paragraf 3, ki yot kum, ki kit bal, atikane, ento pe gik i kum, ka bal-le kwako bal me gero me butu onyo bal me *gender* onyo gero i kum lutino. Procekuta bikwanyo yoo ducu atikane i kare me kwedo lok ki kelo adot pi bal ma kit man. Yoo ma gikwanyo pe bidwoko piny onyo pe bibedo ma pe rwatte ki twero pa dano ma gikelo adot i kume-ni ki pido laboᅇo apokapoka dok marom.
2. Kadi bed ni dul 67 cimo ni pido bibedo i kot ma giyabo bot lwak, Jang Kot mapatpat romo, pi gwoko joo ma gitimo bal i kum-gi ki lucaden onyo dano ma gikelo adot i kume-ni, winyo but pido mo keken i kot ma noᅇo pe giyabo bot lwak onyo yee ni ginyut lanyut i yoo me elektronik onyo i yoo mukene ma dok pat. Atikane, gibiketo kit yoo man i tic kace lok-ke kwako dano ma gitimo bal me gero me butu i kume onyo latin ma gitimo bal i kume onyo ma lacaden, nikwanyo ka Kot ogolo oda mapat, ma noᅇo oneno jami ducu ma otime, atikane tam pa dano meno ma gitimo bal i kume onyo lacaden meno.
3. Ka tye gin mo ma balo mitti pa joo ma gitimo bal i kum-gi, Kot biyee ni tam ki guᅇ cwiny-gi ginyut dok ginji i kare me pido kit ma noᅇo Kot omoko ni rwatte dok i yoo ma pe bidwoko piny onyo pe bibedo ma pe rwatte ki twero pa dano ma gikelo adot i kume-ni ki pido laboᅇo apokapoka dok marom. Lupilida pa joo ma gitimo bal i kum-gi romo miyo kit tam ki guᅇ cwiny magi kace Kot oneno ni rwatte, malube ki Cik me Tic ki me Lanyut.
4. Unit matiyo pi Lucaden ki Joo ma Gitimo Bal i Kum-gi romo miyo tam bot Procekuta ki bot Kot i kum yoo mupore me gwok, yub me ber bedo, kweyo cwiny ki kony kit ma gicimo i dul 43, paragraf 6.
5. Kace nyutu lanyut onyo lok malube ki Cik man romo keto kwoo pa lacaden onyo lugaᅇ-gi i peko madit, Procekuta romo, pi winyo lok mo keken ma tye ma pud pe pido ocake, jukko miyo kit lanyut onyo lok meno ento miyo wiye wiye pa jami magi. Kit yoo magi

gibitimo-ne i yoo ma pe dwoko piny onyo pe bibedo ma pe rwatte ki twero pa dano ma gikelo adot i kume-ni ki pido laboŋo apokapoka dok marom.

6. Lobo mo romo kwayo ni gikwany yoo ma mitte me gwoko lutic-ce onyo luwaŋe ki me gwoko lok me muŋ onyo ma pire tek.

Dul 69

Lanyut

1. Ma pud pe omiyo caden, malube ki Cik me Tic ki me Lanyut, lacaden acel acel, bicike pi adaa pa lanyut ma en obimiyo.
2. Lacaden bimiyo caden en kikume i kare me pido, nikwanyo ka gitimo malube ki yoo ma gicimo i dul 68 onyo i Cik me Tic ki me Lanyut. Kot bene romo miyo twero me winyo dwan (*viva voce*) onyo caden pa lacaden ma gimako ki video onyo lamak dwan, kacel ki tic ki dokumen onyo lok acoya malube ki Cik man dok malube ki Cik me Tic ki me Lanyut. Yoo magi pe bidwoko piny onyo pe bibedo ma pe rwatte ki twero pa dano ma gikelo adot i kume-ni.
3. Dul ma gitye i pido giromo miyo lanyut ma rwatte ki lok moni malube ki dul 64. Kot bibedo ki twero me penyo ni gikel lanyut weŋ ma Kot tamo ni mitte me moko adaa pa lok.
4. Kot romo ŋolo lok i kum rwatte pa lanyut onyo yee lanyut mo keken, kun noŋo keto i tam, i kin jami mukene, kony pa lanyut meno ki kit ma lanyut meno romo dwoko piny rwom me pido laboŋo apokapoka onyo i kum ŋiyo laboŋo apokapoka caden pa lacaden malube ki Cik me Tic ki me Lanyut.
5. Kot biworo dok bigwoko twero ma kwako lok me muŋ kit ma gicimo kwede i Cik me Tic ki me Lanyut.
6. Kot pe bipenyo ni ginyut adaa pa lok ma dano weŋ ŋeyo ento romo tic ki twero-ne me tic ki ŋec meno.
7. Lanyut ma ginoŋo i yoo maturo Cik man onyo twero pa dano ma wilobo ducu ŋeyo pe gibiyee kace:
 - (a) Turo cik man weko gibedo ki akalakala madit i kum gen pa lanyut meno; onyo

- (b) Yee lanyut meno pe birwatte dok bibalo i yoo marac gen ma tye i kum pido.
- 8. I moko lok i kum rwatte pa lanyut onyo yee lanyut ma Lobo moni aye ocoko, Kot pe biḡolo lok ma kwako yoo me tic ki cik pa lobo meno.

Dul 70

Bal i kum tic me ḡol matir

- 1. Kot bibedo ki twero me tic i kum bal magi ma noḡo gitimo akaka i kum ticce me ḡol matir:
 - (a) Miyo caden goba ma noḡo dano tye i te cik malube ki dul 69, paragrap 1, me tito lok adaa;
 - (b) Miyo lanyut ma dul moni ḡeyo ni goba onyo giyubu ayuba;
 - (c) Balo tam pa lacaden, geḡo onyo jukko lacaden me bino i Kot onyo me miyo caden-ne, kelo ayela i kum lacaden pi miyo caden onyo balo, nywenno onyo geḡo coko lanyut;
 - (d) Geḡo, miyo lworu onyo balo tam pa latic me Kot, ki tam me diyo onyo bito latic man pe me timo ticce onyo me timo ticce marac;
 - (e) Kelo ayela i kum latic me Kot pi tic ma en otiyo onyo pi tic ma latic mukene otiyo;
 - (f) Penyo onyo gamo camucana macalo latic me Kot malube ki dog tic pa dano meno i Kot.
- 2. Cik ki yoo me tic ma kwako tic pa Kot ki twero-ne me tic i kum bal i te dul man bibedo cik ma tye i Cik me Tic ki me Lanyut. Gin ma omyero gilub i tic kacel i kin lobe me wilobo ki Kot ma kwako pido i te dul man bilube ki cik me lobo pa Lobo ma onoḡo kwac.
- 3. Ka giḡolo bal i wii dano mo, Kot romo miyo pwod me twec i buc ma pe kato mwaka abic onyo pwod me culu *fine* malube ki Cik me Tic ki me Lanyut onyo gin aryo ducu.
- 4.(a) Lobo ma Lamemba acel acel bitic ki cik me bal ma i lobo-ne ma miyo pwod i kum bal ma kwako yoo-ne matir me kwedo lok onyo me tic cik wa i kum bal ma gitimo ma kwako tic me ḡol matir ma

gicimo i dul man, ma noŋo gitimo i ŋom-ne onyo ma anywali me lobo man otimo;

- (b) Iŋe kwac pa Kot, Lobo ma Lamemba romo cwalo lok i nyim joo ma tye ki twero ma i lobo meno wek gikel adot, kace oneno ni opore. Joo magi bitic i kum lok ma kumeno ki diro dok gibiketo jami ducu ma mitte muromo wek gitii i kum lok man maber.

Dul 71

Pwod pi tim marac i nyim Kot

1. Kot romo miyo pwod ki dano ma tye i nyim Kot pi tim marac, ma i kine tye i iye balo pido onyo kwero akaka woro lok ma Kot ociko, ma noŋo tiyo ki yoo mukene mapat ki twec i buc, macalo kwanyo dano meno pi tutunu onyo matwal ki i ot kot, culu *fine* onyo tic ki yoo mukene kit ma gicimo i Cik me Tic ki me Lanyut.
2. Yoo ma omyero gilub i miyo pwod ma gicimo i paragraf 1 bibedo yoo ma gicimo i Cik me Tic ki me Lanyut.

Dul 72

Gwoko lok ma kwako sekuriti pa lobo

1. Dul man tiyo i kum lok mo keken kama nyutu lok onyo dokumen pa Lobo mo romo, i tam pa Lobo meno, dwoko piny rwom pa lok ma kwako gwoko sekuriti pa lobo meno. Kit lok magi tye i kine lok ma poto i te dul 56, paragraf 2 ki 3, dul 61, paragraf 3, dul 64, paragraf 3, dul 67, paragraf 2, dul 68, paragraf 6, dul 87, paragraf 6 ki dul 93, ki lok mukene ma cake i cawa mo keken i kare me pido kama noŋo gitye ka lok i kum lok ma kwako kit nyutu lok onyo dokumen meno.
2. Dul man bene bitic ka dano ma gilego ni omii lok onyo lanyut okwero woko onyo ocwalo lok meno bot Lobo moni pi tyen lok ni nyutu jami meno romo dwoko piny rwom pa lok ma kwako sekuriti pa Lobo moni dok Lobo meno moko ni ki i tam-ne nyutu jami meno romo dwoko piny rwom pa lok ma kwako sekuriti pa lobo meno.
3. Pe tye gin mo i dul man ma bidwoko piny rwom pa jami ma mitte pi gwoko lok i muŋ ma tye i dul 54, paragraf (3)(e) ki (f) onyo tic pa dul 73.

4. Ka Lobo mo onianj ni lok onyo dokumen pa Lobo meno gitye ka nyutu-ne onyo nen calo gibinyutu i kare mo keken me pido, dok lobo man tamo ni nyutu jami magi bidwoko piny rwom pa lok ma kwako sekuriti pa lobo meno, lobo meno bibedo ki twero me donyo i lok meno wek gicob lok man malube ki dul man.
5. Ka, i tam pa Lobo moni, nyutu lok romo dwoko piny rwom pa lok ma kwako sekuriti pa lobo meno, lobo meno bitimo jami ducu ma twere, kun noŋo tiyo kacel ki Procekuta, lupyem adot onyo Jang Kot me Cako Pido onyo Jang Kot me Pido, kit ma noŋo mitte kwede, me noŋo yoo me cobo lok meno ma noŋo gitiyo kacel. Jami ma giromo timo-ne romo bedo i iye:
 - (a) Loko onyo tito atir kwac meno;
 - (b) Mok pa Kot ma nyutu ka lok onyo lanyut ma gitye ka mito-ne ni rwatte, onyo mok pa Kot me nyutu kace lanyut moni, kadi bed ni rwatte, gitwero noŋo onyo ginoŋo ki kama pat ki Lobo ma onoŋo kwac-ni;
 - (c) Noŋo lok onyo lanyut ki kamukene onyo i kit mapat; onyo
 - (d) Winye i kum gin ma omyero gilub ma kwako miyo kony, ma i kine tye i iye, i kin jami mukene, miyo lok wiye wiye onyo dokumen ma girucu kamogo, geŋo nyutu jami mogo, winyo lok i nyim Kot ma noŋo pe giyabo bot lwak onyo winyo lok pa dul acel keken onyo yoo mukene me gwok ma giyee i te Cik man ki Cik me Tic ki me Lanyut.
6. Ka doŋ gikwanyo yoo weŋ ma twere me cobo lok man ma noŋo gitiyo kacel, dok ka Lobo meno tamo ni pe tye yoo mo onyo gin ma omyero gilub me miyo lok onyo dokumen onyo nyutu jami laboŋo dwoko piny rwom pa lok ma kwako sekuriti pa lobo meno, lobo meno biniaŋo Procekuta onyo Kot ki tyen lok kikume me mok-ne, nikwanyo ka tito tyen lok meno kikume romo dwoko piny rwom pa lok ma kwako sekuriti pa lobo meno.
7. Iŋe meno, ka Kot omoko ni lanyut meno rwatte dok mitte me nyutu ka dano ma gikelo adot i kume-ni otimo bal onyo pe otimo bal, Kot romo timo jami magi:

- (a) Ka nyutu lok onyo dokumen mitte malube ki kwac me tic kacel ma tye i te Cura 9 onyo malube ki gin ma gitito i te paragraf 2, dok Lobo meno okwero nyutu lok onyo dokumen kun tiyo ki tyen lok ma gicimo i dul 93, paragraf 4:
- (i) Kot romo, ma pud pe omoko lok kit ma gicimo i paragraf matidi 7(a) (ii), lego me mede ki penyo tam pi neno lok ma Lobo moni ocwalo, ma romo bedo i iye, kit ma rwatte, winyo lok i nyim Kot ma noŋo pe giyabo bot lwak onyo winyo lok pa dul acel keken;
- (ii) Kace Kot omoko ni Lobo ma onoŋo kwac-ni okwero nyutu jami, kun tiyo ki tyen lok ma tye i te dul 93, paragraf 4, dok malube ki lok meno, Lobo meno pe tye ka timo jami ma omyero otim i te Cik man, Kot romo cwalo lok-ke anyim malube ki dul 87, paragraf 7, ma noŋo tito atir tyen lok ma oweko Kot omoko lok kit meno; ki
- (iii) Kot romo moko i kare me pido i kum dano ma gikelo adot i kume-ni ka lok mo tye onyo pe, kit ma noŋo rwatte kwede ma kwako lok meno; onyo
- (b) Pi gin mukene weŋ:
- (i) Golo oda me nyutu jami; onyo
- (ii) Ka pe ogolo oda me nyutu jami, romo moko i kare me pido i kum dano ma gikelo adot i kume-ni ka lok mo tye onyo pe, kit ma noŋo rwatte kwede ma kwako lok meno.

Dul 73

Lok onyo dokumen ma aa ki bot joo mukene

Ka Kot okwayo Lobo ma Lamemba me miyo dokumen onyo lok ma lobo meno tye ka gwoko-ne, ma tye kwede onyo loyo, ma lobo mo, dul ma kubu kin gamente onyo dul me wilobo aye onyutu bote i muŋ, lobo meno koŋ binoŋo twero me nyutu dokumen onyo lok meno ki bot joo ma gumiyo jami magi. Ka jami magi oaa ki bot Lobo ma Lamemba, ci lobo ma lamemba meno bimiyo twero me nyutu dokumen onyo lok onyo bicike me tic kacel ki Kot me cobo lok me nyutu jami, ka alokaloka obedo pe malube ki cik ma tye i dul 72. Ka jami magi pe oaa ki bot Lobo ma Lamemba dok lamii jami meno pe oyee ni ginyut jami magi, Lobo ma onoŋo kwac-ni bimiyo ŋec bot Kot ni pe etwero miyo dokumen onyo lok meno pien winye me gwoko muŋ onoŋo tye i kin lobo meno ki joo ma jami magi oaa ki bot-gi.

Dul 74

Jami ma mitte pi moko lok

1. Luŋolkop ducu me Jang Kot me Pido bibedo tye i kare ducu me pido dok i kare ducu ma noŋo gitye ka gwenyo tam i kin-gi me moko lok. Opici pa Preciden romo, malube ki lok acel acel, keto, kit ma tye kwede, luŋolkop acel onyo aryo mukene me bedo tye i kare ducu me pido dok me leyo kawaŋ lamemba me Jang Kot me Pido ka lamemba meno pe romo mede ki winyo pido.
2. Mok pa Jang Kot me pido bilube ki ŋiyo lanyut ki pido ducu. Mok man pe bikato lok ma tye ki jami ma gitito i adot ki alokaloka mo keken ma gitimo i kum adot. Mok pa Kot romo lube ki lanyut ma gikelo dok ma gilaro iye lok i nyime i kare me pido keken.
3. Luŋolkop biteme me kati ki mok ma noŋo gin ducu guyee; ka pe twere ci gibitic ki mok pa luŋolkop makato nucu.
4. Gwenyo tam me moko lok i Jang Kot me Pido gibigwoko-ne i muŋ.
5. Mok man bibedo i coc dok binyutu lok ducu dok bitito kore ki kore gin ma Jang Kot me Pido onoŋo i kum lanyut ki lok ma gutweyo. Jang Kot me Pido bikati ki mok acel. Ka luŋolkop ducu pe guyee lok ma gimoko, mok pa Jang Kot me Pido binyutu tam pa luŋolkop makato nucu ki tam pa luŋolkop manok. Lok ma gimoko onyo wiye wiye pa lok meno gibikati kwede i Kot ma giyabo bot lwak.

Dul 75

Culu joo ma gitimo bal i kum-gi

1. Kot biketo cik ma kwako cul bot joo ma gitimo bal i kum-gi, onyo ma dok i kum joo ma gitimo bal i kum-gi, ma i kine tye i iye dwoko jami kit macon, culu ki roco jami onyo kwoo pa dano. Pi man, i moko lok-ke, Kot romo, ka gikwayo onyo pire kene pi tyen lok mo ma pire tek, moko kit ki dit pa jami ma obale, jami onyo dano ma orweny ki awanu i kum joo ma gitimo bal i kum-gi onyo ma dok i kum joo ma gitimo bal i kum-gi dok Kot bicimo cik mene ma en tye ka tic kwede.
2. Kot romo golo oda atir bot dano ma giŋolo bal i wiye kun cimo cul ma rwatte bot, onyo ma dok i kum, joo ma gitimo bal i kum-gi, ma i kine tye iye dwoko jami kit macon, culu ki roco jami onyo kwoo pa dano. Ka rwatte, Kot romo golo oda ni cul omyero otime ki lim ma giketo pi joo ma gitimo bal i kum-gi kit ma gicimo i dul 79.

3. Ma pud pe ogolo oda i te dul man, Kot romo lwoŋo dok bineno lok ma oaa ki bot onyo ma giwaco me kawaŋ dano ma giŋolo bal i wiye, joo ma gitimo bal i kum-gi, dano mukene, onyo lobe ma gitye ki mitti i lok meno.
4. I tic ki twero-ne i te dul man, Kot romo, iŋe ŋolo i wii dano meno bal ma poto i te twero me tic pa Kot, moko ka, me keto i tic oda ma Kot romo golo i te dul man, mitte me timo jami ma gicimo i dul 93 paragraf 1.
5. Lobo ma Lamemba biketo i tic mok i te dul man calo cik ma tye i dul 109 tiyo i dul man.
6. Pe tye gin mo i dul man ma gibigonyo-ne ni dwoko piny twero pa joo ma gitimo bal i kum-gi i te cik me lobo onyo me wilobo.

Dul 76

Miyo pwod

1. Ka giŋolo bal i wii dano, Jang Kot me Pido bineno pwod mupore ma gibimiyo dok bitic ki lanyut ma gikelo ki lok ma giwaco i nyim Kot i kare me pido ma rwatte ki pwod meno.
2. Nikwanyo ka dul 65 tiyo dok ma pud pe gityeko pido, Jang Kot me Pido romo pire kene dok ki kwac pa Procekuta onyo dano ma gikelo adot i kume-ni, bedo ki winyo lok mukene pi winyo lanyut onyo lok mo keken ma gimedo ma rwatte ki pwod ma gimiyu, malube ki Cik me Tic ki me Lanyut.
3. Ka paragraf 2 tiyo, lok mo keken ma gikati kwede ma poto i te dul 75 gibiwinyo-ne i kare me winyo lok ma gicimo i paragraf 2 dok, ka mitte, i kare me winyo lok mo keken ma dok gimedo.
4. Gibimiyo pwod i kot ma giyabo bot lwak dok, ka, twere ma noŋo kum dano ma gikelo adot i kume-ni tye.

CURA 7 PWOD

Dul 77

Pwod ma gimiyo

1. Ka alokaloka obedo pe malube ki dul 110, Kot romo miyo pwod acel i kin pwod ma giryeoyo piny kany bot dano ma giḡolo bal i wiye malube ki dul 5 me Cik man:
 - (a) Twec i buc pi mwaka ma gicimo, ma noḡo pe romo kato mwaka 30; onyo
 - (b) Twec i buc pi kwoo kace mitte pi rac pa bal dok pi jami ma okemo dano ma giḡolo bal i wiye-ni.
2. Me medo i kum twec i buc, Kot romo golo oda me:
 - (a) Culu *fine* i yoo kit ma gicimo kwede i Cik me Tic ki me Lanyut;
 - (b) Mako macalo pwod magoba, jami ki lonyo ma ginonḡo macalo adwogi me bal meno onyo i yoo ma dok i kum bal meno, labonḡo dwoko piny twero pa joo mukene ma gitye ki mitti i kum jami meno.

Dul 78

Moko pwod

1. I moko pwod, Kot biketo i tam, malube ki Cik me Tic ki me Lanyut, jami macalo rac pa bal meno ki jami ma okemo dano ma giḡolo bal i wiye-ni.
2. I miyo pwod me twec i buc, Kot bikwanyo nino, ka tye, ma dano meno obedo kwede i gaḡ twec malube ki oda ma Kot ogolo. Kot romo kwanyo nino mo ma dano meno ononḡo obedo kwede i gaḡ twec malube ki tim ma oweka bal meno otime.
3. Ka giḡolo bal i wii dano mo pi bal makato acel, Kot bimiyo pwod pi bal acel acel ki pwod pi bal ducu kun tito kare me twec i buc. Kare meno pe bibedo nok makato pwod ma gimiyo pi bal acel dok pe bikato twec i buc pi mwaka 30 onyo pwod me twec i buc pi kwoo kulu malube ki dul 77, paragrap 1(b).

Dul 79

Lim ma gigwoko pi joo ma gitimo bal i kum-gi

1. Gibiketo lim ma gigwoko pi joo ma gitimo bal i kum-gi malube ki mok pa Kacokke pa Lobe ma Lumemba pi konyo joo ma gitimo bal ma potu i te twero me tic pa Kot i kum-gi ki dano ma i odi-gi.
2. Kot romo golo oda ni cente ki jami mukene ma gicoko ki i culu *fine* onyo ma gikwanyo macalo pwod gikob, malube ki oda ma Kot ogolo, i lim ma gigwoko pi joo ma gitimo bal i kum-gi.
3. Gibiloyo lim ma gigwoko pi joo ma gitimo bal i kum-gi malube ki yoo ma Kacokke pa Lobe ma Lumemba bimoko.

Dul 80

Woro i kum pwod ma lobo mo miyo ki cik pa lobo mo

Pe tye gin mo i Cura man ma geŋo Lobe me miyo pwod ma cik me lobo meno ocimo, onyo ma geŋo cik pa Lobe ma pe miyo pwod ma gicimo i Cura man.

CURA 8 KOKO APIL KI DIYO ODOCO DOL PA KOT

Dul 81

Koko apil i kum mok ma kwanyo onyo ɲolo bal i wii dano onyo i kum miyo pwod

1. Mok ma gikati kwede i te dul 74 giromo koko iye apil malube ki Cik me Tic ki me Lanyut i yoo magi:
 - (a) Procekuta romo koko apil pi tyen lok mo keken i kin magi:
 - (i) Arocaroca i yoo me tic,
 - (ii) Arocaroca me lok, onyo
 - (iii) Arocaroca me cik;
 - (b) Dano ma giɲolo bal i wiye, onyo Procekuta me kawaɲ dano meno, romo koko apil pi tyen lok mo keken i kin magi:
 - (i) Arocaroca i yoo me tic,
 - (ii) Arocaroca me lok,
 - (iii) Arocaroca me cik, onyo
 - (iv) Tyen lok mo mukene ma weko winyo lok onyo mok bedo ki apokapoka onyo pe genne.
- 2.(a) Malube ki Cik me Tic ki me Lanyut, Procekuta onyo dano ma giɲolo bal i wiye romo koko apil i kum pwod ma gimiyi pi tyen lok ni pwod ma gimiyi pe opore ki bal;
 - (b) Ka iɲe koko apil i kum pwod ma gimiyi, Kot onoɲo ni tyen lok tye ma weko bal ma giɲolo i wii dano giromo jwayo-ne, ducu onyo bute, Kot romo lwoɲo Procekuta ki dano ma giɲolo bal i wiye-ni me kelo lok magi i te dul 81, paragraf 1 (a) onyo (b), dok Kot romo kati ki mok i kum bal ma giɲolo i wii dano malube ki dul 83;
 - (c) Kit yoo me tic acel-li tiyo ka Kot noɲo ni tyen lok tye me jwiko pwod i te paragraf 2 (a) malube ki koko apil ma gikelo i kum bal ma giɲolo i wii dano keken.

3. (a) Nikwanyo ka Jang Kot me Pido ogolo oda mapat, dano ma giñolo bal i wiye bimedede ki bedo i buc kun noño kurro koko apil.
- (b) Ka dano ma giñolo bal i wiye ni obedo i buc pi wel nino makato wel nino me pwod me twec i buc ma gimiyoy, gibigonyo dano meno nikwanyo, ka Procekuta bene tye ka koko apil, ci gonyo dano meno romo jeñe i kum jami ma gicimo i te paragraf matidi (c) ma tye pinyo kany;
- (c) Ka giñolo ni bal pe i wii dano ma gikelo adot i kume-ni, gibigonyo dano meno cutcut, ka alokaloka obedo pe malube ki jami magi:
- (i) Ka lok mo tye ma pire tek, dok ma noño giketo i tam, i kin jami mukene, lworoy madit ni dano meno romo lwii, rac pa bal ma gikelo iye adot ki byek ni giromoy loyoy apil, Jang Kot me Pido, iñe kwac pa Procekuta, romo wekoy dano meno mede ki bedo i gañ twec kun kurro apil;
- (ii) Mok pa Jang Kot me Pido i te paragraf matidi (c)(i) giromoy koko iye apil malube ki Cik me Tic ki me lanyut.
4. Ka alokaloka obedo pe malube ki cik ma tye i paragraf 3 (a) ki (b), keto i tic mok onyoy pwod gibijukko-ne pi tutunu pi kare ma giyee me koko apil ki me winyoy apil.

Dul 82

Koko Apil i kum mok mukene

1. Malube ki Cik me Tic ki me Lanyut, lukel adot onyoy lupyem adot giromoy koko apil i kum mok moy keken i kin mok magi:
- (a) Mok ma kwakoy tweroy me tic pa Kot ki yee onyoy kweroy adot;
- (b) Mok ma yee onyoy kweroy ni gigonyoy dano ma gitye ka kwedoy lok onyoy ka kelo adot i kume-ni;
- (c) Mok pa Jang Kot me Cakoy Pido me timoy jami pire kene i te ki dul 56, paragraf 3;
- (d) Mok ma kwakoy lok ma tweroy bedo ki adwogiy madit i kum pidoy ma time laboño apokapokoy dok oyot oyot onyoy i kum adwogiy me pidoy dok, ma ki i tam pa Jang Kot me Cakoy Pido onyoy Jang Kot me

Pido, ka Jang Kot me Koko Apil ocobo lok man cutcut ci man romo, i yoo madit, weko pido woto oyot oyot.

2. Lobo ma lok man kwako onyo Procekuta romo koko apil i kum mok ma Jang Kot me Cako Pido okati kwede i te dul 57, paragraf 3 (d), kace onoŋo twero ki bot Jang Kot me Cako Pido. Gibiwinyo apil meno oyot oyot.
3. Koko apil pire kene pe bibedo ki adwogi ma jukko pi tutunu mok pa kot nikwanyo ka Jang Kot me Apil ogolo oda kumeno, iŋe noŋo kwac, malube ki Cik me Tic ki me Lanyut.
4. Lawaŋ joo ma gitimo bal i kum-gi malube ki lok me cik, dano ma giŋolo bal i wiye onyo won jami kikume, ma mok ma gikati kwede i te dul 75 obedo ki adwogi marac i kume, romo koko apil i kum oda me cul, kit ma gicimo i Cik me Tic ki me Lanyut.

Dul 83

Winyo lok me Apil

1. Pi winyo lok i te dul 81 ki i te dul man, Jang Kot me Apil bibedo ki twero ducu pa Jang Kot me Pido.
2. Ka Jang Kot me Apil onoŋo ni pido ma gikoko iye apil obedo ki apokapoka i yoo ma oweko gen odoko nok i kum mok onyo pwod ma gimiyi; onyo ni mok onyo pwod ma gikoko iye apil obedo pi adwogi madit me arocaroca me lok onyo me cik onyo arocaroca i yoo me tic, Jang Kot me Apil romo:
 - (a) Jwayo onyo loko mok onyo pwod; onyo
 - (b) Golo oda me cako pido manyen i nyim Jang Kot me Pido mapat.

Pi jami magi, Jang Kot me Apil romo dwoko cen lok ma tye bot Jang Kot me Pido ma okwoŋo winyo lok wek okati ki mok i kum lok meno dok omii ripot malube ki meno; onyo Jang Kot meno kikume romo penyo ni gikel lanyut me moko lok meno. Kace lakok apil i kum mok onyo pwod ma gimiyi obedo dano ma giŋolo bal i wiye-ni keken onyo obedo Procekuta me kawaŋ dano meno, pe gitwero loko mok onyo pwod meno i yoo ma bedo ki adwogi marac i kum dano meno.

3. Ka i koko apil i kum pwod ma gimiyu, Jang Kot me Apil noŋo ni pwod ma gimiyu pe opore ki bal, Jang Kot meno romo loko pwod malube ki Cura 7.
4. Dol pa Jang Kot me Apil bibedo gin ma noŋo pol pa luŋolkop gucwako dok gibimiyu-ne i kot ma giyabo bot lwak. Dol meno bitito tyen lok ma oweko giŋolo lok kumeno. Ka luŋolkop ducu pe guyee, ŋol pa Jang Kot me Apil binyutu tam pa luŋolkop makato nucu ki tam pa nok pa luŋolkop ento laŋolkop mo romo miyo tam mapat onyo ma opoke ki i kum tam pa luŋolkop mukene i kum lok me cik.
5. Jang Kot me Apil romo miyo ŋol-le ma noŋo dano ma giŋolo ni bal pe i wiye onyo giŋolo bal i wiye kume pe.

Dul 84

Diyu odoco bal ma giŋolo i wii dano onyo pwod ma gimiyu

1. Dano ma giŋolo bal i wiye onyo, iŋe too pa dano meno, dako-ne onyo cware, lutino-ne, lunyodo-ne onyo dano mo ma onyo kwoo i kare me too pa dano ma gikelo adot i kume-ni, ma onyo twero ma gicoyo acoya me kelo lok ma kit meno, onyo Procekuta me kawan dano ma gikelo adot i kume-ni, romo cwalo kwac bot Jang Kot me Apil me ŋiyu odoco ŋol me agiki ma kwako bal ma giŋolo i wii dano onyo pwod ma gimiyu pi tyen lok ni:
 - (a) Ginonjo lanyut manyen ma:
 - (i) Ononjo peke i kare me pido dok kit bedo peke pa lanyut meno pe obedo, i yoo ducu onyo i yoo mogo, pi gin mo ma dano mo onyo dul ma omiyo kwac-ni otimo; ki
 - (ii) Pire tek madaa, ma ka ononjo obed ni ginyutu adaa-ne i kare me pido, ononjo romo kelo ŋol mapat;
 - (b) Pud ginonjo cokcok-ki ni lanyut ma oweko giŋolo lok kumeno, ma gitiyo kwede i kare me pido dok ma gitiyo kwede me ŋolo bal i wii dano ni, obedo lanyut goba, onyo lanyut ma giyubu ayuba onyo lanyut ma giloko jami i kume;
 - (c) Laŋolkop acel onyo makato ma gubedo tye i ŋolo bal i wii dano onyo i winyo lok me moko adot gutimo, i lok meno, tim marac

atika onyo guturo i yoo marac cik me tic ma romo weko gikwanyo laṅolkop meno onyo luṅolkop magi ki i dog tic i te dul 46.

2. Jang Kot me Apil romo kwero kwac meno ka noṅo ni tyen lok-ke peke. Ka onoṅo ni kwac meno opore me aniya, Jang Kot meno romo, kit ma opore:
 - (a) Lwoṅo odoco Jang Kot me Pido mukwoṅo;
 - (b) Keto Jang Kot me Pido manyen; onyo
 - (c) Gwoko twero me tic i kum lok meno ki tam me kati ki mok kace omyero giṅii odoco ṅol meno iṅe winyo lok pa dul ma tye i pido kit ma gicimo i Cik me Tic ki me Lanyut.

Dul 85

Culu dano ma gimako onyo giṅolo bal i wiye

1. Dano mo keken ma gimako onyo gigwoko i gaṅ twec laboṅo lubu cik bibedo ki twero me noṅo cul i te cik.
2. Ka dano ma giṅolo ni bal tye i wiye i mok me agiki dok ka iṅeye gikwanyo bal ki i wiye pi tyen lok ni giṅoṅo lok mo manyen onyo ni lok ma pud giṅoṅo cokcok-ki nyutu atir ni ṅol matir pe otime, dano ma onoṅo pwod macalo adwogi me ṅolo bal i wiye, binoṅo cul malube ki cik, nikwanyo ka ginyutu ni lok ma onoṅo pe giṅeyo pe ginyutu con pien bal ducu onyo mogo obedo pa dano meno.
3. Pi tyen lok mo ma pire tek, ka Kot onoṅo lok ma cimo ni ṅol otime i yoo marac atika dok ma nen kamaleṅ, Kot romo tic ki twero-ne me golo oda, malube ki lok ma gicimo i Cik me Tic ki me Lanyut, me culu dano ma gigonyo ki i gaṅ twec malube ki mok me agiki me kwanyo bal ki i wiye onyo malube ki giko winyo lok pi tyen lok meno.

CURA 9 TIC KACEL I KIN LOBE KI KONY ME TIC CIK

Dul 86

Jami ma mitte i kare ducu me tic kacel

Lobe ma Lumemba, malube ki cik ma tye i Cik man, bitic kacel ki Kot i yoo ducu i kwedo lok ki pido i kum bal ma poto i te twero me tic pa Kot.

Dul 87

Kwac me tic kacel: cik ma kwako jami mapatpat

1. (a) Kot bibedo ki twero me cwalo kwac bot Lobe ma Lumemba me tic kacel. Kwac magi gibicwalo-ne ma noŋo gilubu yoo me kubu lok ma tye i kin lobe ma tye ki wat i kin-gi onyo yoo mo mukene mupore ma Lobo ma Lamemba acel acel ocimo i kare me moko cik ma yee Cik man, yee, cwako onyo donyo i Cik man. Lobo ma Lamemba acel acel bikelo alokaloka ma bitime lacen i yoo me tic malube ki Cik me Tic ki me Lanyut.
- (b) Ka opore, laboŋo dwoko piny rwom pa cik ma tye i paragraf matidi (a), giromo bene cwalo kwac ma wok ki bot International Criminal Police Organisation onyo dul mo keken me lobe ma otene mupore.
2. Kwac me tic kacel ki dokumen mo keken ma cwako kwac meno bibedo i onyo gibicwalo-ne kacel ki ma noŋo gigonyo i leb me tic ma gimoko i te cik pa lobo ma onoŋo kwac-ni onyo i kin leb acel me tic pa Kot, malube ki leb ma Lobo meno oyero iŋe moko cik ma yee Cik man, yee, cwako onyo donyo i Cik man. Alokaloka ma lacen i yer man bitime malube ki Cik me Tic ki me Lanyut.
3. Lobo ma onoŋo kwac-ni bigwoko i muŋ kwac me tic kacel ki dokumen mo keken ma cwako kwac meno, nikwanyo ka nyutu jami magi mitte me keto kwac meno i tic.
4. Ma kwako kwac mo keken me kony ma gikelo i te Cura man, Kot romo kwanyo kit yoo ma mitte, ma i kine tye i iye yoo ma kwako gwoko lok, kit ma romo mitte kwede me neno ni gigwoko ber bedo onyo ni awano me kum onyo me wic pe otime i kum joo ma gitimo bal i kum-gi mo keken, joo ma romo bedo lucaden ki lugaŋ-gi. Kot romo kwayo ni lok mo keken ma gikelo kamaleŋ i te Cura man gibimiyo-ne dok gibitiyo kwede i yoo ma gwoko ber bedo dok ma neno ni awano me kum onyo me wic pe otime i kum joo mo keken ma gitimo bal i kum-gi, joo ma romo bedo lucaden ki lugaŋ-gi.

5. (a) Kot romo lwoŋo Lobo mo keken ma pe Lamemba me Cik man me miyo kony i te Cura man malube ki yub me tutunu, winye ki Lobo ma kit man onyo pi gin mo keken mupore.
 - (b) Ka Lobo ma pe Lamemba me Cik man, ento ma oduonyo i yub me tutunu onyo winye ki Kot, okwero tic kacel i kum kwac malube ki kit yub onyo winye mo keken, Kot romo miyo ŋec bot Kacokke pa Lobe ma Lumemba onyo, ka Security Council aye ocwalo lok meno bot Kot, bot Security Council.
6. Kot romo kwayo dul mo keken ma kubu kin gamente mapatpat me miyo lok onyo dokumen. Kot bene romo kwayo pi yoo mukene me tic kacel ki kony ma giromo yee iye ki dul man dok malube ki diro me ticce onyo twero me ticce.
7. Ka Lobo ma Lamemba pe otimo gin mo i kum kwac pa Kot me tic kacel ma pe rwatte ki cik ma tye i Cik man, ma noŋo geŋo Kot me timo ticce ki tic ki twero-ne i te Cik man, Kot romo moko lok malube ki lok man dok romo cwalo lok-ke bot Kacokke pa Lobe ma Lumemba onyo, ka Security Council aye ocwalo lok meno bot Kot, bot Security Council.

Dul 88

Yoo me tic cik ma tye i lobo moni

Lobe ma Lumemba bineno ni yoo me tic tye i cik me lobo-gi pi yoo ducu me tic kacel ma gicimo i Cura man.

Dul 89

Miyo dano bot Kot

1. Kot romo cwalo kwac pi mak ki miyo dano, kacel ki jami ma cwako kwac man kit ma gicimo kwede i dul 91, bot Lobo mo keken ma giromo noŋo i iye dano meno i ŋom-ne dok bikwayo winye pa Lobo meno me mako ki miyo dano ma kit meno bot Kot. Lobo ma Lumemba, malube ki cik ma tye i Cura man ki yoo me tic ma tye i cik me lobo-gi, biketo i tic kwac me mak ki miyo dano.
2. Ka dano ma gitye ka yenyo-ne me bino i Kot obedo ki pyem i nyim kot me lobo-ne malube ki cik ma cimo ni bal acel pe gimio iye pwod kiryo (*Ne bis in idem*) kit ma gicimo i dul 20, lobo ma onoŋo kwac-ni binoŋo tam cutcut ki bot Kot me moko kace tye mok mo ma rwatte ma kwako yee pido. Ka giyee pido i kum lok meno, ci lobo ma onoŋo kwac-ni bimedede ki keto i tic kwac man. Ka pud

gitye ka kurro mok i kum yee pido, lobo ma onoŋo kwac-ni romo diro anyim keto i tic kwac me miyo dano meno bot Kot waŋ ma Kot omoko lok i kum yee pido.

- 3.(a) Lobo ma Lamemba bimiyo twero, malube ki yoo me tic cik me lobo meno, ni gikat ki dano ma Lobo mukene tye ka miyo-ne bot Kot ki i ŋom-ne, nikwanyo ka kato ki i Lobo meno jukko onyo galo miyo dano meno.
- (b) Kwac pa Kot me kato pa dano ki i lobo moni gibimiyo-ne malube ki dul 87. Kwac me kato pa dano ki i lobo moni bibedo ki:
- (i) Lok ma tito kit dano ma gitye ka cwalo-ne ni;
- (ii) Lok ma tito wiye wiye lok ma tye i lok meno ki kit ma cik cimo kwede; ki
- (iii) Waran me mak ki miyo dano;
- (c) Gibigwoko dano ma gitye ka cwalo-ne ni i gaŋ twec i kare ma tye ka kato ki i lobo moni.
- (d) Twero pe mitte ka gitye ka cwalo dano meno ki dege dok pe giyubu ni dege opyee i ŋom pa Lobo ma dano meno omyero okat ki iye ni.
- (e) Ka dege opyee atura i ŋom pa lobo ma gitye ka kato ki iye, Lobo meno romo mito ni Kot ocwal kwac pi kato pa dano meno kit ma gicimo kwede i paragraf matidi (b). Lobo ma gitye ka kato ki iye ni bigwoko i gaŋ twec dano ma gitye ka cwalo ne i Kot waŋ ma ginonjo kwac me kato pa dano meno dok giketo man i tic, teki gwoko dano meno i gaŋ twec pi paragraf matidi man pe giromo medo-ne makato cawa 96 nicake ki i kare ma dege opyee atura ni, nikwanyo ka ginonjo kwac i kine ka cawa meno.
4. Ka dano ma gitye ka yenyo-ne ni gitye ka pido i kume onyo dano meno tye ka noŋo pwod i Lobo ma onoŋo kwac pi bal mapat ki bal ma omyero gimii iye dano meno bot Kot, Lobo ma onoŋo kwac, iŋe moko tam-ne me yee kwac meno, bipenyo tam ki bot Kot.

Dul 90

Kwac makato acel

1. Lobo ma Lamemba ma onoŋo kwac ki bot Kot pi miyo dano i te dul 89, ka bene onoŋo kwac ki bot Lobo mo keken mapat pi cwalo dano acel-li ki i lobo moni i lobo mukene me cuŋ pi tim marom ki bal ma Kot tye ka mito ni gimii iye dano meno, biniaŋo Kot ki Lobo ma ocwalo kwac-ni pi lok meno.
2. Ka Lobo ma ocwalo kwac tye Lobo ma Lamemba, Lobo ma onoŋo kwac-ni koŋ bitero kwac ma oaa ki bot Kot calo kwac ma pire tek maloyo ka:
 - (a) Kot, malube ki dul 18 onyo 19, omoko ni giromo yee pido i kum lok ma gitye ka mito iye dano meno dok bene mok meno keto i tam kwedo lok onyo kelo adot ma Lobo ma tye ka cwalo kwac-ni otimo malube ki kwac-ne ni gicwal dano meno ki i lobo moni i lobo mukene me cuŋ pi bal; onyo
 - (b) Kot omoko lok ma gicimo i paragraf matidi (a) malube ki ŋec ma Lobo ma onoŋo kwac-ni omiyo i te paragraf 1.
3. Ka pud pe gimoko lok i te paragraf 2(a), Lobo ma onoŋo kwac-ni romo, ki twero-ne kun noŋo kurro lok ma Kot bimoko i te paragraf 2(b), cako tic i kum kwac ma oaa ki bot Lobo ma ocwalo kwac me cwalo dano ki i lobo moni i lobo mukene me cuŋ pi bal, ento pe bicwalo dano meno waŋ ma Kot omoko ni pe giromo yee pido i lok meno. Kot bimoko lok-ke pi oyot oyot.
4. Ka Lobo ma ocwalo kwac-ni pe Lobo ma Lamemba me Cik man, Lobo ma onoŋo kwac-ni, ka pe omyero ocwal dano meno i lobo mukene me cuŋ pi bal i te cik ma kwako winye i kin lobe me wilobo, bitero kwac me miyo dano bot Kot calo kwac ma pire tek maloyo, ka Kot omoko ni lok meno giromo pido iye.
5. Ka Kot pud pe omoko ni lok i te paragraf 4 giromo pido iye, Lobo ma onoŋo kwac-ni romo, ka i tam-ne oneno ni mitte, cako tic i kum kwac ma oaa ki bot Lobo ma ocwalo kwac-ni me cwalo dano meno ki i lobo moni i lobo mukene me cuŋ pi bal.
6. I lok ma paragraf 4 tiyo nikwanyo ka Lobo ma onoŋo kwac-ni tye i te cik ma kwako winye i kin lobe me wilobo me cwalo dano meno ki i lobo moni bot Lobo ma ocwalo kwac ma pe tye Lamemba me

Cik man me cuŋ pi bal, Lobo ma onoŋo kwac-ni bimoko kace omyero gimii dano meno bot Kot onyo gicwal dano meno bot Lobo ma ocwalo kwac-ni. I moko lok-ke, Lobo ma onoŋo kwac-ni biŋiyo jami ducu ma rwatte, ma i kine tye i iye, ento pe gik i kum:

- (a) Nino dwee mapatpat ma gicwalo kwede kwac meno;
 - (b) Mitti pa Lobo ma ocwalo kwac-ni ma i kine tye i iye, ka rwatte, kace gitimo bal meno i ŋom-ne ki anywali pa joo ma gitimo bal i kum-gi ki pa dano ma gitye ka mito-ne ni; ki
 - (c) Miyo dano meno ma romo time lacen i kin Kot ki Lobo ma ocwalo kwac-ni.
7. Ka Lobo ma Lamemba onoŋo kwac ki bot Kot me miyo dano dok bene onoŋo kwac ki bot Lobo mo mukene me cwalo dano acel-li ki i lobo moni i lobo mukene me cuŋ pi tim mapat ki tim ma potu i kin bal ma Kot tye ka mito ni gimii iye dano meno:
- (a) Lobo ma onoŋo kwac-ni, ka pe tye i te cik ma kwako winye i kin lobe me wilobo me cwalo dano meno ki i lobo moni bot lobo ma ocwalo kwac-ni me cuŋ pi bal, bitero kwac me miyo dano bot Kot calo kwac ma pire tek maloyo;
 - (b) Lobo ma onoŋo kwac-ni, ka tye i te cik ma kwako winye i kin lobe me wilobo me cwalo dano ki i lobo moni bot Lobo ma ocwalo kwac-ni me cuŋ pi adot, bimoko kace omyero gimii dano meno bot Kot onyo gicwal bot Lobo ma ocwalo kwac-ni. I moko lok-ke, Lobo ma onoŋo kwac-ni biŋiyo jami ducu ma rwatte, ma i kine tye i iye, ento pe gik i kum, jami ma gicimo i paragraf 6, ento biketo i tam i yoo ma dok pat kit jami ki pek pa tim ma gitye ka lok i iye ni.
8. Ka malube ki miyo ŋec i te dul man, Kot omoko ni pe giromo yee pido i kum lok moni, dok iŋeye gikwero cwalo dano meno ki i lobo moni bot Lobo ma ocwalo kwac-ni me cuŋ pi bal, Lobo ma onoŋo kwac meno biniaŋo Kot i kum mok man.

Dul 91

Jami ma tye i kwac me mak ki me miyo dano

1. Kwac me mak ki me miyo dano gibiketo-ne i coc. Pi lok ma mitte oyot oyot, giromo cwalo kwac i yoo mo keken ma twero bedo i coc,

teki kwac meno gibimoko-ne ma noŋo gitiyo ki yoo ma gicimo i dul 87, paragraf 1(a).

2. Pi kwac me mako ki miyo dano ma Jang Kot me Cako Pido otyeko miyo waran me mak pire i te dul 58, kwac man bibedo iye onyo gibimedo kore ki:
 - (a) Lok ma tito kit dano ma gitye ka mito-ne ni, ma weko giromo ŋeyo dano meno ki lok ma nyutu kama dano meno romo bedo tye i iye;
 - (b) Kopi me waran me mak; ki
 - (c) Kit dokumen, lok dog onyo ŋec kit ma romo mitte wek Lobo ma onoŋo kwac-ni oti jami ma mitte me miyo dano ma tye i lobo meno, ento jami ma mitte ni gitim ni omyero pe obed tek maloyo jami ma gitiyo kwede me cwalo dano ki i lobo moni i lobo mukene me cuŋ pi bal malube ki gicikke onyo yub i kin Lobo ma onoŋo kwac-ni ki Lobe mukene dok, ka twere, jami magi omyero obed yot loyo, ma noŋo giketo i tam kit ma Kot man pat kwede.
3. Pi kwac me mako ki miyo dano ma doŋ gityeko ŋolo lok i wiye, kwac man bibedo i iye onyo gibimedo kore ki:
 - (a) Kopi me waran mo keken me mak pi dano meno;
 - (b) Kopi me ŋol ma cimo bal ma giŋolo;
 - (c) Lok ma nyutu ni dano ma gitye ka mito-ne ni en aye dano ma gicimo i ŋol ma cimo bal ma giŋolo ni; dok
 - (d) Ka doŋ gityeko miyo pwod bot dano ma gitye ka mito-ne ni, kopi me pwod ma gimiyo dok, ma kwako twec i buc, lok ma gicoyo ma nyutu kare ma doŋ otyeko i buc ki kare ma pud odoŋ me bedo i buc.
4. Iŋe noŋo kwac ki bot Kot, Lobo ma Lamemba, bipenyo tam pa Kot i kum lok ducu ma mitte onyo i kum lok mo acel ma kwako jami ma mitte i te cik me lobo-ne ma romo tic i te paragraf 2(c). I kare me penyo tam man, Lobo ma Lamemba meno bimiyo tam bot Kot i kum jami ma mitte me cik me lobo-ne.

Dul 92

Mak pi tutunu

1. Pi lok ma mitte pi oyot oyot, Kot romo miyo kwac me mako dano ma gitye ka mito-ne ni pi tutunu kun noŋo kurro ni gimii kwac me miyo dano meno ki dokumen ma medo kor kwac man kit ma gicimo i dul 91.
2. Kwac me mak pi tutunu gibicwalo-ne i kit yoo mo keken ma twero bedo i coc dok bibedo i iye:
 - (a) Lok ma tito dano ma gitye ka mito-ne ni, ma weko giromo ŋeyo dano meno ki lok ma nyutu kama dano meno romo bedo tye i iye;
 - (b) Lok macek ma tito bal ma oweko gimito mako iye dano meno ki ma tito lok ma gibyeke ni cimo kit bal magi, ma i kine tye i iye, ka twere, nino dwee ki kabedo ma bal otime i iye;
 - (c) Lok ma nyutu ni waran me mak tye onyo ŋol ma cimo bal ma giŋolo i wii dano ma gitye ka mito-ne ni; ki
 - (d) Lok ma tito ni kwac me miyo dano ma gitye ka mito-ne ni bibino lacen.
3. Dano ma gimako pi tutunu giromo gonyo-ne ki i twec ka Lobo ma onoŋo kwac-ni pud pe onoŋo kwac me miyo dano meno ki dokumen ma medo kor kwac meno kit ma gicimo i dul 91, i waŋ kare ma gicimo i Cik me Tic ki me Lanyut. Ento dano meno romo yee me mine ma pud pe kare man okato kace Cik me Lobo ma onoŋo kwac yee. Ka man otime, Lobo ma onoŋo kwac bimiyo dano meno bot Kot oyot kit ma twere kwede.
4. Kadi bed ni dano ma gimito ni doŋ gigonyo ki i gaŋ twec malube ki paragraf 3, meno pe bigeŋo mako ki miyo dano meno i anyim kace kwac me miyo dano meno ki dokumen ma medo kor kwac meno gikelo i nino ma lacen.

Dul 93

Yoo mukene me tic kacel

1. Lobe ma Lumemba, malube ki cik ma tye i Cura man ki yoo me tic me cik me lobo moni, biworo kwac pa Kot me miyo kony magi ma kwako kwedo lok onyo kelo adot:
 - (a) Nyutu dano ki kama dano meno tye i iye onyo kabedo ma jami tye i iye;
 - (b) Coyo lanyut, ma i kine tye i iye caden ma gimiyo ma noŋo gikwoŋe, ki kelo lanyut, ma i kine tye i iye tam pa ludiro ki ripot ma mitte bot Kot;
 - (c) Penyo dano mo keken ma gitye ka kwedo lok onyo ka kelo adot i kume;
 - (d) Miyo dokumen, ma i kine tye i iye dokumen me tic cik;
 - (e) Timo jami ma mitte wek dano gubin ki cwiny-gi i nyim Kot macalo lucaden onyo ludiro;
 - (f) Kobo dano pi tutunu kit ma gicimo i paragraf 7;
 - (g) Diyo kabedo onyo kama gin mo otime iye, ma i kine tye i iye golo kum dano ma giyiko ki ŋiyo kama giyiko i iye dano;
 - (h) Keto i tic yenyo ki mako jami;
 - (i) Miyo rekod ki dokumen, ma i kine tye i iye rekod ki dokumen me tic;
 - (j) Gwoko joo ma gitimo bal i kum-gi ki lucaden kacel ki gwoko lanyut;
 - (k) Nyutu, yenyo dok geŋo tic ki jami onyo mako lonyo ma ginŋo ki i kum jami, jami ki jami ma kelo lonyo ki jami ma gitiyo kwede me timo bal, ma noŋo gitimo pi kwanyo jami macalo pwod laboŋo dwoko piny twero pa wegi jami meno; ki
 - (l) Kit kony mo keken ma noŋo cik me Lobo ma onoŋo kwac-ni pe geŋo, ki tam me timo jami ma mitte wek gikwed lok dok gikel adot i kum bal ma poto i te twero me tic pa Kot.

2. Kot bibedo ki twero me cikke bot lacaden onyo ladiro ma obino i nyim Kot ni pe gibikelo adot i kume, pe gibitweyo-ne onyo pe gibiketo-en i kit yoo mo keken ma kwanyo twero-ne me bedo agonya pi tim mo keken onyo pi gin mo ma pe otimo ma dano meno pud pe ocako wot me aa ki i Lobo ma onojo kwac-ni.
3. Kace keto i tic kit yoo me kony moni ma tye i kwac ma gimio i te paragraf 1 gigejo i Lobo ma onojo kwac-ni pi cik ma tye ma pire tek ma gitiyo kwede kare ducu, Lobo ma onojo kwac-ni bipenyo tam pa Kot labojo gale wek gitem cobo lok man. I penyo tam man, omyero ginen kace giromo miyo kony meno i yoo mapat onyo ma nojo gilubu jami mogo. Ka ije penyo tam meno pe giromo cobo lok man, Kot biloko kwac meno kit ma mitte.
4. Malube ki dul 72, Lobo ma Lamemba romo kwero kwac me miyo kony ducu onyo bute, ka kwac meno kwako miyo dokumen mo keken onyo nyutu lanyut ma kwako sekuriti pa lobo meno.
5. Ma pud pe okwero miyo kony mo i te paragraf 1(l), Lobo ma onojo kwac-ni bineno ka kony meno romo mine malube ki jami ma giketo ni gilub, onyo ka giromo miyo kony meno laca onyo i yoo mapat, ma teki ka Kot onyo Procekuta oyee kony malube ki jami ma giketo ni gilub ni, ci Kot onyo Procekuta bilubu jami magi.
6. Ka gikwero kwac me miyo kony, Lobo ma onojo kwac-ni biniajo Kot onyo Procekuta labojo gale pi tyen lok ma oweko gikwero kwac meno.
7. (a) Kot romo miyo kwac ni gikob pi tutunu dano ma gitweyo pi nyutu dano meno onyo me nojo caden onyo kit kony mukene. Dano meno giromo kobo-ne kace jami magi otime:
 - (i) Dano meno kun nojo tye ki nec muromo yee ki cwinye ni gikob en; ki
 - (ii) Lobo ma onojo kwac-ni oyee kobo dano meno, malube ki kit jami mogo ma Lobo meno ki Kot giromo yee.
 - (b) Dano ma gitweyo ka kobo-ne ni bibedo i gaj twec. Ka gicobo lok ma gikobo iye dano meno, Kot bidwoko dano meno labojo gale i Lobo ma onojo kwac-ni.

8. (a) Kot bineno ni dokumen ki lok obedo i muṅ, nikwanyo kit ma mitte kwede pi kwedo lok ki pi pido ma gitito i kwac-ni.
- (b) Lobo ma onoṅo kwac-ni romo, kace mitte, cwalo dokumen onyo lok bot Procekuta i yoo me muṅ. Procekuta romo tic ki jami magi pi noṅo lanyut manyen keken.
- (c) Lobo ma onoṅo kwac-ni, romo yee lacen, pire kene onyo malube ki kwac pa Procekuta, me nyutu kit dokumen onyo lok magi. Iṅe meno giromo tic ki jami magi calo lanyut malube ki cik ma tye i Cura 5 ki 6 ki malube ki Cik me Tic ki me Lanyut.
- 9.(a)(i) Ka Lobo ma Lamemba onoṅo kwac makato acel ki bot Kot dok ki bot Lobo mukene malube ki cik ma kwako winye i kin lobe me wilobo, mapat ki kwac me miyo dano onyo me cwalo dano ki i lobo moni i lobo mukene me cuṅ pi bal, Lobo ma Lamemba meno bitemo, kun noṅo penyo tam pa Kot ki Lobo mukene ni, me cobo kwac aryo weṅ dok ka mitte giromo diro anyim onyo keto jami mogo ma omyero gilub i kum kwac acel i kin meno.
- (ii) Ka man pe oculo lok meno, kwac makato acel, gibicobo-ne malube ki cik ma tye i dul 90.
- (b) Ento ka, kwac pa Kot kwako lok, jami onyo dano ma tye i te twero pa Lobo mapat ki lobo ma ocwalo onyo onoṅo kwac-ni onyo i te twero pa dul mo me wilobo malube ki winye me wilobo, Lobe ma gunoṅo kwac-ni gubiniaṅo Kot ka Kot bicwalo kwac-ne bot Lobo mapat ki lobo ma ocwalo onyo onoṅo kwac-ni onyo bot dul me wilobo meno.
- 10.(a) Kot romo, kace onoṅo kwac, tic kacel dok miyo kony bot Lobo ma Lamemba ma tye ka kwedo lok onyo ma tye ka pido i kum bal ma potu i te twero me tic pa Kot onyo ma tye bal marac i te cik me lobo pa Lobo ma ocwalo kwac-ni.
- (b)(i) Kony ma gimio i te paragraf matidi (a) bibedo i iye, i kin jami mukene:
- a. Cwalo lok dog, dokumen onyo kwayi lanyut mukene ma ginoṅo i kare me kwedo lok onyo pido ma Kot otimo; ki
- b. Penyo dano mo keken ma gigwoko i gaṅ twec malube ki oda pa Kot;

- (ii) Ma kwako kony ma poto i te paragraf matidi (b)(i) a:
- a. Ka onono dokumen onyo kwayi lanyut mukene ginono ki kony pa Lobo moni, ci omyero ginon tvero pa Lobo meno me cwalo jami magi;
 - b. Ka lacaden onyo ladiro en aye omiyo lok dog, dokumen ki kwayi lanyut mukene, ci gibicwalo jami magi malube ki cik ma tye i dul 68.
 - (c) Kot romo, malube ki jami ma omyero gilub ma tye i paragraf man, yee kwac pi kony i te paragraf man, ma Lobo mo ma pe Lobo ma Lamemba me Cik man omiyo.

Dul 94

Diro anyim keto i tic kwac malube ki kwedo lok onyo adot ma gikelo ma tye ka time

1. Kace keto i tic kwac moni cutcut romo balo kwedo lok onyo adot ma gikelo ma tye ka time mapat ki ma gicwalo iye kwac-ni, Lobo ma onono kwac-ni romo diro anyim keto kwac meno i tic pi kare ma nono guwinye iye ki Kot. Ento, kare ma gidiro ni pe bikato kare ma mitte me tyeko kwedo lok onyo adot ma gikelo ma tye ka time i Lobo ma onono kwac-ni. Ma pud pe gimoko lok me diro anyim keto kwac i tic, Lobo ma onono kwac-ni omyero onen kace giromo keto kwac meno i tic cutcut ma nono lubu jami mogo ma omyero gilub.
2. Ka mok me diro anyim keto kwac i tic otime malube ki paragraf 1, Procekuta romo yenyo yoo me gwoko lanyut malube ki dul 93, paragraf 1(j).

Dul 95

Diro anyim keto i tic kwac malube ki kwero yee pido

Ka lok ma kwako kwero yee pido tye i nyim Kot malube ki dul 18 onyo 19, Lobo ma onono kwac-ni romo diro anyim keto i tic kwac ma gikelo malube ki Cura man ma nono gikurro mok pa Kot, nikwanyo ka Kot ogolo oda ni Procekuta romo mede ki koko lanyut ma kit meno malube ki dul 18 onyo 19.

Dul 96

Lok ma tye i kwac pi kwayi kony mukene i te dul 93

1. Kwac pi kwayi kony mukene ma gicimo i dul 93 bibedo i coc. Pi lok ma mitte oyot oyot, giromo cwalo kwac i yoo mo keken ma twero bedo i coc, teki kwac man gibimoko-ne ma noŋo gitiyo ki yoo ma gicimo i dul 87, paragraf 1(a).
2. Kwac meno, kit ma tiyo kwede, bibedo onyo gibimedo kore ki jami magi:
 - (a) Lok macek ma tito tyen kwac meno ki kony ma gipenyo ni, ma i kine tye i iye lok cik ki tyen lok me kwac meno;
 - (b) Dec matut kit ma twere i kum kabedo onyo gin ma nyutu dano mo keken onyo kabedo ma omyero ginonŋ onyo ginyut ka wek gimii kony ma gipenyo ni;
 - (c) Lok macek i kum lok ma pire tek ma oweko gipenyo kony meno;
 - (d) Tyen lok pi ki lok ma tito kore ki kore yoo me tic onyo gin mo keken me aluba;
 - (e) Kit lok kit ma noŋo romo mitte i te cik pa Lobo ma onoŋo kwac-ni wek giket kwac meno i tic; ki
 - (f) Lok mo keken ma rwatte wek gimii kony ma gipenyo pire ni.
3. Inje noŋo kwac ki bot Kot, Lobo ma Lamemba, bipenyo tam pa Kot i kum lok ducu ma mitte onyo i kum lok mo acel ma kwako jami ma mitte i te cik me lobo-ne ma romo tic i te paragraf 2(e). I kare me penyo tam man, Lobo ma Lamemba meno bimiyo tam bot Kot i kum jami ma mitte me cik me lobo-ne.
4. Cik ma i dul man, ka mitte, bitic bene malube ki kwac pi kony ma gicwalo bot Kot.

Dul 97

Penyo tam

Ka Lobo ma Lamemba onoŋo kwac i te Cura man ento noŋo ni peko tye ma romo jukko onyo geŋo keto i tic kwac man, Lobo meno bipenyo tam pa Kot laboŋo gale wek gicob peko meno. Kit peko magi romo bedo, i kin jami mukene:

- (a) Lok ma pe romo pi keto i tic kwac meno;
- (b) Pi kwac me miyo dano bot Kot, kadi bed ni gitiyo ki yoo ducu, dano ma gitye ka yenyo-ne ni pe gitwero noŋo-ne onyo ni kwedo lok ma gitimo ni omoko ni nen kamaleŋ ni dano ma tye i lobo ma onoŋo kwac-ni pe obedo dano ma nyiŋe tye i waran; onyo
- (c) Ni, keto i tic kwac meno kit ma tye kwede ni biwoko Lobo ma onoŋo kwac meno turo cikke ma onoŋo doŋ tye con i kin Lobo meno ki Lobo mukene.

Dul 98

Winye ma dok i kum kwero gwok ma gimiyi pi rwom ki yee me mine

1. Kot pe bimedede ki kwac me miyo dano onyo me kony ma dok biwoko Lobo ma onoŋo kwac-ni tiyo i yoo ma pe rwatte ki twero-ne i te cik me wilobo ma kwako lobo meno onyo gwok ma gimiyi pi rwom pa dano ma lucuŋ pa Lobo mo onyo jami pa Lobo mapat ki lobo ma ocwalo onyo onoŋo kwac-ni, nikwanyo ka Kot koŋ twero noŋo cwak ki bot lobo mapat ki Lobo ma ocwalo onyo onoŋo kwac-ni me kwanyo twero me gwok ma gimiyi pi rwom.
2. Kot pe bimedede ki kwac me miyo dano ma dok biwoko Lobo ma onoŋo kwac-ni tiyo i yoo ma pe rwatte ki twero-ne i te winye i kin lobe ma noŋo cwak pa Lobo ma ocwalo kwac mitte me miyo dano me Lobo meno bot Kot, nikwanyo ka Kot koŋ twero noŋo cwak pa Lobo ma ocwalo kwac me yee miyo dano meno.

Dul 99

Keto i tic kwac i te dul 93 ki 96

1. Kwac me kony gibiketo-ne i tic malube ki yoo me tic ma rwatte i te cik pa Lobo ma onoŋo kwac-ni dok, nikwanyo ka kit cik meno geŋo, i kit yoo ma gicimo i kwac meno, ma i kine tye i iye lubu yoo me tic mo keken ma gicoyo i kwac meno onyo miyo twero ki dano ma gicimo-gi i kwac meno me bedo tye dok me miyo kony i keto i tic kwac me kony meno.
2. Pi kwac ma mitte oyot oyot, dokumen onyo lanyut ma gikelo malube ki kwac meno, gibicwalo-gi oyot malube ki kwac pa Kot.
3. Lagam ma oaa ki bot Lobo ma onoŋo kwac-ni gibicwalo-ne i leb ma tye i iye dok kit ma tye kwede.

4. Laboŋo dwoko piny rwom pa dul mukene ma tye i Cura man, ka mitte pi keto i tic i yoo maber kwac ma gitwero keto-ne i tic laboŋo tic ki yoo ma giketo ni omyero gilub, ma i kine tye i iye tutwale penyo onyo gamo lanyut ki bot dano laboŋo dic, ma i kine tye i iye timo meno laboŋo luloc me Lobo ma Lamemba ma onoŋo kwac-ni ka mitte pi keto i tic kwac meno, ki ŋiyo laboŋo loko kabedo pa lwak mo onyo kabedo pa lwak mukene, Procekuta romo keto i tic kit kwac meno atir i ŋom pa Lobo kit man:
- (a) Ka Lobo ma Lamemba ma onoŋo kwac-ni obedo Lobo ma gibyeko ni bal otime i iye, dok gimoko me yee pido malube ki dul 18 onyo 19, Procekuta romo en kikume keto i tic kit kwac meno iŋe penyo tam kit ma twere kwede ki bot Lobo ma Lamemba ma onoŋo kwac-ni,
- (b) Pi lok mukene, Procekuta romo keto i tic kit kwac meno iŋe penyo tam ki bot Lobo ma Lamemba ma onoŋo kwac-ni dok malube ki gin mo keken mupore ma omyero gilub onyo lworu ma Lobo ma Lamemba meno okati kwede. Ka Lobo ma Lamemba ma onoŋo kwac-ni onoŋo peko mogo i keto i tic kwac malube ki paragrap matidi man, Lobo ma Lamemba ma onoŋo kwac man bipenyo tam ki bot Kot laboŋo gale me cobo peko meno.
5. Cik ma yee ni dano ma Kot owinyo lok-ke onyo openyo i te dul 72 otii ki lageŋ ma giketo me geŋo nyutu lok me muŋ ma kwako sekuriti me Lobo bene bitic i kum keto i tic kwac me kony ma tye i te dul man.

Dul 100

Wel

1. Lobo ma onoŋo kwac-ni en aye biculu wel ma mitte ma kwako keto i tic kwac magi i ŋom pa Lobo meno, nikwanyo jami magi ma Kot biculu pirgi:
- (a) Wel malube ki wot ki gwoko sekuriti pa lucaden ki ludiyo onyo kobo dano ma gitye ka gitweyo-gi pi tutunu i te dul 93;
- (b) Wel me gonyo leb ma gicoyo acoya, gonyo leb ma giloko aloka ki ma gicoyo i kare me winyo lok onyo pido;
- (c) Wel me wot ki me gwoko luŋolkop, Procekuta, Lulub kor Procekuta, Regictra, Lalub kor Regictra ki lutic pa dul mo keken pa Kot;

- (d) Wel me tam onyo ripot pa ladiro mo keken ma Kot openyo;
 - (e) Wel malube ki gin wot pa dano ma gitye ka miyo-ne bot Kot ki i Lobo ma tye ka gwoko-ne; ki
 - (f) Ije penyo tam, wel mo keken ma dok pat ma romo bino calo adwogi me keto i tic kwac mo.
2. Cik ma tye i paragraf 1 bitic, kit ma noŋo opore kwede, i kum kwac ma Lobo ma Lumemba gucwalo bot Kot. Ka obedo kumeno, Kot biculu wel ma mitte me keto i tic kwac magi.

Dul 101

Cik ma kemo bal ma gimiyo iye dano bot Kot

1. Dano ma gimiyo bot Kot i te Cik man pe gibipido i kume, pe gibimiyo ki en pwod onyo pe gibigwoko en i gaŋ twec pi gin mo keken ma en otimo ma pud pe gimiyo en bot Kot, mapat ki tim onyo tim ma ocoko tim mapol mapat ma okelo bal ma oweko gimiyo iye dano meno bot Kot.
2. Kot romo kwayo ki bot Lobo ma omiyo dano meno bot Kot me kwanyo jami ma mitte ma tye i paragraf 1 dok, ka mitte, Kot bimiyo lok mukene malube ki dul 91. Lobe ma Lumemba bibedo ki twero me miyo twero ki Kot me kwanyo jami ma mitte dok omyero guteme me timo kumeno.

Dul 102

Gonyo lok ma gitiyo kwede

Pi Cik man:

- (a) “Miyo dano” en aye kelo dano bot Kot, ma Lobo moni timo malube ki Cik man.
- (b) “Cwalo dano ki i lobo moni i lobo mukene me cuŋ pi bal” en aye kelo dano ma Lobo moni kelo i Lobo mukene kit ma tye kwede i gicikke, cik onyo cik me Lobo.

CURA 10 KETO I TIC

Dul 103

Tic pa Lobe pi keto i tic pwod me twec i buc

- 1.(a) Pwod me twec i buc gibiketo-ne i tic i Lobo ma Kot oyero ki i kin Lobe ma gunyutu mitti-gi bot Kot me yee dano ma giṅolo pwod i wii-gi.
- (b) I kare me nyutu mitti-ne me yee dano ma giṅolo pwod i wii-gi, Lobo moni romo keto i kum yee-ne jami ma omyero gilub kit ma lobo meno kacel ki Kot guyee kwede dok malube ki Cura man.
- (c) Lobo ma giyero pi lok moni bimiyo ṅec cutcut bot Kot ka lobo meno yee tic ma Kot omiyo.
- 2.(a) Lobo ma keto i tic pwod biniaṅo Kot ki gin mo keken, ma i kine tye i iye keto i tic gin mo keken me aluba ma giyee i te paragrap 1, ma twero bedo ki adwogi madit i kum lok ma giyee onyo kit ma omyero twec i buc obed kwede. Gibimiyo ṅec bot Kot pi kare ma romo oloo nino 45 i kum jami mo keken ma kit meno ma giṅeyo onyo gitamo ni romo time. I kare meno, Lobo ma keto i tic pwod pe bitimo gin mo ma romo dwoko piny tic ma omyero otim i te dul 110.
- (b) Ka Kot pe romo yee i kum lok ma gicimo i paragrap matidi (a), Kot biniaṅo Lobo ma keto i tic pwod dok bimedede anyim malube ki dul 104, paragrap 1.
3. I tic ki twero-ne me yero lobo i te paragrap 1, Kot biketo i tam jami magi:
 - (a) Cik ni Lobe ma Lumemba omyero gurib ciṅ-gi me keto i tic pwod me twec i buc, malube ki cik me poko jami i yoo marom, kit ma gicimo i Cik me Tic ki me Lanyut;
 - (b) Tic ki gicikke me wilobo ma giyee kama pol ma kwako rwom me gwoko dano ma gitweyo-gi i buc;
 - (c) Tam pa dano ma gimiyo ki en pwod;
 - (d) Anywali pa dano ma gimiyo ki en pwod;

- (e) Kit jami mukene ma dok i kum jami ma kwako bal onyo dano ma giṅolo pwod i wiye onyo yoo maber me keto i tic pwod meno, kit ma noṅo mitte kwede me yero Lobo ma omyero oket i tic pwod.
- 4. Ka pe giyero Lobo mo i te paragraf 1, pwod me twec i buc bitime i gaṅ buc ma Lobo ma gaṅ kal pa Kot tye i iye omiyo, malube ki jami ma giketo i winye ma kwako gaṅ kal ma tye i dul 3, paragraf 2. Ka man otime, Kot biculu cul ducu malube ki keto i tic pwod me twec i buc.

Dul 104

Loko Lobo ma gicimo me keto pwod i tic

- 1. Kot romo, i cawa mo keken, moko me kobo dano ma gimio ki en pwod i gaṅ buc pa Lobo mukene.
- 2. Dano ma gimio ki en pwod romo, i cawa mo keken, lego Kot wek gikob en ki i Lobo ma gitweyo en i iye.

Dul 105

Keto pwod i tic

- 1. Ka alokaloka obedo pe malube ki jami me aluba ma romo bedo ni Lobo moni ocimo malube ki dul 103, paragraf 1(b), pwod me twec i buc bibedo gin ma Lobe ma Lumemba omyero gulub, ma pe gibiloko-ne kadi ni ṅoo.
- 2. Kot keken aye bibedo ki twero me kati ki mok i kum kwac mo keken me koko apil ki me ṅiyo odoco pwod. Lobo ma keto pwod i tic pe bigeṅo dano ma gimio ki en pwod me cwalo kit kwac mo keken ma kit meno.

Dul 106

Diyo keto pwod i tic ki kit jami ma tye i gaṅ buc

- 1. Keto i tic pwod me twec i buc bitime kun noṅo Kot ṅiyo kore dok gibitimo-ne i yoo ma rwatte ki gicikke me wilobo ma giyee kama pol ma kwako rwom me gwoko dano ma gitweyo-gi i buc.
- 2. Kwo ki jami ma tye i gaṅ buc bibedo malube ki cik pa Lobo ma keto pwod i tic ma tye dok birwate ki gicikke me wilobo ma giyee kama pol ma kwako rwom me gwoko mabuc; kadi ni ṅoo kit jami

magi pe bibedo ber onyo rac makato jami ma tye pi mabuc ma gitweyo-gi pi bal marom ki meno i Lobo ma keto pwod i tic.

3. Lok i kin dano ma gimiyo ki en pwod ki Kot pe gibigejo-ne dok bibedo i muḡ.

Dul 107

Kobo dano ije tyeko pwod

1. Ije tyeko pwod, dano ma pe obedo anywali me Lobo ma oketo pwod i tic, ka mitte malube ki cik pa Lobo ma oketo pwod i tic, giromo kobo-ne i Lobo ma omyero ogam en onyo i Lobo mukene ma oyee me gamo en, kun noḡo gineno mitti mo keken pa dano meno ma gibikobo-ne i Lobo meno, nikwanyo ka Lobo ma keto pwod i tic omiyo twero ki dano meno me bedo i ḡom pa lobo meno.
2. Ka Lobo mo pe oculu cul ma aa ki i kobo dano meno i Lobo mukene malube ki paragraf 1, Kot biculu cul ma kit meno.
3. Ka alokaloka obedo pe malube ki cik ma tye i dul 108, Lobo ma oketo pwod i tic romo bene, malube ki cik me lobo meno cwalo onyo miyo dano meno bot Lobo ma ocwalo kwac ni gicwal dano meno ki i lobo moni i lobo mukene me cuḡ pi bal onyo gimii dano meno wek gipid i kum en onyo giket pwod ma gimiyo ki en i tic.

Dul 108

Geḡ i kum kelo adot onyo miyo pwod i kum bal mukene

1. Dano ma gimiyo ki en pwod, ma tye i te loc pa Lobo ma keto pwod me buc i tic, pe gibikelo adot i kume onyo pe gibimiyo ki en pwod onyo pe gibicwalo-ne ki i lobo moni i lobo mapat ki Lobo ma ocwalo onyo onoḡo kwac-ni me cuḡ pi tim mo keken ma en otimo con ma pud pe gicwalo en i Lobo ma keto pwod me buc i tic, nikwanyo ka Kot ocwako kit kelo adot, pwod onyo cwalo dano meno ki i lobo moni i lobo mukene me cuḡ pi bal ije noḡo kwac pa Lobo ma keto pwod me buc i tic.
2. Kot bikati ki mok i kum lok meno ije winyo tam pa dano ma gimiyo ki en pwod.
3. Paragraf 1 gibigiko tic kwede ka dano ma gimiyo ki en pwod obedo ki cwinye kene pi kare makato nino 30 i ḡom pa Lobo ma keto pwod me twec i tic ije tyeko pwod ducu ma Kot omiyo onyo ka odok i ḡom pa Lobo meno ije aa ki i iye.

Dul 109

Keto i tic pwod me culu *fine* ki yoo me kwanyo jami macalo pwod

1. Lobe ma Lumemba biketo i tic oda me culu *fine* onyo me kwanyo jami macalo pwod ma Kot ogolo i te i Cura 7, laboŋo dwoko piny twero pa joo mukene ma gitye ki mitti i kum jami meno, dok malube ki yoo me tic me cik ma i lobo-gi.
2. Ka Lobo ma Lamemba pe twero keto i tic oda me kwanyo jami macalo pwod, Lobo meno bikwanyo yoo me noŋo wel malube ki lonyo ma ginonjo ki i kum jami ma gicato, jami onyo jami ma kelo lonyo ma Kot ogolo i iye oda ni gikwany, laboŋo dwoko piny twero pa joo mukene, ma i te cik gitye ki mitti i kum jami meno.
3. Jami, onyo lonyo ma ginonjo ki i kum cato jami macalo ŋom onyo jami mukene ma kit meno onyo, ka rwatte, lonyo ma ginonjo ki i kum cato jami mukene, ma Lobo ma Lamemba onoŋo macalo adwogi me keto ŋol pa Kot i tic gibicwalo-ne bot Kot.

Dul 110

Kit ma Kot ŋiyo odoco lok me jwiko pwod

1. Lobo ma keto pwod me buc i tic pe bigonyo dano ka pud pe otyeko pwod ma Kot omiyo.
2. Kot keken aye bibedo ki twero me moko jwiko pwod mo keken, dok biŋolo lok i kum lok meno iŋe winyo lok pa dano meno.
3. Ka dano meno otyeko bedo i buc pi kare ma romo aryo i kum adek me pwod, onyo mwaka 25 ka onoŋo obedo twec i buc pi kwoo, Kot biŋiyo odoco pwod meno me neno kace giromo jwiko-ne. Kit ŋiyo odoco pwod meno pe gibitimo-ne ma pud kare meno pe oromo.
4. I ŋiyo odoco lok me jwiko pwod i te paragraf 3, Kot romo jwiko pwod ka onoŋo ni jami acel onyo makato i kin jami magi tye:
 - (a) Dano meno onyutu cwiny me tic kacel ki Kot con, dok omede ki cwiny man i kare ma Kot tye ka kwedo lok ki kelo adot;
 - (b) Kony ma dano meno omiyo ki cwinye me konyo keto ŋol ki oda pa Kot i kum lok mukene i tic, dok atikane miyo kony me nyutu kama jami ma kelo lonyo tye i iye malube ki oda me culu *fine*, kwanyo

jami macalo pwod onyo culu waŋ jami ma giromo tic kwede me konyo joo ma gitimo bal i kum-gi; onyo

- (c) Jami mukene ma nyutu alokaloka ma pire tek dok ma nen kamaleŋ, ma tye muromo ma weko gijwiko pwod, kit ma gicimo i Cik me tic ki me Lanyut.
5. Ka Kot, omoko i ŋiyo odoco lok me jwiko pwod pi tyen me acel i te paragraf 3, ni pe opore me jwiko pwod meno, Kot iŋe meno biŋiyo odoco lok me jwiko pwod kare ki kare dok ma noŋo tiyo ki jami ma gicimo i Cik me Tic ki me Lanyut.

Dul 111

Lwii

Ka dano ma giŋolo bal i wiye olwii ki i buc dok oriŋo ki i Lobo ma keto pwod me buc i tic Lobo meno romo, iŋe penyo tam ki bot Kot, kwayo ni Lobo ma dano meno tye i iye omii dano meno malube ki yub ma tye i kin lobe aryo onyo makato, onyo romo kwayo ni Kot openy ni gimii dano meno malube ki Cura 9. Kot romo golo oda ni gimii dano meno i Lobo ma onoŋo en tye ka noŋo pwod i iye onyo i Lobo mukene ma Kot oyero.

CURA 11 KACOKKE PA LOBE MA LUMEMBA

Dul 112

Kacokke pa Lobe ma Lumemba

1. Kacokke pa Lobe ma Lumemba me Cik man gityeko keto-ne. Lobo ma Lamemba acel acel bibedo ki lacuŋ acel i Kacokke, ma en romo bino ki lulub kore ki lumii tam. Lobe mukene ma guketo ciŋ-gi pi Cik man onyo Cik me Agiki giromo bedo tye i Kacokke macalo luneno.
2. Kacokke:
 - (a) Bineno dok bicwako, kit ma rwatte, tam ma Komicon ma onjiyo Yub pi keto Kot me Wilobo pi Bal okati kwede;
 - (b) Biŋjiyo tic pa Preciden, Procekuta ki Regictra ma kwako lok me loc pa Kot;
 - (c) Bineno ripot ki tic pa Opici ma giketo i te paragraf 3 dok bitimo jami ma opore ma dok i kum lok meno;
 - (d) Bineno dok bimoko byeko lim pa Kot;
 - (e) Bimoko kace gilok, malube ki dul 36, wel luŋolkop;
 - (f) Bineno, malube ki dul 87, paragraf 5 ki 7, lok mo keken ma kwako lok me kwero tic kacel;
 - (g) Bitiyo tic mo mukene ma rwatte ki Cik man onyo Cik me Tic ki me Lanyut.
3. (a) Kacokke bibedo ki Opici ma tye ki Preciden, Lulub kor Preciden aryo ki Lumemba 18 ma Kacokke oyero-gi me tic pi mwaka adek.
 - (b) Opici bibedo ki lumemba ma cuŋ pi kabedo mapatpat me wilobo, kun noŋo giketo i tam atikane ni kabedo mapatpat me wilobo ki kwayi cik madoŋo me wilobo gicuŋ pirgi i yoo marom.
 - (c) Opici birwate kare ki kare kit ma mitte ento oloo kicel i mwaka acel. Opici bikonyo Kacokke ki tiyo ticce.

4. Kacokke romo keto kit dul mogo ma tino ma jeŋŋe i kume kit ma romo mitte, ma i kine tye i iye dul ma loone kene ma ŋiyo tic pa Kot, neno kit ma tic pa Kot woto kwede ki kwedo lok i kum Kot wek omed rwom me tic pa Kot ki me tic ki jami i yoo maber.
5. Preciden me Kot, Procekuta ki Regictra onyo luwaŋ-gi giromo bedo tye, kit ma rwatte, i kacokke pa Kacokke ki pa Opici.
6. Kacokke birwatte i gaŋ kal pa Kot onyo i gaŋ kal pa United Nations kicel i mwaka acel dok, ka mitte pi gin mo, gibibedo ki kacokke pi gin meno. Nikwanyo ka gwok gicimo mapat i Cik man, Opici bilwoŋo kit kacokke ma noŋo gilwoŋo pi gin moni pire kene onyo malube ki kwac pa acel i kum adek pa Lobe ma Lumemba.
7. Lobo ma Lamemba acel acel bibolo kwir acel. Gibitimo jami ducu wek gimok lok ki dwon acel i Kacokke ki i Opici. Kace moko lok pe twero time ki dwon acel, nikwanyo ka gicimo mapat i Cik man:
 - (a) Mok ma kwako lok ma pirgi tek omyero onoŋ cwak pa dano ma romo aryo i kum adek pa dano ma tye dok gibolo kwir, teki wel dano ma mitte wek kacokke otime obedo Lobe ma Lumemba makato nucu;
 - (b) Mok i kum lok ma kwako yoo me tic gibimoko-ne kace pol pa Lobe ma Lumemba ma tye dok ma bolo kwir gucwako.
8. Lobo ma Lamemba ma pe oculu ajog ma omyero ocul bot Kot pe bibolo kwir i Kacokke ki i Opici kace wel cente ma okato aŋec ma Lobo meno pud pe oculu romo onyo kato wel ma omyero ocul pi mwaka aryo ducu mukato aŋec. Kadi bed kumeno, Kacokke romo yee Lobo ma Lamemba me bolo kwir i Kacokke ki i Opici ka giniaŋ ni cul oloyo Lobo meno pi jami ma Lobo ma Lamemba meno onoŋo pe romo geŋo.
9. Kacokke bimoko cik-ke me tic.
10. Leb me tic ma gimoko i te cik ki leb me tic i Kacokke bibedo leb me Kacokke Madit me United Nations.

CURA 12 LOK ME LIM

Dul 113

Cik ma kwako tic ki lim

Nikwanyo ka gwok gicimo mapat, lok ducu me lim ma kwako Kot ki kacokke pa Kacokke pa Lobe ma Lumemba, kacel ki Opici-ne ki dul matino ma jeŋŋe i kume, gibitic i iye ki cik man ki Cik me Tic ki Lim ma Kacokke pa Lobe ma Lumemba omoko.

Dul 114

Culu pi jami

Gibitic ki lim pa Kot me culu pi jami ma kwako Kot ki Kacokke pa Lobe ma Lumemba, kacel ki Opici-ne ki dul matino ma jeŋŋe i kume.

Dul 115

Lim pa Kot ki pa Kacokke pa Lobe ma Lumemba

Lim me culu pi jami ma kwako Kot ki Kacokke pa Lobe ma Lumemba, kacel ki Opici-ne ki dul matino ma jeŋŋe i kume, kit ma gicimo i byek me lim ma Kacokke pa Lobe ma Lumemba omoko, binoŋe i yoo ma kit magi:

- (a) Ajog ma giŋolo ma Lobe ma Lumemba culu;
- (b) Lim ma United Nations miyo, ma noŋo Kacokke Madit omoko, atikane lim ma gitiyo kwede malube ki lok ma Security Council ocwalo bot Kot.

Dul 116

Ajog laboŋo dic

Laboŋo dwoko piny rwom pa dul 115, Kot romo gamo dok tic, macalo lim ma gimedo i wii ajog, ajog ma Gamente, dul me wilobo, dano, dul ki dul mukene gumiyo laboŋo dic, malube ki jami ma gicoyo ma rwatte ma Kacokke pa Lobe ma Lumemba omoko.

Dul 117

Dolo ajog

Gibiŋolo ajog pa Lobe ma Lumemba malube ki yoo me ŋolo ajog ma giyee, ma noŋo cuŋ i kum yoo ma United Nations omoko pi byek lim-ne me kare ki kare, dok ma noŋo giyubu malube ki cik ma gilubu me yubu yoo meno.

Dul 118

Ŋiyo buk lim i tum mwaka

Lanjii buk lim ma loone kene biŋiyo mwaka ki mwaka rekod, buk ki buk lim pa Kot, ma i kine tye i iye lim ma Kot onoŋo dok otiyo kwede mwaka ki mwaka.

Copyright © STIC 2008

CURA 13 CIK ME AGIKI

Dul 119

Cobo lara

1. Lara mo keken ma kwako tic cik pa Kot gibicobo-ne ki mok pa Kot.
2. Lara mo keken mapat i kin Lobe ma Lumemba aryo onyo makato ma kwako gonyo onyo keto Cik man i tic ma pe gicobo ki winye i kine ka dwee adek ma lara-ne ocake, gibicwalo lok-ke bot Kacokke pa Lobe ma Lumemba. Kacokke romo en kikume yenyo yoo me cobo lara meno onyo miyo tam i kum yoo mukene me cobo lara meno, ma i kine tye i iye cwalo lok-ke bot Kot me Wilobo me Dɔl Matir malube ki Cik pa Kot meno.

Dul 120

Akalakala

Gibiyee Cik man kit ma tye kwede.

Dul 121

Alokaloka

1. Ka mwaka abiro otum ije Cik man cako i tic, Lobo ma Lamemba mo keken romo miyo tam me kelo alokaloka iye. Gibimiyo coc ma kwako alokaloka mo keken bot Karan Madit me United Nations ma bicwalo-ne cutcut bot Lobe ma Lumemba ducu.
2. Ka dwee adek okato ije nino ma gimiyo kwede ηec, Kacokke pa Lobo ma Lumemba i kacokke-ne ma i anyim, ki pol pa joo ma gitye dok gibolo kwir, bimoko kace omyero giyee tam man. Kacokke romo tic i kum tam man atir onyo lwoŋo Kacokke me Diyo Jami ka lok-ke mito man.
3. Moko alokaloka i kacokke pa Kacokke pa Lobe ma Lumemba onyo ki i Kacokke Me Diyo Jami ma pe giromo kati iye ki dwon acel bimito Lobe ma Lumemba ma romo aryo i kum adek.
4. Nikwanyo kit ma gicimo kwede i paragraf 5, alokaloka ma giyee bicako tic bot Lobe ma Lumemba ducu ije mwaka acel ma jami ma moko-ni gijolo onyo giyee Cik man doŋ gimiyo bot Karan Madit

me United Nations ma noŋo abiro i kum aboro pa Lumemba gutimo man.

5. Alokaloa mo keken i kum dul 5, 6, 7 ki 8 me Cik man bicako tic bot Lobe ma Lumemba meno ma guyee alokaloka-ni iŋe mwaka acel ma gumiyo jami-gi ma moko ni gijolo onyo giyee Cik man. Malube ki Lobo ma Lamemba ma pud pe oyee alokaloka ni, Kot pe bitic ki twero-ne me tic i kum bal ma alokaloka meno kwako ma anywali pa Lobo ma Lamemba meno otimo onyo otime i ŋom pa Lobo meno.
6. Ka abiro i kum aboro pa Lobe ma Lumemba guyee alokaloka mo malube ki paragraf 4, Lobo ma Lamemba mo keken ma pud pe oyee alokaloka meno romo kwero bedo Lamemba me Cik man cutcut, kadi bed ni dul 127 paragraf 1 cimo mapat, ento malube ki dul 127 paragraf 2, ma noŋo miyo ŋec ma noŋo mwaka acel pe okato nicake i kare ma alokaloka man giketo i tic.
7. Karan Madit me United Nations bicwalo bot Lobe ma Lumemba ducu alokaloka mo keken ma gimoko i kacokke pa Kacokke pa Lobe ma Lumemba onyo i Kacokke me Diyo Jami.

Dul 122

Alokaloka i kum cik ma kwako kit me tic

1. Lobo ma Lamemba mo keken romo miyo tam i cawa mo keken me kelo alokaloka i kum cik me Cik man ma kwako kit me tic keken, ma man aye, dul 35, dul 36 paragraf 8 ki 9, dul 37, dul 38, dul 39 paragraf 1 (tyeŋ aryo mukwoŋo keken), paragraf 2 ki 4, dul 42 paragraf 4 nioo wa i 9, dul 43 paragraf 2 ki 3, ki dul 44, 46, 47 ki 49, kadi bed ni dul 121 paragraf 1 cimo mapat. Gibimiyo coc ma kwako alokaloka mo keken ma gimito kelo-ne bot Karan Madit me United Nations onyo dano mukene ma kit meno ma Kacokke pa Lobe ma Lumemba gucimo ma bicwalo coc man cutcut bot Lobe ma Lumemba ducu ki bot joo mukene ma bedo tye i Kacokke.
2. Kacokke pa Lobe ma Lumemba onyo Kacokke me Diyo Jami, ma noŋo tye aryo i kum adek pa Lobe ma Lumemba, bimoko alokaloka i te dul man ma pe giromo kati iye ki dwon acel. Alokaloa ma kit man bicako tic pi Lobe ma Lumemba ducu iŋe dwee abicel ma noŋo Kacokke omoko, onyo, kit ma lok-ke romo bedo kwede, Kacokke me Diyo Jami.

Dul 123

Ñiyo odoco Cik man

1. Ije mwaka abiro ma Cik man ocasto tic, Karan Madit me United Nations bilwoño Kacokke me Ñiyo Jami pi neno alokaloka mo keken i kum Cik man. Kit ñiyo odoco Cik man romo bedo i iye, ento pe gik i kum, bal ma giriyeyo i dul 5. Kacokke man bibedo twolo bot joo ma bedo tye i Kacokke pa Lobe ma Lumemba dok i yoo marom.
2. I kare mo keken ije meno, ka Lobo ma Lamemba mo okwayo dok pi tyen lok ma gicimo i paragraf 1, Karan Madit me United Nations, ije noño cwak pa pol pa Lobe ma Lumemba, bilwongo Kacokke me Ñiyo Jami.
3. Cik ma tye i dul 121, paragraf 3 nioo wa i 7, bitic pi mok ki cako tic pa alokaloka mo keken i Cik man ma gimoko i Kacokke me Ñiyo Jami.

Dul 124

Cik pi tutunu

Kadi bed ni dul 12, paragraf 1 ki 2 cimo mapat, Lobo mo, ije doko Lobo ma Lamemba me Cik man, romo waco kamalenj ni, pi mwaka abiro ije cako tic pa Cik man pi Lobo meno, en pe yee twero me tic pa Kot malube ki kit bal ma gicimo i dul 8 ka gibyeko ni bal meno anywali me Lobo meno aye otimo onyo otime i ñom pa Lobo meno. Giromo kwero lok ma giwaco kamalenj ni i te dul man i cawa mo keken. Gibiñiyo cik ma tye i dul man i Kacokke me Ñiyo Jami ma gilwoño malube ki dul 123 paragraf 1.

Dul 125

Keto ciñ, jolo, yee, cwako onyo donyo i Cik man.

1. Cik man bibedo twolo pi keto ciñ pa Lobe ducu i Roma, i gañ kal pa Food and Agricultural Organization pa United Nations, i nino dwee 17 me dwee me abiro mwaka 1998. Ije meno, bibedo twolo pi keto ciñ i Roma i Minictri me Lok ma Woko me Italy nioo wa i nino dwee 17 me dwee me apar mwaka 1998. Ije nino meno, Cik man bibedo twolo me keto ciñ i New York, i gañ kal pa United Nations nioo wa i nino dwee 31 me dwee me apar wiye aryo mwaka 2000.

2. Cik man omyero Lobe ma guketo ciŋ-gi iye, gujol, guyee onyo gucwak. Jami ma moko ni gijolo, giyee onyo gicwako Cik man gibimiyo-gi bot Karan Madit me United Nations.
3. Cik man bibedo twolo bot Lobo ducu me donyo i iye. Gibimiyo jami ma moko donyo i Cik man bot Karan Madit me United Nations.

Dul 126

Cako tic pa Cik

1. Cik man bicako tic i nino mukwoŋo me dwee iŋe nino 60 iŋe nino dwee ma gimiyo i iye jami me 60 ma moko jolo, yee, cwako onyo donyo i Cik man bot Karan Madit me United Nations.
2. Pi Lobo acel acel ma tye ka jolo, yee, cwako onyo donyo i Cik man iŋe miyo jami me 60 ma moko jolo, yee, cwako onyo donyo i Cik man, Cik man bicako tic i nino mukwoŋo me dwee iŋe nino 60 iŋe Lobo ma kit meno miyo jami ma moko jolo, yee, cwako onyo donyo i Cik man.

Dul 127

Aa ki i Cik man

1. Lobo ma Lamemba romo, ma noŋo miyo ŋec i coc bot Karan Madit me United Nations, aa ki i Cik man. Aa ki i Cik man bicako tic mwaka acel iŋe nino dwee ma ginoŋo kwede ŋec, nikwanyo ka ŋec ma gimiyo cimo nino ma lacen.
2. Lobo mo pe biwoko, pi tyen lok me aa ki i Cik man, tic ma omyero otim ma aa ki i Cik man ma onoŋo pud tye Lamemba me Cik man, ma i kine tye i iye, lim ma omyero ocul ma onoŋo ojoge. Aa ki i Cik man pe bibedo ki adwogi mo i kum tic kacel ki Kot malube ki kwedo lok i kum bal ki pido ma onoŋo Lobo ma tye ka aa ki i Cik man onoŋo omyero otii kacel dok ma onoŋo ocake ma pud pe nino dwee me aa ki i Cik man oromo, dok pe bidwoko piny i yoo mo keken rwom me mede me tic kacel pi lok mo keken ma onoŋo doŋ Kot tye ka tic i iye ma pud pe nino dwee me aa ki i Cik man oromo.

Dul 128

Coc me cik i leb ma akalakala pe iye

Orijinol me Cik man, ma tye i leb Arabu, leb Chinese, leb Munu, leb Frenc, leb Russian ki leb Spanish, ma lok ma i-gi weŋ rom laboŋo akalakala, gibimiyo-ne bot Karan Madit me United Nations, ma bicwalo kopi ma giyee pa coc magi bot Lobe ducu.

MACALO LUCADEN I LOK MAN, dano ma nyiŋ-gi tye piny kany, ma gunoŋo twero ma mitte ki bot Gamente ma megi, doŋ guketo ciŋ-gi i kum Cik man.

GITIMO i Roma, i nino dwee 17 me dwee me abiro mwaka 1998.

Copyright © STIC 2008